

guía

**de recursos para as familias
2017**

Guía de recursos para as familias 2017

Xunta de Galicia
Consellería de Política Social
Dirección Xeral de Familia, Infancia e Dinamización Demográfica
Santiago de Compostela, 2017



1ª ed., 2017

© Xunta de Galicia. 2017. Guía de recursos para as familias 2017

Edita:

Consellería de Política Social


Dirección Xeral de Familia, Infancia e Dinamización Demográfica

<https://libraria.xunta.gal/gl/guia-de-recursos-para-as-familias-2017>

Esta obra distribúese cunha licenza CC-Atribución.CompartirIguual 4.0

España de Creative Commons. Para ver unha copia de licenza, visite:

https://creativecommons.org/licenses/by/4.0/deed.es_ES



Presentación

A Xunta de Galicia, dende o convencemento de que a familia constitúe a estrutura básica da sociedade e o medio natural de desenvolvemento e crecemento da persoa, pon en mans das familias galegas a *Guía de recursos para as familias 2017*, cara a facilitar a maior cantidade de información sobre os recursos, tanto económicos como humanos, que poden apoiar e axudar á mellora do benestar da familia e de cada unha das persoas que a compoñen.


Esta guía tenta achegar, con claridade, a información relativa ás axudas directas (prestacións económicas, programas e servizos de atención ás familias,...) como ás indirectas (conciliación laboral, vivenda, axudas a diferentes colectivos en risco,...) que dende os diversos departamentos da Administración autonómica como da Administración estatal están a desenvolverse.

Coa Guía de recursos preténdese reforzar e impulsar o proceso de transparencia na actividade da Administración, facilitando ás familias e, en concreto, ás persoas con responsabilidades familiares, o acceso a toda a información relativa aos recursos que teñen ao seu alcance permitíndolles desempeñar nas mellores condicións as tarefas e actividades derivadas das ditas responsabilidades.

Como conselleiro de Política Social, agardo que esta publicación sexa un instrumento útil, xunto co resto de estratexias e plans que tentamos por en marcha dende o Goberno galego, para apoiar e axudar á mellora da calidade de vida das familias galegas.

O conselleiro de Política Social

José Manuel Rey Varela



Un ano máis queremos achegar á sociedade galega o conxunto de actuacións públicas enmarcadas nas políticas de apoio á familia que, asentadas no mandato legal proclamado pola Constitución española e pola Carta de dereitos fundamentais da Unión Europea, implican un recoñecemento da importancia do papel da familia na construción das sociedades e recoñecen a obriga dos poderes públicos de garantir a súa protección social, económica e xurídica.


No noso contexto, o conxunto de actuacións orientadas a cubrir as necesidades das familias e/ou dos diferentes grupos de convivencia proceden dos diferentes ámbitos de competencias das administracións públicas, razón pola que a súa efectividade depende dun exercicio de vertebración que as integre e as complemente, e evite a súa duplicidade e dispersión.

A Guía de recursos para as familias 2017 recolle o conxunto de medidas e prestacións da Xunta de Galicia, as prestacións económicas da Seguridade Social, o conxunto de permisos e excedencias, os beneficios fiscais de ámbito autonómico, as medidas e beneficios fiscais de ámbito estatal, e os servizos, plans e programas encamiñados a apoiar e favorecer as familias galegas.

Esta guía de recursos é unha publicación de manexo sinxelo que permitirá á cidadanía coñecer todos os recursos orientados ao benestar das persoas e dos colectivos ou grupos de convivencia aos que pertencen e, así mesmo, proporciona os contactos necesarios para resolver todas as dúbidas que poidan ter.

A directora xeral de Familia, Infancia e Dinamización Demográfica

M^a Amparo González Méndez



Índice

Presentación	3
1 PRESTACIÓNS DA XUNTA DE GALICIA.....	10
1.1 Axuda económica para as familias con fillas e fillos nados no 2017, tarxeta benvida.....	11
1.2 Cesta Benvida.....	13
1.3 Prestación económica por fillas e fillos menores de tres anos	13
1.4 Bono coidado, axudas para a atención a domicilio de nenas e nenos menores de 3 anos	15
1.5 Axudas ás familias numerosas	17
1.6 Carné familiar galego.....	22
1.7 Transporte metropolitano. Aplicación social para familias numerosas	22
1.8 Axudas para estadías de fin de semana nas estacións de montaña para familias numerosas.....	23
1.9 Recoñecemento ou asimilación á categoría de descendente da filla ou fillo concibida ou concibido	24
1.10 Axudas a traballadores con redución de xornada laboral.....	25
1.11 Exención de pagamento nas escolas infantís dependentes da Consellería de Política Social	28
2 PRESTACIÓNS ECONÓMICAS DA SEGURIDADE SOCIAL	30
2.1 Prestación económica por parto ou adopción múltiple	31
2.2 Prestación económica por filla, fillo ou por acollemento familiar permanente ou garda con fins de adopción dunha ou dun menor a cargo	32
2.3 Prestación económica por nacemento ou adopción de fillas ou fillos, en supostos de familias numerosas, monoparentais e nos casos de nais con discapacidade igual ou superior ao 65 %	34
3 PERMISOS E EXCEDENCIAS	36
3.1 Permiso de maternidade.....	37
3.2 Permiso de paternidade.....	40
3.3 Risco durante o embarazo e lactación natural.....	42
3.4 Redución da xornada laboral por lactación.....	43

3.5 Redución da xornada laboral por coidado de menores e outras persoas da familia	44
3.6 Redución de xornada por coidado de menores afectadas ou afectados por cancro ou outra enfermidade grave	45
3.7 Outros permisos.....	47
3.8 A excedencia.....	49
4 BENEFICIOS FISCAIS DE ÁMBITO GALEGO.....	52
A - Imposto sobre a renda das persoas físicas	53
4.1 Dedución fiscal por nacemento ou adopción de fillas ou fillos.....	53
4.2 Dedución por familia numerosa	55
4.3 Dedución por acollemento	56
4.4 Dedución por coidado de fillas ou fillos de tres ou menos anos de idade	57
4.5 Dedución por suxeitos pasivos con discapacidade, de idade igual ou superior a 65 anos, que precisen a axuda de terceiras persoas	58
4.6 Dedución por gastos dirixidos ao emprego de novas tecnoloxías nos fogares galegos	59
4.7 Dedución por alugamento da vivenda habitual.....	60
4.8 Dedución por investimento en instalacións de climatización e/ou auga quente sanitaria que empreguen enerxías renovables na vivenda habitual e destinadas exclusivamente ao autoconsumo.....	61
4.9 Dedución por doazóns con finalidade en investigación e desenvolvemento científico e innovación tecnolóxica	62
4.10 Dedución por investimento na adquisición de accións ou participacións sociais en entidades novas ou de recente creación	62
4.11 Dedución por investimento na adquisición de accións ou participacións sociais en entidades novas ou de recente creación e o seu financiamento.....	63
4.12 Dedución por investimento en accións de entidades que cotizan no segmento de empresas en expansión do mercado alternativo bolsista	64
B Imposto sobre sucesións e doazóns	65
C Imposto sobre transmisións patrimoniais e actos xurídicos documentados	67
5 MEDIDAS E BENEFICIOS FISCAIS DE ÁMBITO ESTATAL	70
A - Imposto sobre a renda das persoas físicas	71
5.1 Redución por tributación conxunta	71
5.2 Mínimo persoal e familiar.....	72


5.3 Dedución por maternidade para mulleres traballadoras con fillas ou fillos menores de 3 anos	75
5.4 Dedución por familia numerosa	76
5.5 Dedución por familia monoparental con dúas fillas ou dous fillos	77
5.6. Dedución por persoas ascendentes e/ou descendentes con discapacidade	78
B - Outras medidas.....	79
5.7 Bono social	79
5.8 Axudas para a adquisición de vehículos de enerxías alternativas, Plan MOVEA 2017.....	82
5.9 Axudas no caso de non aboamento de pensións de alimentos en situacións de separación ou divorcio	84
6 SERVIZOS DE APOIO	86
6.1 Portal web das familias galegas	87
6.2 Rede galega de escolas infantís.....	88
6.3 Programa do bono concilia	92
6.4 Prazas concertadas nas escolas infantís 0-3 anos de titularidade privada	94
6.5 Casas niño	97
6.6 Gabinetes de orientación familiar	98
6.7 GOF virtual.....	100
6.8 Puntos de encontro familiar	100
6.9 Residencias de tempo libre.....	103
7 PLANS E PROGRAMAS	106
A - Programas e servizos comunitarios básicos.....	107
7.1 Programa de valoración, orientación e información.....	108
7.2 Servizo de axuda no fogar	109
7.3 Servizo de educación e o apoio familiar	110
7.4 Programa básico de inserción social	112
7.5 Programa de fomento da cooperación e da solidariedade social	113
B - Outros programas sociais	114
7.6 Programa Reconduce	114
7.7 Programa de acollemento familiar	115

7.8 Programa de adopcións.....	118
7.9 Programa de mediación familiar	119
7.10 Programas de recursos integrais de atención especializada dirixidos a mulleres en situación de especial vulnerabilidade.....	121
8 PROGRAMA DE ATENCIÓN A MULLERES VÍTIMAS DA VIOLENCIA DE XÉNERO	124
9 RECURSOS PARA FAMILIAS CON PERSOAS EN SITUACIÓN DE DEPENDENCIA	136
10 OUTROS RECURSOS DE INTERESE PARA AS FAMILIAS	142
10.1 Consellería de Política Social.....	144
10.2 Presidencia. Secretaría Xeral de Emigración	150
10.3 Vicepresidencia e Consellería de Presidencia, Administracións Públicas e Xustiza. Secretaría Xeral da Igualdade.....	152
10.4 Consellería de Medio Ambiente e Ordenación do territorio.....	155
10.5 Consellería de Infraestrutura e Vivenda	157
10.6 Consellería de Economía, Emprego e Industria	164
10.7 Consellería de Cultura, Educación e Ordenación Universitaria.....	169
10.8 Consellería de Sanidade	175
10.9 Consellería de Medio Rural	177
10.10 Consellería do Mar	179



de recursos para as familias 2017

1 Prestacións da Xunta de Galicia



1.1 Axuda económica para as familias con fillas e fillos nados no 2017, Tarxeta Benvida

É unha axuda económica destinada ás familias que no ano 2017 teñan un fillo/a ou adopten ou estean en situación de garda con fins adoptivos dun neno ou nena menor dun ano, co fin de contribuír a sufragar os gastos derivados da súa crianza durante o primeiro ano de vida.

Esta axuda instrumentalízase a través da Tarxeta Benvida, cuxo obxectivo é adquirir produtos básicos para a nena ou neno, a cal só poderá ser utilizada en farmacias, parafarmacias, supermercados, tendas de alimentación e establecementos de puericultura ou especializados en artigos e produtos para a infancia.

Cal é a súa contía?

A contía total da axuda, con carácter xeral, será de 1.200 €, repartidos en 12 mensualidades durante o primeiro ano de vida da nena ou neno.

Quen se pode beneficiar?

Poderán ser beneficiarias desta axuda aquelas persoas residentes na Comunidade Autónoma de Galicia que se atopen nun dos seguintes supostos:

- ▶ Ter fillas ou fillos, tanto por natureza como por adopción, nados entre o 1 de xaneiro e o 31 de decembro de 2017.
- ▶ Estar en situación de garda con fins adoptivos dun ou de máis nenos/as nados/as entre o 1 de xaneiro e o 31 de decembro de 2017.

Como se solicita a Tarxeta Benvida?

As persoas interesadas deberán cubrir unha solicitude normalizada (segundo formulario normalizado que aparece no anexo da orde de convocatoria das axudas), acompañada da documentación, segundo o caso, que a continuación se relaciona:

- Copia do libro ou libros de familia da unidade familiar ou, de ser o caso, as certificacións correspondentes expedidas polo Rexistro Civil.
- Certificado de empadramento conxunto da persoa solicitante e da/o nena/o que dá dereito á axuda.

- Anexo II debidamente cuberto e asinado pola persoa proxenitora que non apareza como solicitante, se é o caso.
- Copia da resolución xudicial/administrativa que declare a adopción ou a garda con fins adoptivos, só no caso de denegar expresamente a súa consulta ou cando se trate de situacións non formalizadas na Comunidade Autónoma de Galicia.
- Copia do DNI ou NIE da persoa solicitante, só no caso de non denegar expresamente a súa consulta no Sistema de verificación de datos de identidade do Ministerio de Facenda e Administracións Públicas.
- Copia do DNI ou NIE da persoa proxenitora que non apareza como solicitante das axudas, só no caso de denegar expresamente a súa consulta no Sistema de verificación de datos de identidade do Ministerio de Facenda e Administracións Públicas.
- Copia da declaración do imposto da renda das persoas físicas do ano 2015 da persoa solicitante e da proxenitora que non apareza como solicitante, só no caso de que se denegue expresamente a súa consulta ante a Axencia Estatal da Administración Tributaria.
- Copia da sentenza de nulidade, separación ou divorcio ou da resolución xudicial que estableza as medidas paterno-filiais dos fillos e fillas comúns nas unións de feito e/ou do convenio regulador, de ser o caso. No suposto de familias monoparentais, a documentación anterior poderá substituírse pola copia do certificado administrativo de monoparentalidade, sempre que conste nel a filla ou fillo polo que se solicita a axuda, só no caso de denegar expresamente a súa consulta ante a Dirección Xeral de Familia, Infancia e Dinamización Demográfica ou que sexa expedido por outra comunidade autónoma.

O prazo de presentación da solicitude será de dous meses contados desde o día seguinte a aquel en que se produce o nacemento ou adopción.

Atención e asesoramento


 Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Demografía e Conciliación: 981.544.623

<http://www.familiasgalegas.org>


<http://www.xunta.gal/politica-social>



1.2 Cesta Benvida

A Cesta Benvida é unha caixa que se entrega a todas e todos os pequenos que nazen en Galicia, que pode conter produtos para o coidado da o do bebe, como cremas ou aceites, textís, toallíñas, discos de lactación, un libro de poemas, un cedé de nanas cantadas, así como un documento editado polo Sergas “Cóidame, cóidate”, no que se dan consellos ás persoas proxenitoras sobre os aspectos relacionados coa maternidade, a lactación materna, calendarios de vacinación, maneira de detectar algunhas enfermidades ou as mellores posicións para que a ou o bebé durma.

Terá dereito a recibila calquera nai, con independencia dos seus ingresos e do seu patrimonio, que dean á luz nos hospitais das catro provincias galegas, xa sexan públicos como privados. , se o neno nace na casa, poderana solicitar no centro de saúde correspondente.



1.3 Prestación económica por fillas e fillos menores de tres anos

É unha axuda económica de pagamento único por cada filla ou fillo menor de tres anos, que se pode conceder ás familias, sen que a mesma filla ou fillo poida dar lugar a máis dunha prestación. A contía será a seguinte:

- ▶ Cando sexa a primeira filla ou fillo: 360 euros.
- ▶ Cando sexa a segunda filla ou fillo: 1.200 euros.
- ▶ Cando sexa a terceira ou terceiro e sucesivos: 2.400 euros.

Quen pode beneficiarse?

- ▶ Poderán ser beneficiarias desta prestación aquelas persoas que teñan fillas ou fillos menores de tres anos o 1 de xaneiro de 2017 (nados entre o 2.1.2014 e o 1.1.2017, incluídos) e que, durante o ano 2015, nin elas nin ningunha das persoas que compoñen a unidade familiar estivesen obrigadas a presentar a declaración polo IRPF correspondente a este período, nin a presentasen de xeito voluntario aínda sen estar obrigadas a iso. No caso de fillas ou fillos adoptados ou acollidos entre o 31 de decembro de 2015 e o 31 de decembro de 2016, a prestación concederáse durante os tres anos posteriores á data da resolución xudicial ou administrativa que declare a adopción ou o acollemento.

- ▶ Nos supostos de que exista unha resolución xudicial que atribúa a custodia exclusiva a unha das persoas proxenitoras, a persoa beneficiaria será aquela que teña a custodia das fillas ou fillos.
- ▶ Por unidade familiar entenderase a formada polo pai e/ou a nai que teña/n a custodia do ou da menor polo que se solicita a axuda e os fillos e fillas da persoa solicitante.
- ▶ En ningún caso poderán ser beneficiarias as persoas proxenitoras privadas da patria potestade das súas fillas ou fillos, ou se a tutela ou a garda fose asumida por unha institución pública.
- ▶ As persoas estranxeiras que residan en Galicia poderán beneficiarse desta prestación sempre que cumpran as condicións da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, e os requisitos establecidos nesta orde. Ademais, deberán ter a condición de contribuíntes para os efectos do disposto na Lei 35/2006, do 28 de novembro, do imposto sobre a renda das persoas físicas e da modificación parcial das leis dos impostos sobre sociedades, sobre a renda de non residentes e sobre o patrimonio.
- ▶ As persoas beneficiarias teñen que cumprir os requisitos establecidos no artigo 10 da Lei 9/2007, do 13 de xuño, de subvencións de Galicia

Requisitos:

- Residir en Galicia.
- Que as/os nenas/os convivan coa persoa solicitante na data da solicitude.

Os requisitos para ter dereito a esta prestación deberán reunirse o último día do prazo de presentación de solicitudes.

Como se pode acceder a ela?

A regulación desta prestación lévase a cabo mediante unha orde anual que establece as bases polas que se rexerá a concesión da prestación familiar polas fillas ou fillos menores de tres anos, así como a convocatoria destas axudas.

Para poder beneficiarse desta prestación é necesaria a presentación dunha instancia e a documentación que se establece na dita orde.

Atención e asesoramento


 Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia: 981.957.781 / 981.957.780

<http://www.familiasgalegas.org>

<http://www.xunta.gal/politica-social>



1.4 Bono coidado, axudas ás familias para a atención a domicilio de nenas e nenos menores de 3 anos

É unha axuda económica para as familias con nenos e nenas menores de tres anos que teñan a súa residencia en Galicia e precisen dun recurso personalizado a domicilio para cubrir necesidades puntuais derivadas da conciliación das obrigas laborais e persoais e as responsabilidades familiares.

Que situacións poden sufragarse co Bono coidado?

A axuda consistirá nunha achega para contribuír ao pagamento do importe de servizos de atención á infancia a domicilio, nos seguintes supostos:

- ▶ Enfermidade do/a menor e imposibilidade de ser coidado/a polos membros da unidade familiar.
- ▶ Enfermidade da persoa coidadora habitual.
- ▶ Asistencia da persoa coidadora habitual a entrevistas de traballo ou cursos de formación.
- ▶ Situacións puntuais de carácter laboral ou de coidado, tanto do cónxuxe ou parella como de familiares ata o segundo grao de parentesco por consanguinidade ou afinidade, que impidan a atención do/a neno/a polos membros da unidade familiar.

Cal é a súa contía?

A contía da dita axuda estará en función da renda per cápita da unidade familiar, de acordo cos seguintes tramos:

- Renda per cápita familiar ata 3.750 euros: 14 €/hora.
- Renda per cápita familiar superior a 3.750 e ata 7.500 euros: 11 €/hora.
- Renda per cápita familiar superior a 7.500 e ata 10.000 euros: 9 €/hora.
- Renda per cápita familiar superior a 10.000 e ata 13.500 euros ou superior dentro dos límites establecidos na orde de convocatoria: 7 €/hora.

Concederase un máximo de 60 horas por familia para a totalidade do ano 2017.

Quen se pode acoller?

Poderán ser beneficiarias das axudas do programa Bono coidado os pais/nais, titores/as, ou as persoas acolledoras de nenos/as menores de tres anos residentes na Comunidade Autónoma de Galicia que se atopen nos supostos seguintes:

- ▶ Ter unha nena ou un neno nacida/o con posterioridade ao 31 de decembro de 2014 respecto da anualidade 2017.
- ▶ Que a renda da unidade familiar, entendida como a suma da base imponible xeral e da base imponible do aforro, non supere os 45.000 € ou os 13.500 € per cápita.
- ▶ Ademais, as persoas beneficiarias teñen que cumprir os requisitos establecidos no artigo 10 da Lei 9/2007, do 13 de xuño, de subvencións de Galicia.

Como se pode acceder a ela?

A regulación desta prestación lévase a cabo mediante unha orde pola que se establecen as axudas económicas ás familias para a atención a domicilio de nenas e nenos menores de tres anos a través do programa Bono coidado e se procede á súa convocatoria.

Para poder beneficiarse desta prestación é necesaria a presentación dunha instancia e a documentación que se establece na dita orde, dirixida á xefatura territorial da Consellería de Política Social da provincia onde teña o seu domicilio a persoa solicitante ata o 30 de setembro de 2017.



Atención e asesoramento



Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Demografía e Conciliación

Xefaturas territoriais:

A Coruña: 981.185.741


Lugo: 982.294.358

Ourense: 988.386.595

Pontevedra: 986.817.817

<http://www.familiasgalegas.org>

<http://www.xunta.gal/politica-social>



1.5 Axudas ás familias numerosas

Que é unha familia numerosa?

Familias numerosas son aquelas que estean formadas por:

- ▶ Unha ou dúas persoas ascendentes con tres ou máis fillas ou fillos, sexan ou non comúns.
- ▶ Unha ou dúas persoas ascendentes con dúas fillas ou fillos, sexan ou non comúns, sempre e cando, como mínimo, unha filla ou fillo teña unha discapacidade ou estea incapacitada para traballar.
- ▶ Dúas persoas ascendentes con dúas fillas ou fillos, sexan ou non comúns, cando ambas teñan unha discapacidade ou estivesen incapacitadas para traballar, ou cando unha delas tivese un grao de discapacidade igual ou superior ao 65 %.
- ▶ A nai ou o pai separada e separado ou divorciada e divorciado, con tres ou máis fillas ou fillos, sexan ou non comúns, aínda que estean en distintas unidades familiares ou non vivan no domicilio conxugal, sempre que estean baixo a súa dependencia económica.
- ▶ Dous ou máis irmáns orfos de nai e de pai sometidos a tutela, acollemento ou garda, que convivan coa persoa titora, acollidora ou gardadora, pero que non estean ás súas expensas.
- ▶ Tres ou máis irmáns orfos de nai e de pai, maiores de 18 anos (ou dous, se un deles é discapacitado), que convivan e teñan unha dependencia económica entre eles.
- ▶ Nai ou pai con dúas fillas ou fillos, cando falecese a outra persoa proxenitora.

Non obstante, e de acordo coa Lei 26/2015, de modificación do sistema de protección á infancia e a adolescencia, o título seguirá en vigor, aínda que o número de fillas e fillos que cumpran as condicións para formar parte do título sexa inferior ao establecido, mentres ao menos unha filla ou un fillo reúna as condicións esixidas. Nestes casos, o título estenderase exclusivamente ás persoas da unidade familiar que seguen a cumprir as condicións para formar parte do mesmo.

Para estes efectos, entenderase por persoa con discapacidade aquela que teña recoñecido un grao de discapacidade igual ou superior ao 33 % e por incapaz para traballar aquela que teña reducida a súa capacidade de traballo nun grao equivalente ao da incapacidade permanente absoluta ou grande invalidez.

Requisitos

- ▶ Residir legalmente no territorio español ou, se teñen a residencia noutro estado membro da Unión Europea ou que sexa parte do Acordo sobre o Espazo Económico Europeo, que, como mínimo, unha das persoas ascendentes da unidade familiar exerza unha actividade por conta allea ou por conta propia en España.

- ▶ As persoas nacionais doutros países terán dereito ao recoñecemento da condición de familia numerosa sempre que sexan residentes en España todas os membros que dean dereito aos beneficios recollidos na lei, nos termos establecidos na Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, reformada pola Lei orgánica 8/2000, do 22 de decembro, e a súa normativa de desenvolvemento.
- ▶ As fillas ou fillos e irmás ou irmáns deben reunir as seguintes condicións:
 - Seren persoas solteiras e menores de 21 anos ou persoas cunha discapacidade ou cunha incapacidade para o traballo. Amplíase a idade ata os 25 anos se cursan estudos axeitados á súa idade e titulación ou encamiñados á obtención dun posto de traballo.
 - Conviviren coa persoa ascendente ou ascendentes.
 - Dependieren economicamente das persoas ascendentes. Entenderase que mantén a dependencia económica cando:
 - obteña uns ingresos non superiores, en cómputo anual, ao IPREM vixente ou contribúa ao sostemento da familia, nos supostos establecidos na lei.
 - estea incapacitada ou incapacitado para o traballo e a contía da súa pensión, de percibila, non exceda, en cómputo anual, ao IPREM vixente, incluídas as 14 pagas, agás que percibi-se pensión non contributiva por invalidez, en cuxo caso non opera tal límite.
 - As persoas menores de idade sometidas a tutela ou acollemento familiar permanente ou preadoptivo legalmente constituído terán a mesma consideración que as fillas e fillos. As e os menores que estivesen nalgunha destas situacións, cando acaden a maioría de idade e permanezan na unidade familiar conservarán a dita consideración para os efectos do recoñecemento e mantemento do dereito de ostentar a condición de familia numerosa.

Que categorías hai?

- ▶ Especial: as familias de cinco ou máis fillas ou fillos e as de catro, sempre que tres procedan de parto, adopción ou acollemento permanente ou preadoptivo múltiples.
 Tamén se clasifican nesta categoría as unidades familiares con catro fillas ou fillos cando os seus ingresos anuais, divididos polo número de membros que as compoñen, non superen en cómputo anual o 75 % do IPREM vixente, incluídas as pagas extras.
- ▶ Xeral: as restantes unidades familiares.

Para os efectos de determinar a categoría das familias numerosas, cada filla ou fillo que teña recoñecido un grao de discapacidade igual ou superior ao 33 % ou teña reducida a súa capacidade para o traballo nun grao equivalente ao da incapacidade permanente absoluta ou grande invalidez computará como dúas ou dous.

Cales son os beneficios?

- ▶ Deducións fiscais.

- Deducións estatais no IRPF
 - Ata 1.200 euros para a categoría xeral
 - Ata 2.400 euros na categoría especial
- Deducións no tramo autonómico do IRPF
 - 250 euros para a categoría xeral
 - 400 euros para a categoría especial
- Aplicación dun tipo reducido no imposto de transmisións patrimoniais e actos xurídicos documentados, nas modalidades de transmisións patrimoniais onerosas e de actos xurídicos documentados para adquisición da vivenda habitual.

▶ Educación

- Reducións das taxas na expedición de títulos e de prezos nas matrículas no ámbito educativo.
- Preferencia na adxudicación de prazas nos centros sostidos con fondos públicos e nas convocatorias de bolsas de axuda ao estudo.
- Incremento do 20 % na categoría xeral e 50 % na especial para beneficiarias ou beneficiarios por infortunio familiar cuberto polo seguro escolar.
- Dereito ao subsidio por necesidades educativas especiais asociadas á discapacidade para o transporte e comedor.
- Preferencia na adxudicación de prazas e redución ou exención, segundo os casos, nas tarifas que tivesen que aboar nas escolas infantís públicas.
- Preferencia na adxudicación de prazas concertadas nas escolas infantís para a atención de nenas/os de 0-3 anos de titularidade privada.
- Preferencia na convocatoria de axudas para a atención de nenas e nenos de 0-3 anos en escolas infantís non sostidas con fondos públicos, a través do Bono Concilia.
- Preferencia no acceso as prazas de residencias xuvenís dependentes da Consellería de Política Social e no acceso a prazas de colaboradoras ou colaboradores bolseiros para as ditas residencias.
- Preferencia no acceso ás prazas de centros residenciais docentes dependentes da Consellería de Cultura, Educación e Ordenación Universitaria e no acceso a prazas de colaboradoras ou colaboradores bolseiros para os ditos centros.
- Preferencia no acceso ás prazas residencia nos centros dependentes da Consellería do Mar, nas modalidades de: residencia en pensión completa, media pensión e xantar diario non regular.

▶ Ocio e tempo libre

- Redución dun 30 % sobre o prezo que resulte das estadias nas residencias de tempo libre da Consellería de Política Social.
- Descontos nos prezos relativos ás actividades socioeducativas do programa Acción de verán promovidas pola Consellería de Política Social.
- Descontos nos campamentos para persoas con discapacidade organizados pola Consellería de Política Social.

- Bonificacións no prezo de entrada aos museos, auditorios e teatros de titularidade estatal.
- Preferencia nos programas de turismo e termalismo para persoas con discapacidade ou maiores da Consellería de Política Social.
- Redución do 20 % para a categoría xeral e 50 % para a categoría especial da cota de aboamento dos participantes nas viaxes de turismo e quendas de termalismo para persoas con discapacidade subvencionados polo Instituto de Miores e Servizos Sociais (IMSERSO).
- Estadías de fin de semana nas estacións de montaña situadas en Galicia, Programa montaña en familia.

▶ Vivenda

- Beneficios no acceso á vivenda: tanto para a adquisición como para o alugamento de vivenda recollidos nos plans e programas de vivenda tanto estatais como autonómicos.
- Dedución do 50 % no canon da auga. A dedución na cota por familia numerosa só poderá obterse na vivenda principal. E, de ser o caso, tamén gozarán dunha dedución do 50 % no coeficiente de vertedura.
- Bono social ou tarifa eléctrica reducida: bonificación na factura eléctrica para persoas consumidoras domésticas.
- Tícket eléctrico social: axuda de ata 300 € anuais na factura eléctrica.

▶ Transporte

- Redución do 50 % no imposto de matriculación dos automóviles con capacidade entre 5 e 9 prazas.
- Redución das tarifas de transporte por estrada (interurbano), ferrocarril, marítimo e aéreo (dependendo da categoría).
- Descontos dun 20% para a categoría xeral e 50% para categoría especial, para aquelas persoas que formen parte dunha familia numerosa e sexan titulares dun contrato individual de tarxeta metropolitana de Galicia (TMG), que soliciten a alta na aplicación social da TMG.

▶ Outros beneficios sociais

- Exención das taxas de expedición do DNI e dos pasaportes.
- Redución ou exención das taxas de inscrición nos procesos selectivos ou listas de contratación para persoal da Administración da Xunta de Galicia.
- Bonificación do 45 % nas cotas á Seguridade Social para a contratación de persoas coidadoras ao servizo da familia.
- Incremento do límite de ingresos para ter dereito ás asignacións económicas da Seguridade Social por prestacións familiares.
- Incremento da duración do subsidio por maternidade non contributivo: As nais traballadoras que non acrediten o período mínimo de cotización necesario para a prestación de maternidade, poderán recibir unha prestación económica por importe do 100% do IPREM durante 42 días, incrementándose en 14 días máis no caso de familias numerosas ou na que con tal motivo acade a dita condición.
- Ampliación do período considerado como cotizado e do de reserva do posto de traballo no caso de excedencia por coidado de fillas ou fillos.

- Abono mensual de xeito anticipado das deducións do IRPF por persoa contribuínte que forme parte dunha familia numerosa. No caso das familias de categoría xeral ata 1.200 € e no caso das de categoría especial ata 2.400 €.
- ▶ Carné familiar galego.

É imprescindible ter o título de familia numerosa en vigor para ter dereito aos ditos beneficios.

Onde se solicita?

O título de familia numerosa solicítase na Dirección Xeral de Familia, Infancia e Dinamización Demográfica ou en calquera das xefaturas territoriais da Consellería de Política Social.



Atención e asesoramento



Consellería de Política Social

Dirección Xeral de Familia, Infancia e Dinamización Demográfica: 981.957.027

Xefaturas territoriais:

A Coruña: 981.185.750


Lugo: 982.294.364

Ourense: 988.386.583

Pontevedra: 986.817.684

<http://www.familiasgalegas.org>

<http://www.xunta.gal/politica-social>



1.6 Carné familiar galego

O carné familiar galego é unha tarxeta persoal e intransferible á disposición dos membros das familias numerosas coa que van obter vantaxes ou descontos nos establecementos colaboradores con este programa en Galicia.

O carné ten a mesma vixencia que o título de familia numerosa.

Que son as entidades colaboradoras?

Son persoas, empresas e entidades adheridas de xeito voluntario que acordan concederlles beneficios ás persoas posuidoras do carné familiar, sempre en función do que determine cada establecemento colaborador.

A súa condición de entidade colaboradora farase mediante un adhesivo identificador, que deberá colocar nun lugar visible.



Atención e asesoramento




Consellería de Política Social

Dirección Xeral de Familia, Infancia e Dinamización Demográfica: 981.957.027

<http://www.familiasgalegas.org>

<http://www.xunta.gal/politica-social>



1.7 Transporte metropolitano. Aplicación social para familias numerosas

Son descontos que se aplican no transporte interurbano de viaxeiros no eido do Plan de transporte metropolitano de Galicia, a todas aquelas persoas, maiores de 5 anos, que formen parte dunha familia numerosa e sexan titulares dun contrato individual de tarxeta metropolitana de Galicia (TMG), que soliciten a alta na aplicación social xestionada pola Dirección Xeral de Familia, Infancia e Dinamización Demográfica.

Os descontos previstos son:

- ▶ 20 % – categoría xeral
- ▶ 50 % – categoría especial

Requisitos:

- ▶ Ser titular dun contrato individual de tarxeta metropolitana de Galicia (TMG) asinado coa empresa colaboradora (ABANCA). No caso de persoas menores de idade o contrato será suscrito polas persoas proxenitoras, titoras ou gardadoras.
- ▶ Presentar o impreso de solicitude de alta na aplicación social xestionada pola Dirección Xeral de Familia, Infancia e Dinamización Demográfica.
- ▶ Achegar, xunto coa solicitude, unha copia do contrato individual e unha copia da propia tarxeta.

O período no que se aplicarán os descontos correspondentes por familia numerosa coincide co período de validez do propio título de familia numerosa. Polo tanto, cada vez que se renove o título de familia numerosa, deberá comunicarse á Dirección Xeral de Familia, Infancia e Dinamización Demográfica para que efectúe a correspondente modificación do período de validez na aplicación social.




Atención e asesoramento

Consellería de Política Social

Dirección Xeral de Familia, Infancia e Dinamización Demográfica: 981.957.027

<http://www.familiasgalegas.org>

<http://www.xunta.gal/politica-social>



1.8 Axudas económicas para estadias de fin de semana nas estacións de montaña para as familias numerosas

Consiste nunha axuda económica para estadias de fin de semana nas estacións de montaña situadas no territorio da Comunidade Autónoma de Galicia, para as familias numerosas que teñan a súa residencia en Galicia, co fin de fomentar as actividades de lecer entre estas familias de especial consideración segundo a Lei 3/2011, do 30 de xuño, de apoio á familia e á convivencia de Galicia.

A axuda consiste en 35 € por persoa e estadia de fin de semana para as nenas e nenos maiores de 12 anos e adultos, e en 37,5 € para as persoas menores de 12 anos.

Quen se pode acoller?

Aquelas familias numerosas residentes en Galicia, que cumpran os seguintes requisitos:

- ▶ Que a persoa solicitante forme parte dunha unidade familiar considerada como numerosa.
- ▶ Residir na Comunidade Autónoma de Galicia.
- ▶ Que o título de familia numerosa estea en vigor na data de rematar o prazo de presentación de solicitudes.
- ▶ Que a renda per cápita da unidade familiar non supere os 10.500€.
- ▶ Estar ao corrente coas obrigas tributarias e coa Seguridade Social.

Como se pode acceder a ela?

A regulación desta axuda lévase a cabo mediante unha orde anual que regula o procedemento de concesión das axudas, así como a convocatoria desta.

Para poder beneficiarse desta axuda é necesaria a presentación dunha instancia e a documentación que se establece na dita orde.


Atención e asesoramento

Consellería de Política Social

Dirección Xeral de Familia, Infancia e Dinamización Demográfica: 981. 544.622

<http://www.familiasgalegas.org>

<http://www.xunta.gal/politica-social>



1.9 Recoñecemento ou asimilación á categoría de descendente da filla ou fillo concibida ou concibido

Consiste na asimilación a descendente da filla ou fillo concibida/o, sempre que mediante a aplicación desta asimilación se obteña maior beneficio, de acordo coa Lei 3/2011, do 30 de xuño, de apoio á familia e á convivencia de Galicia.

Quen se pode acoller?

Aqueles familias que con tal motivo adquiren a condición de familia numerosa e todas aquelas familias numerosas que por tal motivo cambien de categoría.

Requisitos:

- ▶ Residir en Galicia.
- ▶ Presentar unha solicitude para acollerse ao dito beneficio que virá acompañada dunha certificación médica que acredite o embarazo, así como toda a documentación establecida na regulamentación do recoñecemento de familia numerosa.

Que beneficios teñen as persoas beneficiarias?

Como esta asimilación ten valor unicamente na Comunidade Autónoma de Galicia, as persoas beneficiarias terán todos os beneficios autonómicos recoñecidos ás familias numerosas e, en especial, o carné familiar galego.



Atención e asesoramento




Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia: 981.957.027

<http://www.familiasgalegas.org>

<http://www.xunta.gal/politica-social>



1.10 Axudas a traballadores con redución de xornada laboral

A axuda consiste nun pagamento único que será concedido a aquelas persoas traballadoras que se acollan a unha redución da súa xornada de traballo, cunha duración mínima de 60 días naturais ininterrompidos e un máximo de 8 meses comprendidos entre o 1 de maio de 2016 e o 31 de maio de 2017 inclusive, para coidar dunha filla ou fillo menor de 3 anos ou menor de 12 anos no suposto de que padeza unha discapacidade recoñecida de porcentaxe igual ou superior ao 33 %.

Así mesmo, poderán acollerse a esta axuda as persoas traballadoras que adopten ou acollan unha persoa menor, nas modalidades de acollemento familiar permanente ou acollemento familiar preadoptivo. Para ter dereito á axuda non poderán ter transcorrido máis de tres anos desde a data da decisión administrativa ou xudicial de acollemento ou da resolución xudicial pola que se constitúe a adopción. En calquera caso a filla ou o fillo pola ou polo que se solicita a axuda terá que ser menor de 12 anos.

Quen se pode acoller?

- ▶ Os homes que se acollan á redución de xornada e sexan traballadores por conta allea, tanto da empresa privada como das administracións públicas, organismos autónomos, entes públicos de dereito privado e empresas públicas dependentes delas, con independencia de que o seu vínculo sexa laboral, funcional ou estatutario, e os socios das sociedades cooperativas sempre que estes últimos pertencen ao réxime xeral da Seguridade Social.
- ▶ As familias monoparentais nas cales a persoa solicitante, home ou muller, sexa traballadora por conta allea, nos termos indicados na alínea anterior, e que se acollan á redución de xornada.

Para efectos destas axudas, entenderase por familia monoparental o núcleo familiar composto por un único proxenitor ou proxenitora que non conviva con outra persoa coa cal manteña unha relación análoga á conxugal e as fillas ou os fillos menores ao seu cargo

Requisitos:

- ▶ Estar empadroadas en calquera concello da Comunidade Autónoma galega, polo menos cun ano de antelación ao inicio do período subvencionado.
- ▶ Convivir coa filla ou fillo durante o período subvencionado.
- ▶ No caso das familias non monoparentais, o cónxuxe ou parella deberá ser unha persoa traballadora por conta allea ou ben autónoma e manter esa situación durante todo o período subvencionado. Entenderase cumprido este requisito cando, habendo períodos non traballados, a suma destes non supere o 5 % do período subvencionado, sexa este continuado ou fraccionado.
- ▶ Ter uns ingresos non superiores a 5,5 veces o indicador público de renda de efectos múltiples (IPREM) para o ano 2016.
- ▶ Non atoparse en ningunha das circunstancias e prohibicións establecidas nos números 2 e 3 do artigo 10 da Lei 9/2007, do 13 de xuño, de subvencións de Galicia. A acreditación de non estar incurso en ningunha delas realizarase mediante declaración responsable da persoa interesada.

En ningún caso poderán ser beneficiarios desta axuda os proxenitores privados da patria potestade das súas fillas ou fillos, ou se a súa tutela ou garda foi asumida por unha institución pública.

Cal é a súa contía?

Esta axuda concederase a través dun pagamento único en función da porcentaxe de redución de xornada laboral gozada, da duración desta e do número de fillas ou fillos a cargo da persoa solicitante.

As contías máximas son as que a continuación se relacionan:

Número de fillas/os			
Redución xornada laboral	Unha filla/o a cargo	Dúas fillas/os a cargo	Tres ou máis fillas/os a cargo
Entre o 12,5% e o 25%	1.700 €	2.000 €	2.300 €
Superior ao 25 % e ata o 37,50 %	2.800 €	3.100 €	3.400 €
Superior ao 37,50 % e ata o 50%	3.100 €	3.400 €	3.700 €

Estas contías son as máximas aplicables aos casos nos que a redución de xornada corresponda a unha persoa contratada a xornada completa e se estenda aos 8 meses (máximo período subvencionable). Cando a persoa que solicita a redución se atope contratada por unha xornada laboral de duración inferior, as contías das axudas diminuirán proporcionalmente. Do mesmo xeito, cando a redución de xornada teña unha duración inferior a 8 meses, as contías antes citadas reduciranse proporcionalmente.

Para o cómputo do número de fillas e fillos teranse en conta unicamente as fillas e os fillos menores de 12 anos, incluída/o a filla ou fillo por quen se solicita a redución de xornada.

Como se pode acceder a ela?

A regulación desta axuda lévase a cabo mediante orde anual que establece as bases e convocatoria para a concesión das axudas á conciliación da vida familiar e laboral como medida de corresponsabilidade para as persoas traballadoras que se acollan á redución da súa xornada de traballo. É necesaria a presentación dunha instancia e a documentación que na dita orde se establece.




Atención e asesoramento



Vicepresidencia e Consellería de Presidencia, Administracións Públicas e Xustiza

Secretaría Xeral da Igualdade: 881.999.163

<http://igualdade.xunta.es/>



1.11 Exención de pagamento nas escolas infantís

Consiste nunha bonificación do 100 % do custo dunha praza nunha escola infantil 0-3, nos seguintes casos:

- ▶ familias cunha renda per cápita igual ou inferior a 7.500 euros anuais, a partir da segunda filla ou fillo que acuda á mesma escola infantil,
- ▶ familias acolledoras de persoas menores con medidas administrativas de tutela ou garda.

Sempre e cando sexan persoas usuarias de prazas nunha escola infantil 0-3 sostida con fondos públicos, cuxa titularidade corresponda á:

- Axencia Galega de Servizos Sociais
- Consorcio Galego de Servizos de Igualdade e Benestar
- Entidades privadas de iniciativa social
- Prazas concertadas nas escolas infantís 0-3 de titularidade privada
- Prazas acollidas ao programa do bono Concilia

Esta bonificación encádrase dentro das actuacións previstas no Plan para a dinamización demográfica de Galicia 2013-2016, horizonte 2020 e ten a súa base legal no Decreto 91/2014, do 17 de xullo, polo que se modifica o Decreto 49/2012, do 19 de xaneiro, polo que se aproba o réxime de prezos das escolas infantís 0-3 dependentes da Consellería de Política Social.

Atención e asesoramento

 Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Demografía e Conciliación: 981.545.666


<http://www.familiasgalegas.org>

<http://www.xunta.gal/politica-social>



de recursos para as familias 2017

2 Prestacións económicas da Seguridade Social



2.1 Prestación económica por parto ou adopción múltiple

Trátase dunha axuda económica, de pagamento único, cando o número de fillas ou fillos que nacen nun parto ou que se adoptan simultaneamente sexa igual ou superior a dous.

Requisitos:

As persoas beneficiarias deben estar acollidas, tanto ao nivel contributivo como ao nivel non contributivo, ao sistema da Seguridade Social e residir legalmente en territorio español.

Cal é a súa contía?

O importe da axuda económica variará segundo o número de fillas ou fillos nados no parto ou adoptados. Para o ano 2015 son:

Dúas fillas/os	4 x SMI*	2.830,80 €
Tres fillas/os	8 x SMI	5.661,60 €
A partir da cuarta filla ou fillo	12 x SMI	8.492,40 €

* O salario mínimo interprofesional para o ano 2017 é de 707,70 €

É compatible con outras axudas?

Esta prestación é compatible con:

- ▶ a prestación por nacemento ou adopción de filla ou fillo nos supostos de familias numerosas, monoparentais e nais con discapacidade,
- ▶ subsidio especial de maternidade por parto, adopción ou acollemento múltiple (ver permiso de maternidade),
- ▶ as asignacións económicas por filla ou fillo menor a cargo e,
- ▶ a pensión de orfandade e en favor de netos ou netas e irmás ou irmáns que, se é o caso, lle puidesen corresponder.




Atención e asesoramento



Instituto Nacional de la Seguridad Social (INSS)

Tel.: 901.166.565

<http://www.seg-social.es>



2.2 Prestación económica por filla, fillo ou por acollemento familiar permanente ou garda con fins de adopción dunha persoa menor a cargo

É unha asignación económica para apoiar a situación que se produce por ter fillas, fillos e/ou persoas acollidas menores de 18 anos ao seu cargo ou maiores de 18 anos que teñan recoñecida unha discapacidade nun grado igual ou superior ao 65 %.

Requisitos:

- ▶ Residir legalmente no territorio español.
- ▶ Ter fillos, fillas ou persoas menores acollidas a cargo, menores de 18 anos ou maiores que teñan recoñecida unha discapacidade nun grao igual ou superior ao 65 %.
- ▶ Non ter dereito a prestacións da mesma natureza en calquera outro réxime público de protección social.
- ▶ Os ingresos da unidade familiar non superen a cantidade de 11.576,83 €. O límite de ingresos irá elevándose nun 15 % por cada filla, fillo o persoa menor acollida a partir da segunda. Non se esixe límite de ingresos para o recoñecemento da condición de persoa beneficiaria da asignación por filla, filla ou persoa menor acollida a cargo con discapacidade.

No caso de familias numerosas, os seus ingresos anuais non serán superiores a 17.423,84 €, incrementándose en 2.822,18 € por cada filla, fillo, persoa menor acollida a cargo a partir da cuarta.

Non obstante, tamén poden ser persoas beneficiarias aquelas que perciban uns ingresos anuais de calquera natureza que, superando os importes indicados nos parágrafos anteriores, sexan inferiores á contía que resulte de sumar á dita cifra o produto de multiplicar o importe anual da asignación por filla, fillo ou persoa menor acollida polo número destas ou estes.

Como se calcula o límite de ingresos?

Se as persoas proxenitoras viven xuntas, téñense en conta os ingresos que tiveron as dúas no ano anterior, aínda que só unha das persoas cumpra os requisitos necesarios para pedir a axuda e ser persoa beneficiaria.

Se viven separadas, téñense en conta os ingresos percibidos durante o ano anterior pola persoa proxenitora, adoptante ou acollidora que teña a filla ou o fillo a cargo.

CONTÍA	
Fillas, fillos ou menores de 18 anos acollidos sen discapacidade	291 €/ano (24,25 €/mes)
Fillas, fillos ou menores de 18 anos acollidos cunha discapacidade igual ou superior ao 33 %	1.000 €/ano (250 € trimestrais)
Fillas ou fillos maiores de 18 anos cunha discapacidade igual ou superior ao 65 %	4.426,80 €/ano (368,90 € mensuais)
Fillas ou fillos maiores de 18 anos cunha discapacidade igual ou superior ao 75 %	6.640,80 €/ano (553,40 € mensuais)

No caso de superar o límite inicial de ingresos (11.576,83 €), pode recibirse unha asignación reducida, que será a diferenza entre o límite máximo (11.867,83 €) e os ingresos anuais da unidade familiar, sempre que non sexa inferior a 24,25 € anuais por cada filla ou fillo ou persoa menor acollida.

Persoas beneficiarias

- ▶ as persoas proxenitoras, adoptantes ou acolledoras que cumpran os requisitos establecidos.
- ▶ os fillas ou fillos con discapacidade maiores de 18 anos que non fosen incapacitados xudicialmente e conserven a súa capacidade de obrar poden ser as persoas beneficiarias das prestacións que, por razón deles, poidan corresponderlle aos seus proxenitores ou adoptantes, previa solicitude e con audiencia daqueles.
- ▶ as persoas menores orfas de ambas as persoas proxenitoras menores de 18 anos ou cunha discapacidade igual ou superior ao 65 %.
- ▶ as persoas que cumprindo os requisitos de idade e discapacidade do parágrafo anterior fosen abandonadas polas persoas proxenitoras ou adoptantes sempre que non estean en acollemento familiar, permanente ou garda con fins de adopción.

Cando se trate de persoas menores non discapacitadas, orfas ou abandonadas, será requisito indispensable que os seus ingresos, incluída a pensión de orfandade, sexan inferiores a 11.576,83 €.

Que obrigas ten a persoa beneficiaria?

- ▶ Presentar antes do 1 de abril de cada ano unha declaración sobre os ingresos que tivo no ano anterior.
- ▶ Comunicar nun prazo máximo de 30 días aqueles cambios que afectan o dereito de percibir a axuda.

É incompatible con outras axudas?

- ▶ Con prestacións análogas establecidas nos restantes sistemas públicos de protección social.
- ▶ Coa pensión de xubilación ou invalidez na modalidade non contributiva.
- ▶ Coas pensións asistenciais.
- ▶ Cos subsidios de garantía de ingresos mínimos ou por axuda de terceira persoa, establecidos na disposición transitoria única do Texto refundido da Lei xeral de dereitos das persoas con discapacidade e da súa inclusión social, aprobado por Real decreto legislativo 1/2013, do 29 de novembro.

No caso de que se teña dereito ás dúas, tense que elixir entre unha e outra.

Atención e asesoramento

 Instituto Nacional de la Seguridad Social
Tel.: 901.166.565
<http://www.seg-social.es>



2.3 Prestación económica por nacemento ou adopción de fillas ou fillos, en supostos de familias numerosas, monoparentais e nos casos de nais con discapacidade igual ou superior ao 65 %

É unha axuda económica que se concede para cubrir a situación de necesidade ou de exceso de gasto por nacemento ou adopción de fillas ou fillos, sempre que non superen un determinado nivel de ingresos, nos seguintes supostos:

- ▶ familias numerosas ou que, con tal motivo, adquieran a dita condición,
- ▶ familias monoparentais,
- ▶ nais que padezan unha discapacidade igual ou superior ao 65 %.

Requisitos:

- ▶ Residir legalmente no territorio español.
- ▶ Non percibir ingresos anuais, de calquera natureza, superiores aos límites establecidos para ser persoa beneficiaria das asignacións económicas por filla ou fillo a cargo. Nos supostos de convivencia, se a suma dos ingresos das persoas proxenitoras ou adoptantes superase os límites establecidos, non se recoñecerá a condición de persoa beneficiaria a ningunha de elas.
- ▶ Non ter dereito, nin o pai nin a nai, a prestacións desta mesma natureza en calquera outro réxime público de protección social.

Cal é a súa contía?

A contía íntegra é de 1.000 €, nun pagamento único.

No caso de superar o límite inicial de ingresos (11.576,83 €) poderá recibirse unha axuda reducida, cuxa contía será a diferenza entre o límite máximo (12.576,83 €) e os ingresos da unidade familiar que solicita a axuda.

No caso de familias numerosas, o límite inicial de ingresos será de 17.423,84 €, incrementándose en 2.822,18 € por cada filla, fillo ou persoa menor acollida a cargo a partir da cuarta.

É compatible con outras axudas?

Esta prestación é compatible con:

- ▶ A prestación por parto ou adopción múltiple.
- ▶ As asignacións económicas por filla, fillo ou persoa menor acollida a cargo.
- ▶ Subsidio especial de maternidade por parto múltiple.
- ▶ Calquera outra axuda análoga concedida por unha administración local ou autonómica.



Atención e asesoramento



Instituto Nacional de la Seguridad Social

Tel.: 901.166.565


<http://www.seg-social.es>



guía

de recursos para as familias 2017

3 Permisos e excedencias



3.1 Permiso de maternidade

É un período de descanso que ten toda persoa traballadora nos casos de parto, adopción ou acollemento, sen perder os seus dereitos salariais nin laborais.

Este permiso pode levar consigo unha prestación económica que recibe da Seguridade Social, chamada subsidio por maternidade, cuxo fin é cubrir a perda das rendas do traballo ou dos ingresos que sofren as persoas traballadoras, por conta allea ou por conta propia, cando se suspende o seu contrato ou se interrompe a súa actividade para gozar dos períodos de descanso por maternidade, adopción e acollemento, legalmente establecidos.

A prestación ascende ao 100 % da base reguladora pola que cotizou á Seguridade Social no mes anterior a aquel no que se iniciou o descanso.

Que situacións dan dereito ao permiso?

- ▶ O nacemento da filla ou fillo.
- ▶ A delegación de garda para a convivencia preadoptiva.
- ▶ A adopción e o acollemento, tanto permanente como temporal de máis dun ano de:
 - Menores de 6 anos.
 - Maiores de 6 anos e menores de 18 con algunha dificultade especial para incorporarse con normalidade á familia. A dificultade pode producirse: pola súa situación física, psíquica ou sensorial; por circunstancias e experiencias persoais, ou por provir do estranxeiro, e debe ser apoiada polos servizos sociais correspondentes.

Non se terá en conta a idade da persoa menor, cando se trate de persoal da Administración xeral da Comunidade Autónoma, as entidades locais galegas, as entidades públicas instrumentais do sector público autonómico de Galicia, as entidades públicas instrumentais vinculadas ou dependentes das entidades locais galegas e as universidades públicas galegas, regulado pola Lei 2/2015, do 29 de abril, do emprego público de Galicia.

- ▶ A tutela sobre menor por designación de persoa física, cando a persoa tutora sexa un familiar que, de acordo coa lexislación civil, non poida adoptar o menor, sempre que conleve a convivencia entre a persoa tutora e a tutelada, nos mesmos termos de idade que a adoptada ou acollida ou o adoptado ou acollido.

Como se dispón do permiso?

- ▶ Son 16 semanas ininterrompidas de duración, ampliables en 2 semanas máis no suposto de discapacidade da persoa menor, e no caso de parto, adopción ou acollemento múltiple, por cada menor a partir da ou do segundo.

No caso de persoal das administracións da Comunidade Autónoma, regulado pola Lei 2/2015, do 29 de abril, do emprego público de Galicia, o permiso será de 18 semanas.

- ▶ No caso de que ambos proxenitores traballen, a nai, ao inicio do permiso, decide e opta por conceder parte deste ao outro proxenitor, que poderá gozalo de forma simultánea ou sucesiva co da nai.
- ▶ No caso de parto biolóxico, a nai gozará sempre as primeiras 6 semanas.
- ▶ Nos casos de adopción ou acollemento, poderá ser gozado indistintamente, de forma ininterrompida, na súa totalidade, por calquera das dúas persoas proxenitoras.
- ▶ No caso de que a nai non tivese dereito ao período de descanso co dereito ao subsidio correspondente, o outro proxenitor poderá percibir o subsidio, sempre que reúna os requisitos esixidos e goce do descanso polo tempo que lle houbese correspondido á nai, sendo compatible co permiso de paternidade.
- ▶ No caso de falecemento da persoa beneficiaria do permiso, a outra persoa proxenitora poderá facer uso da totalidade ou, se é o caso, da parte que reste do permiso.
- ▶ Nos casos de partos prematuros e naqueles nos que a persoa recén nada deba permanecer hospitalizada a continuación do parto, o período de descanso poderá computarse, a instancia da nai ou, no seu defecto, do outro proxenitor, a partir da data da alta hospitalaria. No caso de maternidade biolóxica, manterase o período de descanso obrigatorio de 6 semanas despois do parto. Se a hospitalización ten unha duración superior a 7 días, ampliarase a duración do permiso en tantos días como a persoa recén nada permaneza hospitalizada a continuación do parto, cun máximo de 13 semanas adicionais. No caso de persoal das administracións da Comunidade Autónoma, regulado pola Lei 2/2015, do 29 de abril, do emprego público de Galicia, ampliarase a duración do permiso tantos días como a persoa recén nada se atope hospitalizada, ata un máximo de 13 semanas adicionais.

Requisitos:

- ▶ Ser persoa traballadora por conta allea ou ben, se é unha persoa autónoma ou empregada do fogar, atoparse ao día no pagamento das correspondentes cotas á Seguridade Social.
- ▶ Estar afiliada á Seguridade Social e en alta ou situación asimilada, nalgún dos réximes do sistema.
- ▶ A persoa beneficiaria ten que acreditar os seguintes períodos mínimos de cotización:
 - Se ten menos de 21 anos de idade na data do parto, adopción ou acollemento, non se esixirá período mínimo de cotización.
 - Se ten entre 21 e 26 anos de idade, o período mínimo de cotización esixido será de 90 días cotizados dentro dos 7 anos inmediatamente anteriores ou ben 180 días cotizados ao longo de toda a súa vida laboral.
 - As persoas maiores de 26 anos de idade, deben acreditar un período mínimo de cotización de 180 días dentro dos 7 últimos anos ou ben 360 días cotizados ao longo da súa vida laboral.

Nos casos de adopción, cando empeza a percibirse a prestación?

- ▶ Nos casos de adopción nacional e acollemento, comeza a partir do día da resolución ou decisión pola que se acorda a adopción ou o acollemento.
- ▶ Nos casos de adopción internacional, cando sexa necesario o desprazamento previo das persoas adoptantes ao país de orixe da nena ou do neno adoptada ou adoptado, a prestación pódese empezar a recibir ata 4 semanas antes de que se dite a resolución pola que se constitúa a adopción.

Nos dous casos, para poder recibir a prestación é imprescindible que se goce o correspondente permiso ou descanso.

Existe algunha axuda económica especial para o caso de parto, adopción ou acollemento múltiple no permiso de maternidade?

Si, durante as 6 primeiras semanas tense dereito, ademais de recibir a prestación de maternidade, a unha prestación especial por cada filla ou fillo a partir da segunda ou do segundo igual á que corresponde recibir pola primeira ou polo primeiro.

Que pasa cando unha traballadora ou traballador está en paro?

Recibirá a prestación de maternidade pola cantidade que lle corresponda e, unha vez extinguida esta, continuará coa prestación por desemprego polo tempo que lle restase por gozar.

Hai algunha prestación para as nais traballadoras que non acrediten o período mínimo de cotización?

Si, se reúnen todos os requisitos establecidos para acceder á prestación por maternidade salvo o período mínimo de cotización, terán dereito a unha prestación económica por importe do 100 % do IPREM vixente en cada momento cunha duración de 42 días naturais a contar desde o parto. A dita prestación incrementarase en 14 días naturais nos casos de nacemento dunha filla ou dun fillo:

- ▶ Nunha familia numerosa.
- ▶ Nunha familia monoparental.
- ▶ Nun parto múltiple.
- ▶ Cando a nai, a filla ou o fillo estean afectados dunha discapacidade nun grao igual ou superior ao 65 %.

Que organismo é responsable da xestión da prestación?

O Instituto Nacional da Seguridade Social (INSS) é o organismo encargado de xestionar a prestación.

Cal é o procedemento que deberá seguir a traballadora ou traballador?

Levar o parte de maternidade, que lle facilitarán os servizos médicos do SERGAS ou das mutuas, xunto co resto da documentación necesaria ao INSS.


Nos casos de adopción ou acollemento, deberá achegar xunto coa solicitude a documentación que lle indiquen na oficina do INSS.

Atención e asesoramento

 Instituto Nacional de la Seguridad Social

Tel.: 901.166.565

<http://www.seg-social.es>



3.2 Permiso de paternidade

É un período de descanso que teñen os traballadores, nos casos de nacemento, adopción ou acollemento, sen perder os seus dereitos salariais nin laborais e con independencia do goce compartido dos períodos dos descansos por maternidade.

Este permiso pode levar consigo unha prestación económica da Seguridade Social para o traballador durante os días de suspensión do contrato de traballo, ou cese na actividade, no caso de nacemento dunha filla, dun fillo, adopción ou acollemento, chamado subsidio por paternidade. A prestación ascende ao 100 % da base reguladora pola que cotizou á Seguridade Social no mes anterior a aquel no que se iniciou o descanso.

Que situacións dan dereito ao permiso?

As mesmas que para o permiso de maternidade.

Requisitos:

- ▶ Ser traballador por conta allea ou ben se é unha persoa autónoma ou empregada do fogar, atoparse ao día no pagamento das correspondentes cotas á Seguridade Social.
- ▶ Estar afiliada á Seguridade Social e en alta ou situación asimilada.
- ▶ Acreditar un período mínimo de cotización: 180 días dentro dos 7 últimos anos ou ben 360 días cotizados ao longo da vida laboral.

Cal é o período máximo de duración?

- ▶ 4 semanas ininterrompidas, ampliables no suposto de parto, adopción ou acollemento múltiples en 2 días máis por cada filla ou fillo a partir da segunda ou do segundo, para aqueles traballadores e traballadoras suxeitos ao establecido no Estatuto de traballadores.
- ▶ 29 días ininterrompidos para aquelas persoas suxeitas ao establecido na Lei 2/2015, do 29 de abril, do emprego público de Galicia. Nos casos de parto, adopción ou acollemento múltiple, a duración deste permiso incrementarase nunha semana máis.

Como se dispón do permiso?

- ▶ Exercerase durante o período comprendido desde a finalización do permiso por nacemento da filla ou fillo (2 días ou 4 cando necesite facer un desprazamento, ou o que estableza o correspondente convenio colectivo) ou desde que se produza a resolución de adopción ou acollemento ata que finalice o permiso por maternidade, ou, senón, inmediatamente despois da finalización do permiso por maternidade.
- ▶ No suposto de parto, o permiso corresponde á outra persoa proxenitora.
- ▶ Nos supostos de adopción ou acollemento, será á elección das persoas interesadas. Non obstante, cando o descanso por maternidade sexa gozado na súa totalidade por unha das persoas proxenitoras, o dereito ao permiso por paternidade unicamente poderá ser exercido pola outra.

Como se xestiona a prestación?

O Instituto Nacional da Seguridade Social (INSS) é o organismo encargado de xestionar a prestación.



Atención e asesoramento



Instituto Nacional da Seguridade Social

Tel.: 901.166.565

<http://www.seg-social.es>



3.3 Risco durante o embarazo e lactación natural

É a situación que se produce cando a traballadora está exposta, no desenvolvemento do seu traballo, a axentes, procedementos ou condicións de traballo que poidan influír negativamente na saúde desta, do feto ou da persoa lactante, e así o certifiquen os servizos médicos do SERGAS ou das mutuas.

Que dereitos ten a traballadora nestes casos?

- ▶ A empresa debe adaptar as condicións ou o tempo de traballo da traballadora afectada ou destinala a desempeñar un posto de traballo diferente compatible co seu estado.
- ▶ Se iso non é posible, procederase á suspensión do contrato de traballo. A suspensión finalizará, no caso de risco durante o embarazo, cando se inicie a baixa por maternidade ou se produza a reincorporación da muller ao seu posto de traballo anterior ou a outro compatible co seu estado. En caso de risco durante a lactación natural, a suspensión finaliza no momento no que a filla ou o fillo cumpra 9 meses, salvo que a traballadora se reincorporase con anterioridade ao seu posto de traballo anterior ou a outro compatible coa súa situación.

Como se protexe ás traballadoras durante a suspensión do contrato nestas circunstancias?


Terán dereito a unha prestación económica que consiste nun subsidio do 100 % da súa base reguladora durante todo o tempo que dure a suspensión.



Atención e asesoramento



Empresa, comité de empresa, sindicatos, así como, o Instituto Nacional da Seguridade Social ou a Mutua de AT e EP coa que teña concertada a empresa a cobertura das continxencias profesionais.



3.4 Redución da xornada laboral por lactación

En que caso se pide a redución da xornada por lactación?

Nos supostos de lactación da filla, fillo ou menor acollida ou acollido ata que cumpra 9 meses, enténdose por lactación a alimentación da filla, fillo ou persoa menor.

No caso de persoal das administracións da Comunidade Autónoma, regulado pola Lei 2/2015, do 29 de abril, do emprego público de Galicia, o permiso por lactación concederáse ao persoal que teñan unha filla, fillo ou menor acollida ou acollido menor de 12 meses.

Canto tempo pode estar a traballadora fóra do seu posto de traballo?

- ▶ A persoa traballadora pode ausentarse do posto de traballo unha hora, que pode repartirse en dúas fraccións. A duración deste permiso incrementarase proporcionalmente nos casos de parto, adopción ou acollemento múltiple.
- ▶ A persoa que exerza este dereito, pola súa vontade, pode:
 - Substituír este dereito por unha redución da súa xornada en media hora coa mesma finalidade.
 - Acumulalo en xornadas completas, nos termos previstos na negociación colectiva ou no acordo ao que chegue coa empresaria ou co empresario respectando, no seu caso, o establecido naquela.

Quen pode gozar deste permiso?

Este permiso constitúe un dereito individual das traballadoras e traballadores, pero só poderá ser exercido por unha das persoas proxenitoras no caso de que ambas traballen.

No caso de persoal funcionario e laboral da Administración da Comunidade Autónoma, regulados pola Lei 2/2015, do 29 de abril, do emprego público de Galicia, poderán facer uso deste permiso con independencia de que a outra persoa proxenitora traballe ou non. Cando ambas persoas proxenitoras traballen, o dereito ao permiso de lactación poderá ser exercido por calquera delas ou ratearse a súa duración.


Quen decide en que momento da xornada vaise reducir o horario?


O traballador ou traballadora beneficiaria ten dereito a decidir o horario e a duración do permiso. Deberá avisar á empresa cunha antelación de 15 días, precisando a data de inicio e finalización do permiso.

Segue recibindo todo o seu salario?

Si, durante o tempo que dure o permiso por lactación segue recibindo todo o seu salario.

Atención e asesoramento

 Empresa, comité de empresa, sindicatos.



3.5 Redución da xornada laboral por coidado de menores e outras persoas da familia

En que casos pode pedirse a redución de xornada laboral por coidado de menores e outras persoas familiares?

A traballadora ou traballador pode pedir esta redución de xornada, cando:

- ▶ teña a garda legal e o coidado directo dunha ou dun menor de 12 anos,
- ▶ teña a garda legal e o coidado directo dunha persoa maior de 12 anos con discapacidade física, psíquica ou sensorial, que non realice unha actividade retribuída,
- ▶ teña o coidado directo dunha persoa familiar ata o segundo grao de parentesco (avós ou avós de ambos os dous cónxuxes, netas e netos, nai, pai, irmás ou irmáns, cónxuxe, fillas ou fillos, cuñadas ou cuñados, sogras ou sogros), que pola súa idade ou por ter un accidente ou padecer unha enfermidade, non poida valerse por si mesma e non traballe.

Canto tempo pode reducirse a xornada de traballo?

Como mínimo unha oitava parte da xornada e como máximo a metade.

Quen pode gozar deste permiso?

Calquera traballadora ou traballador que teña ao seu cargo a unha ou un menor, unha persoa con discapacidade ou unha persoa familiar nas circunstancias descritas.

Quen decide en que momento da xornada vaise reducir o horario?

A persoa traballadora, muller ou home, ten dereito a decidir o horario e a duración do permiso. Os convenios colectivos poderán establecer criterios para a concreción horaria desta redución de xornada, en atención aos dereitos de conciliación da vida persoal, familiar e laboral da traballadora ou traballador e as necesidades produtivas e organizativas das empresas.


Deberá avisar á empresa cunha antelación de 15 días, precisando a data de inicio e finalización do permiso.


Segue recibindo todo o seu salario?

Non, redúceselle en proporción á parte da xornada que deixa de traballar.

As cotizacións realizadas durante os dous primeiros anos de redución de xornada por coidado de persoa menor e durante o primeiro ano de redución de xornada por coidado de persoa familiar ou con discapacidade, computaranse incrementadas ata o 100 % do que houberse cotizado a xornada completa de cara a futuras prestacións de Seguridade Social: xubilación, incapacidade permanente, morte e supervivencia, maternidade e paternidade.

Atención e asesoramento

 Empresa, comité de empresa, sindicatos.



3.6 Redución de xornada por coidado de menores afectados por cancro ou outra enfermidade grave

É un dereito polo cal os traballadores e traballadoras proxenitores, adoptantes ou acolletores poden reducir a súa xornada de traballo, coa diminución proporcional do salario, para o coidado, durante o tempo da súa hospitalización e tratamento continuado, das fillas, fillos ou persoas menores de idade ao seu cargo afectadas ou afectados por cancro ou por calquera enfermidade grave que implique un ingreso hospitalario de longa duración e requira a necesidade do seu coidado de maneira directa, continuada e permanente, ata que cumpra 18 anos.

Esta redución de xornada pode levar consigo unha prestación económica da Seguridade Social para compensar a perda de ingresos que sofren as persoas proxenitoras, adoptantes ou acolledoras que reducen a xornada de traballo, coa conseguinte diminución do seu salario.

Cal é a súa contía?

A prestación consiste nun subsidio equivalente ao 100 % da base reguladora que estea establecida para a prestación de incapacidade temporal derivada de continxencias profesionais e en proporción á redución que experimente a xornada de traballo.

Requisitos:

- ▶ Ser traballadora ou traballador por conta allea ou por conta propia.
- ▶ Estar afiliada á Seguridade Social e en alta nalgún dos réximes do sistema.
- ▶ Acreditar o período de cotización esixido para a prestación por maternidade.
- ▶ Atoparse ao día no pagamento das cotas, das que sexan responsables directos as traballadoras e traballadores.
- ▶ Reducir a xornada de traballo nun 50 % da súa duración, como mínimo, para dedicarse ao coidado directo, continuo e permanente da persoa menor.
- ▶ Que a persoa menor, causante da situación, estea afectada por cancro ou outra enfermidade grave (incluídas na listaxe do anexo do Real decreto 1148/2011, do 29 de xullo).

Quen decide en que momento da xornada se vai reducir o horario?

A persoa traballadora, muller ou home, ten dereito a decidir o horario e a duración do permiso. Por convenio colectivo, poderanse establecer as condicións e supostos nos que esta redución de xornada se pode acumular en xornadas completas, así como, establecer criterios para a súa concreción horaria, en atención aos dereitos de conciliación da vida persoal, familiar e laboral da traballadora ou traballador e as necesidades produtivas e organizativas das empresas.

Se dúas ou máis traballadoras ou traballadores da mesma empresa xerasen este dereito pola mesma persoa causante, a empresa poderá limitar o seu exercicio simultáneo por razóns xustificadas de funcionamento da empresa.

A persoa traballadora, agás forza maior, deberá avisar a empresa cunha antelación de 15 días, precisando a data de inicio e finalización do permiso.



Atención e asesoramento




Empresa, comité de empresa, sindicatos.

Instituto Nacional de la Seguridad Social

Tel.: 901.166.565

<http://www.seg-social.es>



3.7 Outros permisos

A traballadora ou traballador pode pedir outros permisos ou reducións da xornada e recibir o mesmo salario?

A traballadora ou traballador, logo de aviso e xustificación, poderá ausentarse do traballo, con dereito a remuneración, por algún dos motivos e polo tempo que a continuación se relacionan:

- ▶ Teñen un permiso de 15 días naturais cando casan.
- ▶ Teñen 2 días de permiso polo nacemento dunha filla ou fillo e polo falecemento, accidente ou enfermidade graves, hospitalización ou intervención cirúrxica sen hospitalización que precise repouso domiciliario dunha persoa familiar ata o segundo grao (avoas ou avós, netas ou netos, nai, pai, irmás ou irmáns, cónxuxe, fillas ou fillos, cuñadas ou cuñados, sogras ou sogros). Cando con tal motivo necesite facer un desprazamento, o prazo será de 4 días.
- ▶ No caso de persoal funcionario ou laboral das administracións da Comunidade Autónoma, regulados pola Lei 2/2015, do 29 de abril, do emprego público de Galicia, terán dereito a un permiso de tres días hábiles se o suceso se produce na mesma localidade e de cinco se o suceso se produce en distinta localidade.
- ▶ A traballadora ou traballador poderá saír do seu traballo o tempo que necesite para a realización dos exames prenatais e das técnicas de preparación ao parto e nos casos de adopción, acollemento ou garda con fins de adopción, para asistir ás preceptivas sesións informativas e preparatorias e para a realización dos informes psicolóxicos e sociais previos á declaración de idoneidade, sempre que teñan lugar dentro da xornada laboral.

No caso de persoal funcionario ou laboral das administracións da Comunidade Autónoma, regulados pola Lei 2/2015, do 29 de abril, do emprego público de Galicia, o persoal terá dereito aos permisos necesarios para acompañar o cónxuxe ou parella de feito á realización de exames prenatais e técnicas de preparación ao parto.

No caso de persoal funcionario ou laboral das administracións da Comunidade Autónoma, regulados pola Lei 2/2015, do 29 de abril, do emprego público de Galicia, terán dereito aos permisos retribuídos necesarios para a realización de tratamentos de fecundación asistida, sempre que teñan lugar dentro da xornada laboral.

- ▶ A nai ou o pai terán dereito a ausentarse do traballo durante unha hora, nos casos de nacemento de fillas e fillos prematuras ou prematuros ou que, por calquera causa, deban permanecer hospitalizadas ou hospitalizados tras o parto. Así mesmo, terán dereito a reducir a súa xornada ata un máximo de dúas horas, coa diminución proporcional do salario.

No caso de persoal funcionario ou laboral das administracións da Comunidade Autónoma, regulados pola Lei 2/2015, do 29 de abril, do emprego público de Galicia, teñen dereito a ausentarse do posto de traballo durante un máximo de dúas horas diarias mentres dure o período de hospitalización, coa percepción íntegra das súas retribucións.

Así mesmo, nestes mesmos casos o persoal funcionario e o persoal laboral teñen dereito a unha redución por horas completas da súa xornada de traballo diaria de ata un máximo de dúas horas, coa diminución proporcional das súas retribucións.

Mentres a/o filla/o prematura/o permaneza hospitalizado, poderá facerse uso acumulado dos dous dereitos. A partir da alta hospitalaria, mentres a/o filla/o prematura/o precise coidados, polo tempo que determine o informe médico, poderá gozar da redución de xornada con dedución retributiva.

- ▶ Nos casos de adopción ou acollemento internacionais, se for necesario o desprazamento previo ao país de orixe da ou do menor, o persoal funcionario ou laboral das administracións da Comunidade Autónoma, regulado pola Lei 2/2015, do 29 de abril, do emprego público de Galicia, ten dereito a un permiso de ata 3 meses de duración, fraccionables á elección da persoa titular do dereito, e durante os cales se percibirán exclusivamente as retribucións básicas.


A traballadora ou traballador terá dereito a adaptar a duración e distribución da xornada de traballo para facer efectivo o seu dereito á conciliación da vida persoal, familiar e laboral nos termos que se establecen na negociación colectiva ou no acordo a que chegue coa empresa respectando, no seu caso, o previsto naquela. A tal fin, promoverase o emprego da xornada continuada, o horario flexible ou outros modos de organización do tempo de traballo e dos descansos que permitan a maior compatibilidade entre o dereito á conciliación da vida persoal, familiar e laboral das traballadoras e traballadores e a mellora da produtividade nas empresas.



Atención e asesoramento



Empresa, comité de empresa, sindicatos.



3.8 A excedencia

É a situación na que a traballadora ou traballador por conta allea solicita á empresa a suspensión do contrato durante un período de tempo determinado, pero conservando o dereito preferente para reingresar na dita empresa.

Que situacións dan lugar a unha excedencia?

- ▶ Coidado de fillas e fillos menores de tres anos ou menores acollidos.
- ▶ Coidado de familiares ata o 2º grao.

A Que é a excedencia por coidado dunha filla ou fillo menor de tres anos ou menores acollidos?

É o permiso de traballo ao que ten dereito a traballadora ou traballador por un período máximo de 3 anos para coidar á filla ou fillo, sexa biolóxica ou biolóxico ou por adopción ou de menores acollidas/os, nos supostos de acollemento familiar permanente ou de garda con fins de adopción.

Desde que momento pode pedir esta excedencia?

Desde o nacemento da filla ou fillo ou a data da resolución administrativa de acollemento familiar permanente ou de garda con fins de adopción ou da resolución xudicial pola que se constitúe a adopción.

Como afecta esta excedencia á traballadora ou traballador nos seus dereitos como tal?

- ▶ Non ten dereito a recibir ningún salario por parte da empresa.
- ▶ Resérvaselle o seu posto de traballo durante o primeiro ano da excedencia. No caso de familia numerosa, a reserva do seu posto manterase durante 15 ou 18 meses, segundo sexa de categoría xeral ou especial. Transcorrido o dito prazo resérvaselle un posto de traballo dentro do mesmo grupo profesional ou categoría equivalente.
- ▶ O tempo de excedencia computa á hora de contar a antigüidade da traballadora ou traballador na empresa.

- ▶ Ten dereito a asistir a cursos de formación profesional aos que deberá chamalo a súa empresa, especialmente cando vaia a incorporarse ao traballo.
- ▶ Esta excedencia pode gozarse de forma fraccionada.

Ten dereito a algunha prestación?

Si, ten dereito a unha prestación non económica da Seguridade Social por coidado de filla ou fillo a cargo consistente no dereito a que se consideren os anos que dure a súa excedencia (máximo 3) como tempo cotizado a efectos das prestacións por xubilación, incapacidade permanente, morte e supervivencia, maternidade e paternidade.

B Cando se pode pedir a excedencia por coidado de persoas familiares?

Cando teña ao seu coidado directo a unha persoa familiar ata o segundo grao (avoas ou avós, netas ou netos, nai, pai, irmás ou irmáns, cónxuxe, fillas ou fillos, cuñadas ou cuñados, sogras ou sogros), que pola súa idade, por ter un accidente ou padecer unha enfermidade ou discapacidade non poida valerse por si mesma e non desempeñe actividade retribuída.

De canto tempo pode ser esta excedencia?

Pode durar un tempo máximo de 2 anos, salvo que por negociación colectiva se amplíe.

Como afecta esta excedencia á traballadora ou traballador nos seus dereitos como tal?

- ▶ Non ten dereito a recibir salario ningún por parte da súa empresa.
- ▶ Resévaselle o seu posto de traballo durante o primeiro ano de excedencia e despois resévaselle un posto de traballo dentro do mesmo grupo profesional ou categoría equivalente.
- ▶ Tense en conta o tempo de excedencia á hora de contar a antigüidade da traballadora ou traballador na empresa.
- ▶ Ten dereito a asistir a cursos de formación profesional aos que deberá chamalo a súa empresa, especialmente cando vaia volver a incorporarse ao traballo.

Esta excedencia pode gozarse de forma fraccionada.

Ten dereito a algunha prestación?

Si, ten dereito a unha prestación non económica da Seguridade Social pola cal o primeiro ano de excedencia conta como tempo cotizado a efectos das prestacións por xubilación, incapacidade permanente, morte e supervivencia, maternidade e paternidade.



Atención e asesoramento



Empresa, comité de empresa, sindicatos.



guía

de recursos para as familias 2017

4 Beneficios fiscais de ámbito galego


O Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado, modificado pola Lei 12/2014, do 22 de decembro, de medidas fiscais e administrativas, recolle todas as medidas fiscais, deducións e/ou bonificacións nas cotas ou gravames aplicables aos diferentes impostos, tanto na cota íntegra autonómica do imposto sobre a renda das persoas físicas como no imposto sobre sucesións e doazóns e no imposto sobre transmisións patrimoniais e actos xurídicos documentados, para as familias que deban tributar en Galicia.

A dita Lei 12/2014 recolle a asimilación ao descendente do fillo ou filla concibido ou concibida e non nacido ou nacida prevista na Lei 3/2011, do 30 de xuño, de apoio á familia e convivencia de Galicia, pola que certas familias poden adquirir a condición de familia numerosa e/ou cambiar de categoría, e será acreditada mediante o carné familiar galego ou certificado expedido para o efecto, e terá efectos unicamente dentro da Comunidade Autónoma de Galicia.

A IMPOSTO SOBRE A RENDA DAS PERSOAS FÍSICAS



<http://www.atriga.gal/tributos-da-comunidade-autonoma/imposto-sobre-a-renda-das-persoas-fisicas/imposto-sobre-a-renda-das-persoas-fisicas>



4.1 Dedución fiscal por nacemento ou adopción de fillas ou fillos

Dedución na cota íntegra autonómica do imposto que calquera persoa residente na Comunidade Autónoma de Galicia pode practicar no período impositivo por cada filla ou fillo, nada ou nado ou adoptada ou adoptado, que conviva coa persoa contribuínte na data de devindicación do imposto.

Cal é o importe que hai que deducir?

No ano do nacemento ou adopción, pódense deducir as seguintes contías:

BASE IMPOÑIBLE TOTAL MENOS MÍNIMOS PERSOAL E FAMILIAR	PARTO/ADOPCIÓN	CONTÍA
Igual ou maior de 22.000,01 €	normal	300 €
	múltiple	360 €
Menor ou igual a 22.000 €	1ª filla ou fillo	360 €
	2ª filla ou fillo	1.200 €
	3ª filla ou fillo e seguintes	2.400 €

Estas contías incrementaranse nun 20 % para as persoas contribuíntes residentes en municipios de menos de 5.000 habitantes e nos resultantes de procedementos de fusión ou incorporación.

En cantos períodos impositivos pode realizarse esta dedución?

A dedución estenderase aos dous períodos impositivos seguintes ao nacemento ou adopción, sempre que a filla ou fillo conviva coa persoa contribuínte na data de devindicación do imposto. Poderán deducirse as seguintes contías:

BASE IMPOÑIBLE TOTAL MENOS MÍNIMOS PERSOAL E FAMILIAR		CONTÍA
Entre 22.001 € e 31.000 €		300 €
Menor ou igual a 22.000 €	1ª filla ou fillo	360 €
	2ª filla ou fillo	1.200 €
	3ª filla ou fillo e seguintes	2.400 €

Cando as fillas ou fillos que dean dereito á dedución convivan con ambas as dúas persoas proxenitoras ou adoptantes, a dedución practicarase por partes iguais na declaración de cada unha delas.

As contías fixadas por esta dedución duplicaranse no caso de que a filla ou fillo teña recoñecido un grao de discapacidade igual ou superior ao 33%.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.2 Dedución por familia numerosa

É unha dedución á que se poden acoller as persoas contribuíntes que teñan o título de familia numerosa en vigor na data de devindicación do imposto.

Cal é o importe que hai que deducir?

Para as familias numerosas de categoría xeral	250 €
Para as familias numerosas de categoría especial	400 €

A dedución será de 500 e 800 € respectivamente cando algunha ou algún dos cónxuxes ou persoas descendentes ás que lles sexa aplicable o mínimo persoal e familiar do imposto teña un grao de discapacidade igual ou superior ao 65 %.



Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.3 Deducción por acogemento

É unha dedución á que se poden acoller as persoas contribuíntes que teñan formalizado un acollemento familiar simple, permanente, provisional ou de garda con fins de adopción dunha ou dun menor, sen relación de parentesco, durante o período impositivo.

Non dará lugar a esta dedución o suposto de acollemento de garda con fins de adopción cando se producise a adopción da persoa menor durante o período impositivo.

Cal é o importe que hai que deducir?

Convivencia igual ou superior a 183 días	300 € por cada menor acollida ou acollido
Convivencia inferior a 183 días e superior a 90 días	150 € por cada menor acollida ou acollido

Cando sexan dúas persoas contribuíntes (matrimonio ou parellas de feito inscritas no Rexistro de Parellas de Feito de Galicia) beneficiarias desta dedución e opten por declaración individual, o importe da dedución ratearase por partes iguais na declaración de cada unha delas.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.4 Dedución por coidado de fillas ou fillos de tres ou menos anos de idade

É unha dedución que poden practicar as persoas contribuíntes que, por motivos de traballo por conta propia ou allea, teñan que deixar as súas fillas ou aos seus fillos menores ao coidado dunha persoa que teña a condición de empregada do fogar ou en escolas infantís 0-3 anos.

Cal é o importe que hai que deducir?

Poderanse deducir o 30 % das cantidades satisfeitas no período, co límite máximo de 400 €, e 600 € se teñen dúas fillas ou dous fillos ou máis. Cando máis dunha persoa contribuínte teña dereito á aplicación desta dedución, o seu importe ratearase entre elas.

Requisitos:

- ▶ Que as fillas ou fillos convivan coa persoa contribuínte e teñan tres ou menos anos de idade no momento do devindicación do imposto.
- ▶ Que ambos proxenitores realicen unha actividade por conta propia ou allea e estean dados de alta no correspondente réxime da Seguridade Social.
- ▶ Que no suposto de que a dedución sexa aplicable por gastos dunha persoa empregada do fogar, esta estea dada de alta no réxime correspondente da Seguridade Social.
- ▶ Que a base imponible total menos os mínimos persoal e familiar non exceda de 22.000 € en tributación individual e 31.000 € en tributación conxunta.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.5 Deducción por suxeitos pasivos con discapacidade, de idade igual ou superior a 65 anos, que precisen a axuda de terceiras persoas

Unha dedución para as persoas contribuíntes de idade igual ou superior a 65 anos afectadas por un grao de discapacidade igual ou superior ao 65 % e que acrediten a necesidade de axuda de terceiras persoas.

Cal é o importe que hai que deducir?

Poderán deducir o 10 % das cantidades satisfeitas a terceiras persoas encargadas da súa atención, cun límite máximo de 600 €.

Requisitos:

- ▶ Que a base imponible total menos os mínimos persoal e familiar non exceda de 22.000 € en tributación individual e de 31.000 € en declaración conxunta.
- ▶ Que se acredite a necesidade da axuda de terceiras persoas.
- ▶ Que a persoa contribuínte non sexa usuaria das residencias públicas ou concertadas da Comunidade Autónoma de Galicia ou se beneficie do cheque asistencial da Xunta de Galicia.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.6 Dedución por gastos dirixidos ao emprego de novas tecnoloxías nos fogares galegos

É unha dedución que poderán facer as persoas contribuíntes que accedan durante o período impositivo á internet mediante a contratación de liñas de alta velocidade.

Cal é o importe que hai que deducir?

Poderán deducir o 30 % das cantidades satisfeitas no concepto de cota de alta e cotas mensuais, cun límite máximo de 100 €.

Requisitos:

- ▶ Só poderá aplicarse no exercicio no que se subscribe o contrato de conexión ás liñas de alta velocidade.
- ▶ A liña de alta velocidade contratada estará destinada ao uso exclusivo do fogar e non estará vinculada ao exercicio de calquera actividade empresarial ou profesional.
- ▶ Non será aplicable se o contrato de conexión supón simplemente un cambio de compañía prestadora do servizo e o contrato coa compañía anterior se realizou noutro exercicio.
- ▶ Non será aplicable cando se contrate a conexión a unha liña de alta velocidade e a persoa contribuínte manteña, asemade, outras liñas contratadas en exercicios anteriores.
- ▶ O límite máximo da dedución aplícase respecto de todas as cantidades satisfeitas durante o exercicio, ben correspondan a un só contrato de conexión ou ben a varios que se manteñan simultaneamente.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.7 Dedución por alugamento da vivenda habitual

É unha dedución do 10 % das cantidades satisfeitas ao longo do período impositivo en concepto de alugamento da vivenda habitual, cun límite de 300 € por contrato de arrendamento, que será do 20% cun límite de 600 € se a persoa contribuínte ten dúas fillas ou dous fillos ou mais fillas ou fillos menores de idade.

Requisitos:

- ▶ A persoa debe ter 35 anos ou menos na data de devindicación do imposto. No caso de tributación conxunta o requisito de idade haberá de cumprilo, como mínimo, unha das persoas cónxuxes ou, se é o caso, a nai ou o pai.
- ▶ O contrato de alugamento debe ser posterior ao 1 de xaneiro de 2003.
- ▶ Deberase ter constituído o depósito da fianza a que se refire o artigo 36.1 da Lei 29/1994, do 24 de novembro, de arrendamentos urbanos, no Instituto Galego da Vivenda e Solo.
- ▶ A base imponible non debe superar os 22.000 €.

As contías fixadas duplicaranse no caso de que a persoa arrendataria teña recoñecido un grao de discapacidade igual ou superior ao 33%.

Cando dúas persoas teñan dereito á aplicación da dedución, o importe desta ratéase por partes iguais na declaración de cada unha delas.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.8 Dedución por investimento en instalacións de climatización e/ou auga quente sanitaria que empreguen enerxías renovables na vivenda habitual e destinadas exclusivamente ao autoconsumo

É unha dedución do 5 % das cantidades satisfeitas no exercicio pola instalación na vivenda habitual de sistemas de climatización e/ou auga quente sanitaria nas edificacións que empreguen fontes de enerxía renovables, cun límite de 280 € por suxeito pasivo.

Para realizar a dita dedución deberán cumprir os requisitos establecidos no Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado, modificado pola Lei 12/2014, do 22 de decembro, de medidas fiscais e administrativas.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.9 Dedución por doazóns con finalidade en investigación e desenvolvemento científico e innovación tecnolóxica

É unha dedución do 25 %, ata o límite do 10% da cota íntegra autonómica, dos donativos monetarios que se fagan a favor de centros de investigación adscritos a universidades galegas e dos promovidos ou participados pola comunidade que teñan por obxecto o fomento da investigación científica e o desenvolvemento e a innovación tecnolóxica.

Para realizar a dita dedución deberán cumprir os requisitos establecidos no Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado, modificado pola Lei 12/2014, do 22 de decembro, de medidas fiscais e administrativas.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.10 Dedución por investimento na adquisición de accións ou participacións sociais en entidades novas ou de recente creación

É unha dedución do 20 % das cantidades investidas durante o exercicio na adquisición de accións ou participacións sociais como consecuencia de acordos de constitución de sociedades ou de ampliación de capital en sociedades anónimas, limitadas, anónimas laborais ou limitadas laborais, cun límite de 4.000 €, sempre que cumpran os requisitos establecidos no Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.11 Dedución por investimento na adquisición de accións ou participacións sociais en entidades novas ou de recente creación e o seu financiamento

Poderán deducir na cota íntegra autonómica e cun límite conxunto de 20.000 euros, as seguintes cantidades:

- ▶ 20 % das cantidades investidas durante o exercicio na adquisición de capital social como consecuencia de acordos de constitución de sociedades ou de ampliación de capital en sociedades anónimas, limitadas, sociedades laborais e cooperativas.
- ▶ Con respecto ás mesmas entidades, poderase deducir o 20 % das cantidades prestadas durante o exercicio, así como das cantidades garantidas persoalmente pola persoa contribuínte, sempre que o préstamo se outorgue ou a garantía se constituía no exercicio en que se proceda á constitución da sociedade ou á ampliación do capital desta.

Para realizar a dita dedución deberán cumprir os requisitos establecidos no Decreto lexislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



4.12 Deducción por investimento en accións de entidades que cotizan no segmento de empresas en expansión do mercado alternativo bolsista

É unha dedución do 15 % das cantidades investidas durante o exercicio na adquisición de accións como consecuencia de acordos de ampliación de capital subscritos por medio do segmento de empresas en expansión do mercado alternativo bolsista, aprobado por acordo do Consello de Ministros do 30 de decembro de 2005, cun límite de 4.000 euros.

Para realizar a dita dedución deberán cumprir os requisitos establecidos no Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado.



Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>

B IMPOSTO SOBRE SUCESIÓNS E DOAZÓNS

<http://www.atriga.gal/tributos-da-comunidade-autonoma>

É un tributo que grava os incrementos patrimoniais obtidos a título lucrativo por persoas físicas, normalmente como consecuencia de herdanzas e doazóns, así como dos seguros de vida nos que o contratante sexa persoa distinta á beneficiaria.

Para estes efectos, equipáranse ao matrimonio as unións de dúas persoas maiores de idade, capaces, que convivan coa intención ou vocación de permanencia nunha relación de afectividade análoga á conxugal e que a inscriban no Rexistro de Parellas de Feito de Galicia, expresando a súa vontade de equiparar os seus efectos aos do matrimonio.

É incompatible con outros impostos?

Este tributo é incompatible co imposto sobre a renda das persoas físicas, polo que a renda gravada polo imposto de sucesións non se someterá ao IRPF.

Cales son os beneficios máis significativos?

Os beneficios máis importantes son os que a continuación se relacionan:

▶ Nas sucesións

- Establécense as seguintes reducións por parentesco:
 - Grupo I: adquisicións por descendentes e adoptados menores de 21 anos, 1.000.000 €, máis 100.000 euros por cada ano menos de 21 que teña a habente causa, cun límite de 1.500.000 €
 - Grupo II: adquisicións por descendentes e adoptados de 21 anos ou máis e menores de 25, 900.000 euros, menos 100.000 euros por cada ano maior de 21 ata 24; de 25 anos ou máis, cónxuxes, ascendentes e adoptantes: 400.000 euros
 - Grupo III: adquisicións por colaterais de segundo e terceiro grao, e ascendentes e descendentes por afinidade: 8.000 euros.
- Establécense reducións por discapacidade (van dende os 150.000 € para o grao de discapacidade entre o 33 % e inferior ao 65 %, ata o 100 % da base imponible cando o suxeito pasivo teña un grao de discapacidade igual ou superior ao 65 %, sexa familiar de primeiro grao e cun patrimonio preexistente non superior a 3.000.000 €).
- Na adquisición da vivenda habitual, a redución establécese en función do valor real do inmovible, cun límite de 600.000 €, sempre que sexa adquirida por persoas descendentes, adop-

tadas, ascendentes ou adoptantes e colaterais que sexan maiores de 65 anos e vivisen coa persoa causante os dous anos anteriores ao falecemento, e a manteñan durante os 5 anos seguintes ao devengo do imposto.

As reducións van dende o 95 % para inmobles cun valor real de mais de 300.000,00 €, o 97% para inmobles cun valor de 150.000,01 € a 300.000 €, o 99 % para inmobles cun valor ata 150.000,00 € e ata o 100 % cando a adquisición corresponda á persoa cónxuxe.

- Reducións, que poden acadar o 99 % do valor: dunha empresa individual ou dun negocio profesional, de participacións en entidades ou de dereitos de usufruto sobre estes, dunha explotación agraria situada en Galicia ou de dereitos de usufruto sobre esta, de elementos dunha explotación agraria situada en Galicia ou de dereitos de usufruto sobre estes e de leiras forestais que formen parte da superficie de xestión e comercialización conxunta de producións que realicen agrupacións de propietarios forestais dotadas de personalidade xurídica.
- Reducións, que poden acadar o 95 % do valor, pola adquisición de leiras rústicas incluídas na Rede galega de espazos protexidos.
- Redución do 95 % da base imponible do imposto, nas adquisicións mortis causa, por fillos e descendentes, de diñeiro destinado á constitución ou adquisición dunha empresa ou negocio profesional, cun límite de 118.750 euros. No caso de que a habente-causa acreditase un grao de minusvalía igual ou superior ao 33%, o límite será de 237.500 euros.
- Dedución do 99 % no importe da dita cota, para persoas descendentes e adoptadas menores de 21 anos en todas as adquisicións e incluso das cantidades percibidas de seguros de vida.

▶ Nas doazóns:

- Reducións do 95 % na base imponible na doazón de diñeiro, non superior aos 60.000 €, destinada á adquisición dunha vivenda habitual en Galicia, polas persoas descendentes menores de 35 anos ou mulleres vítimas de violencia de xénero.
- Reducións, que poden acadar o 99 % do valor: pola adquisición de bens e dereitos afectos a unha actividade económica e de participacións en entidades; pola adquisición de explotacións agrarias ou predios rústicos situados en Galicia ou de dereitos de usufruto sobre ela; pola adquisición de parcelas forestais que formen parte da superficie de xestión e comercialización conxunta de producións que realicen agrupacións de propietarios forestais dotadas de personalidade xurídica
- Reducións do 95 %, cun límite de 118.750 €, nas transmisións mortis causa e inter vivos, a menores de 35 anos, de diñeiro destinado á constitución dunha empresa ou negocio profesional. No caso de que o causahabente ou donatario acredite un grao de discapacidade igual ou superior ao 33 % o límite duplicarase.



Atención e asesoramento



<http://www.atriga.gal/tributos-da-comunidade-autonoma/sucesions-e-doazons/sucesions-e-doazons>

C IMPOSTO SOBRE TRANSMISIÓNS PATRIMONIAIS E ACTOS XURÍDICOS DOCUMENTADOS

Na aplicación destes beneficios, os conceptos de vivenda habitual, adquisición de vivenda habitual e de unidade familiar serán os contemplados na normativa reguladora do IRPF.

▶ Nas transmisións patrimoniais onerosas

Na transmisión de inmobles, así como a constitución e cesión de dereitos reais que recaian sobre bens inmobles, agás os dereitos reais de garantía, aplicase un tipo impositivo do 10 %, establecéndose os seguintes beneficios:

- Aplicación dun gravame do 8 %, ás transmisións de inmobles que vaian constituír a vivenda habitual da persoa contribuínte, sempre que a suma do seu patrimonio e a dos demais membros da unidade familiar non supere os 200.000 euros, máis 30.000 euros adicionais por cada persoa membro da unidade familiar que exceda da primeira.
- Aplicación dun tipo gravame do 4 %, ás transmisións de inmobles que vaian constituír a vivenda habitual da persoa contribuínte afectada por unha discapacidade cun grao igual ou superior ao 65 %.
- Aplicación dun tipo de gravame do 4 %, ás transmisións de inmobles que vaian constituír a vivenda habitual da persoa contribuínte, cando na data de devindicación do imposto sexa membro dunha familia numerosa e non superen os 400.000 € de patrimonio, máis 50.000 € por cada persoa membro superior ao mínimo para obter a condición de familia numerosa.
- Aplicación dun tipo de gravame do 4 %, ás transmisións de inmobles que vaian constituír a vivenda habitual da persoa contribuínte, cando na data de devengo do imposto teña unha idade inferior a 36 anos, sempre que a suma do patrimonio dos adquirentes para os cales vaia constituír a súa vivenda habitual e, no seu caso, dos demais membros das súas unidades familiares non supere a cifra de 200.000 euros, máis 30.000 euros adicionais por cada membro da unidade familiar que exceda ao primeiro.

Bonificación e deducións na cota íntegra para os seguintes supostos:

- Bonificación na cota do 100 % para aqueles arrendamentos de vivenda que se realicen entre particulares con intermediación do IGVS ao abeiro do Programa de fomento do aluguer.
- Dedución na cota do 100 % no suposto de arrendamento de terreos rústicos.
- Dedución na cota do 100 % na adquisición de parcelas forestais que formen parte da superficie de xestión ou comercialización conxunta de producións que realicen agrupacións de propietarios forestais dotados de personalidade xurídica.

- Dedución na cota do 100 % nas transmisións en propiedade ou cesión temporal de predios integrantes do Banco de Terras de Galicia.
- Dedución na cota do 100% nas transmisións de solo rústico. No suposto de que sobre o solo rústico existise unha construción, a dedución non se estenderá á parte da cota que se corresponda co valor na base liquidable da devandita construción e do solo sobre o que se asenta.
- Dedución nas transmisións de explotacións agrarias de carácter prioritario: aplicarase unha dedución na cota polo importe necesario para que dicho beneficio fiscal alcance o 100% do valor do ben obxecto de redución.
- Dedución na cota do 100 % na adquisición de vivenda habitual por discapacitados, familias numerosas e menores de 36 anos en áreas rurais ou nalgunha das parroquias que teñan a consideración de zonas pouco poboadas.

▸ Nos actos xurídicos documentados

Nas primeiras copias de escrituras ou actas notariais suxeitas á modalidade de actos xurídicos documentados, cota variable dos documentos notariais, aplícase un tipo impositivo do 1,5 %, establecéndose os seguintes beneficios en aquelas que documenten a primeira adquisición da vivenda habitual ou a constitución de préstamos ou créditos hipotecarios destinados ao seu financiamento:

- Aplicación dun tipo de gravame do 1 %, cando, na data de devindicación do imposto, a suma do patrimonio da persoa contribuínte e o dos demais membros da unidade familiar non supere os 200.000 euros, máis 30.000 euros adicionais por cada persoa membro que exceda da primeira.
- Aplicación dun tipo gravame do 0,5 %, cando, na data de devindicación do imposto, a persoa contribuínte estea afectada por unha discapacidade cun grao igual ou superior ao 65 %.
- Aplicación dun tipo de gravame do 0,5 %, cando na data de devindicación do imposto a persoa contribuínte sexa membro dunha familia numerosa e non superen os 400.000 € de patrimonio, máis 50.000 € por cada persoa membro superior ao mínimo para obter a dita condición.
- Aplicación dun tipo de gravame do 0,5 %, cando a persoa contribuínte, na data de devindicación do imposto, teña unha idade inferior a 36 anos.

Deducións e bonificacións na cota íntegra para os seguintes supostos, sempre que se cumpran os requisitos establecidos:

- Bonificación do 75 % na cota das escrituras públicas outorgadas para formalizar a declaración de obra nova ou a división horizontal de edificios destinados a vivendas de aluguer.
- Dedución na cota do 100 % na adquisición de predios forestais que formen parte da superficie de xestión e comercialización conxunta de producións que realicen agrupacións de propietarios forestais dotados de personalidade xurídica.
- Dedución do 100 % da cota para a constitución de préstamos ou créditos destinados á cancelación doutros préstamos ou créditos hipotecarios que fosen destinados ao financiamento da adquisición dunha vivenda habitual.

- Dedución do 100 % da cota nas operacións de subrogación e modificación de préstamos e créditos hipotecarios para o investimento na vivenda habitual.
- Dedución do 100 %, cun límite de 1.500 €, nas adquisicións de locais de negocios que se destinen á constitución dunha empresa ou negocio profesional.
- Dedución do 100 %, cun límite de 1.500 €, na constitución de préstamos e créditos hipotecarios concedidos para o financiamento das adquisicións de locais de negocios que se destinen á constitución dunha empresa ou negocio profesional.
- Dedución do 100% na cota nas agrupacións de predios que conteñan solo rústico. No suposto de que sobre o solo rústico existise unha construción, a dedución non se estenderá á parte da cota que se corresponda co valor na base liquidable da devandita construción e do solo sobre o que se asenta.
- Dedución na cota do 100 % na adquisición de vivenda habitual por discapacitados, familias numerosas e menores de 36 anos en áreas rurais ou nalgunha das parroquias que teñan a consideración de zonas pouco poboadas.

Atención e asesoramento




<http://www.atriga.gal/tributos-da-comunidade-autonoma/transmisions-patrimoniais-e-actos-xuridicos-documentados/transmisions-patrimoniais-e-actos-xuridicos-documentados>



de recursos para as familias 2017

5 Medidas e beneficios fiscais de ámbito estatal

A IMPOSTO SOBRE A RENDA DAS PERSOAS FÍSICAS (IRPF)



5.1 Redución por tributación conxunta

Son reducións da base imponible xeral que se aplican para obter a base liquidable xeral. En todo caso, a base imponible xeral nunca poderá resultar negativa como consecuencia das ditas reducións.

Cales son?

- ▶ Redución de 3.400 € que se aplicará nas declaracións conxuntas de unidades familiares integradas por ambos cónxuxes non separados legalmente e, se os houberse, as fillas ou fillos menores que convivan, así como as persoas maiores de idade incapacitadas xudicialmente suxeitas á patria potestade prorrogada ou rehabilitada.
- ▶ Redución de 2.150 € que se aplicará nas declaracións conxuntas de unidades familiares monoparentais (persoas solteiras, viúvas, separadas legalmente ou divorciadas con todas as fillas ou fillos que convivan, menores de idade e/ou maiores incapacitadas ou incapacitados xudicialmente suxeitos á patria potestade prorrogada ou rehabilitada).




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



5.2 Mínimo persoal e familiar

O mínimo persoal e familiar é a adecuación do imposto ás circunstancias persoais e familiares da persoa contribuínte. Constitúe a parte da base liquidable que, por destinarse a satisfacer as necesidades básicas persoais e familiares da persoa contribuínte, non se somete a tributación.

O mínimo persoal e familiar é o resultado de sumar as contías correspondentes aos mínimos da persoa contribuínte e os mínimos por persoas descendentes, por persoas ascendentes e por discapacidade (tanto da persoa contribuínte como das persoas ascendentes e/ou descendentes).

Cal é o mínimo da persoa contribuínte?

É a valoración que fai o Estado, para os efectos do IRPF, de canto lle costa a unha persoa cubrir as súas necesidades vitais mínimas. Esta contía non se considera renda dispoñible e non se somete a tributación. Con carácter xeral, será de 5.550 €, incrementándose en 1.150 € para os maiores de 65 anos e adicionalmente en 1.400 € para os maiores de 75 anos.

Cal é o mínimo por persoas descendentes?

Terán a consideración de persoas descendentes: as fillas ou os fillos, as netas ou os netos, as bisnetas ou os bisnetos, etc., que descendan da persoa contribuínte e que estean unidas ou unidos por vínculo de parentesco en liña directa por consanguinidade ou por adopción. Tamén asimílanse a persoas descendentes aquelas vinculadas á persoa contribuínte por razón de tutela ou acollemento permanente ou preadoptivo.

Para poder aplicarse o dito mínimo, as persoas descendentes deben cumprir os seguintes requisitos:

- ▶ ser menores de 25 anos, salvo que acrediten unha discapacidade igual ou superior ao 33 %,
- ▶ convivir coa persoa contribuínte,
- ▶ non ter rendas superiores a 8.000 €/anuais, excluídas as exentas,
- ▶ non presentar independentemente a declaración do IRPF con rendas superiores a 1.800 €.

Mínimo por persoas descendentes	
Pola primeira filla ou polo primeiro fillo	2.400 €
Pola segunda filla ou polo segundo fillo	2.700 €
Pola terceira filla ou polo terceiro fillo	4.000 €
Pola cuarta filla ou polo cuarto fillo e posteriores	4.500 €

Cando a persoa descendente é menor de 3 anos este mínimo incrementase en 2.800 €. Nos supostos de adopción ou acollemento, o dito aumento producirase no período impositivo no que se inscriba no Rexistro Civil e nos dous anos seguintes.

Cal é o mínimo por persoa ascendente?

Terán a consideración de persoas ascendentes: as nais ou os pais, as avoas ou os avós, as bisavoas ou os bisavós, etc., de quen descenda a persoa contribuínte e que estean unidas ou unidos por vínculo de parentesco en liña directa por consanguinidade ou por adopción.

Para poder aplicarse o dito mínimo as persoas ascendentes deben cumprir os seguintes requisitos:

- ▶ ser maior de 65 anos ou, calquera que sexa a súa idade, que se trate dunha persoa cun grao de discapacidade igual ou superior ao 33 %,
- ▶ convivir coa persoa contribuínte, polo menos, a metade do período impositivo, (Entre outros casos, considerarase que conviven coa persoa contribuínte as persoas ascendentes con discapacidade que, dependendo desta, sexan internadas en centros especializados.)
- ▶ non ter rendas anuais, excluídas as exentas, superiores a 8.000 €,
- ▶ non presentar independentemente a declaración do IRPF con rendas superiores a 1.800 €.

Mínimo por persoas descendentes	
Por persoas ascendentes maiores de 65 anos e persoas discapacitadas	1.150 €
Por persoas ascendentes de máis de 75 anos	2.550 €

Cal é o mínimo por discapacidade?

Terán a consideración de persoas con discapacidade aquelas que acrediten un grao de discapacidade igual ou superior ao 33 % mediante certificado ou resolución emitida polo organismo correspondente. Tamén, asimílanse:

- cun grao igual ou superior ao 33 %: as persoas pensionistas da Seguridade Social que teñan recoñecida unha pensión de incapacidade permanente total, absoluta ou grande invalidez e, no caso de pensionistas de clases pasivas, que teñan recoñecida unha pensión de xubilación ou retiro por incapacidade permanente para o servizo ou inutilidade.
- cun grao superior ao 65 %: as persoas cuxa incapacidade sexa declarada xudicialmente.

Mínimos por discapacidade da persoa contribuínte e das persoas descendentes e/ou ascendentes


Por discapacidade entre o 33 % e o 64 %	3.000 €
Por discapacidade <65 % e acreditación da necesidade dunha terceira persoa	6.000 €
Por discapacidade ≥ 65 %	12.000 €

Atención e asesoramento

 Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



5.3 Dedución por maternidade para mulleres traballadoras con fillas ou fillos menores de 3 anos

Dedución dirixida a mulleres con fillas ou fillos menores de 3 anos, que realicen unha actividade por conta propia ou allea para a que estean dadas de alta no réxime correspondente da Seguridade Social ou mutualidade.

Cal é a súa contía

A dedución por maternidade será de ata 1.200 euros anuais por filla ou fillo e pode facerse efectiva de dúas formas:

- ▶ percibindo de forma anticipada, mediante transferencia bancaria, 100 euros ao mes por filla ou fillo a cargo ata que cumpra os tres anos de idade,
- ▶ ou aplicando unha dedución de 1.200 € na declaración do IRPF.

Terá como límite as cotizacións e cotas totais á Seguridade Social e mutualidades en cada período impositivo con posterioridade ao nacemento, adopción ou acollemento.

No caso de adopción ou acollemento, a dedución aplicarase, con independencia da idade da ou do menor, nos tres anos posteriores á inscrición no Rexistro Civil ou da correspondente resolución xudicial ou administrativa.

Requisitos:

- ▶ Ter fillas ou fillos menores de 3 anos, con dereito á aplicación do mínimo por persoas descendentes
- ▶ Ter un traballo por conta allea ou propia, para o que estean dadas de alta no correspondente réxime da Seguridade Social ou mutualidade.



Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



5.4 Deducción por familia numerosa

Deducción dirigida a aquellas personas ascendentes ou grupos de irmás ou irmáns orfas ou orfos de nai e de pai, que forme parte dunha familia numerosa.

Contía

A dedución será de

- ▶ ata 1.200 € por formar parte dunha familia numerosa de categoría xeral.
- ▶ ata 2.400 € no caso de familias numerosas de categoría especial.

e pode facerse efectiva de dúas formas:

- ▶ percibindo de forma anticipada, mediante transferencia bancaria,
- ▶ ou aplicando a dedución na declaración do IRPF.

Requisitos:

- ▶ Deben realizar unha actividade por conta propia ou allea pola que estean dadas de alta no réxime correspondente da Seguridade Social ou mutualidade de carácter alternativo e cotizar durante os prazos mínimos fixados.
- ▶ Tamén, poden beneficiarse destas deducións as persoas contribuíntes que perciban prestacións do sistema público de protección de desemprego ou pensións dos réximes públicos de previsión social ou asimilados.



Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



5.5 Deducción por familia monoparental con dúas fillas ou dous fillos

Deducción dirixida a aquelas persoas contribuíntes que sexan ascendentes separadas legalmente, ou sen vínculo matrimonial, con dúas ou dous descendentes sen dereito a percibir anualidades por alimentos e polos que teña dereito á totalidade do mínimo previsto por descendente.

Contía

A dedución será de ata 1.200 € e pode facerse efectiva de dúas formas:

- ▶ percibindo de forma anticipada, mediante transferencia bancaria,
- ▶ ou aplicando a dedución na declaración do IRPF.

Terá como límite as cotizacións e cotas totais á Seguridade Social e mutualidades en cada período impositivo, sempre que realice un traballo por conta allea ou propia.

Requisitos:

- ▶ Deben realizar unha actividade por conta propia ou allea pola que estean dadas de alta no réxime correspondente da Seguridade Social ou mutualidade de carácter alternativo e cotizar durante os prazos mínimos fixados.
- ▶ Tamén, poden beneficiarse destas deducións as persoas contribuíntes que perciban prestacións do sistema público de protección de desemprego ou pensións dos réximes públicos de previsión social ou asimilados.




Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>



5.6 Deducción por persoas ascendentes e/ ou descendentes con discapacidade

Deducción dirixida a aquelas persoas contribuíntes que con dereito á dedución do mínimo por descendente ou ascendente con discapacidade.

Contía

A dedución será de ata 1.200 € por cada persoa descendente ou ascendente con discapacidade e pode facerse efectiva de dúas formas:

- ▶ percibindo de forma anticipada, mediante transferencia bancaria,
- ▶ ou aplicando a dedución na declaración do IRPF.

Requisitos:

- ▶ Deben realizar unha actividade por conta propia ou allea pola que estean dadas de alta no réxime correspondente da Seguridade Social ou mutualidade de carácter alternativo e cotizar durante os prazos mínimos fixados.
- ▶ Tamén, poden beneficiarse destas deducións as persoas contribuíntes que perciban prestacións do sistema público de protección de desemprego ou pensións dos réximes públicos de previsión social ou asimilados.



Atención e asesoramento



Axencia Estatal de Administración Tributaria

Tel.: 901.200.345 / 901.335.533

<http://www.agenciatributaria.es>

B OUTRAS MEDIDAS



5.7 Bono social

O Real decreto 897/2017, de 6 de outubro, polo que se regula a figura da persoa consumidora vulnerable, o bono social e outras medidas de protección para as persoas consumidoras domésticas de enerxía eléctrica, que será de aplicación ás persoas físicas que sexan titulares dun punto de subministración de electricidade na súa vivenda habitual con potencia contratada igual ou inferior a 10 KW que cumpran certos requisitos establecidos no real decreto, establece dous tipos de persoas consumidoras que hai que protexer, que son as que a continuación se relacionan:

Persoa consumidora vulnerable: aquela persoa física titular dun punto de subministración de electricidade na súa vivenda habitual, que esta acollida ao prezo voluntario ao pequeno consumidor (PVPC) e que cumpra algún destes requisitos:

- ▶ Que a renda familiar ou, no caso de formar parte dunha unidade familiar, a renda conxunta anual sexa igual ou inferior a:
 - a 1,5 veces IPREM de 14 pagas (7.529,76€ para o ano 2017), no caso de que non forme parte dunha unidade familiar ou non haxa ningún menor na unidade familiar;
 - a 2 veces el índice IPREM de 14 pagas, no caso de que haxa unha/un menor na unidade familiar;
 - a 2,5 veces el índice IPREM de 14 pagas, no caso de que haxa dúas/dous menores na unidade familiar.
- ▶ Estar en posesión do título de familia numerosa.
- ▶ Que a persoa consumidora e, no caso de formar parte dunha unidade familiar, todos os membros da mesma que teñan ingresos, sexan pensionistas, percibindo a contía mínima para as ditas pensións e non perciban outros ingresos.

Os multiplicadores de renda respecto ao IPREM incrementaranse, en cada caso en 0'5, sempre que concorran algunha das seguintes circunstancias especiais:

- ▶ que a persoa consumidora ou algunha persoa membro da unidade familiar teña recoñecida unha discapacidade igual ou superior ao 33%.
- ▶ que a persoa consumidora ou algunha persoa membro da unidade familiar acredite a situación de violencia de xénero.
- ▶ que a persoa consumidora ou algunha persoa membro da unidade familiar teña a condición de vítima de terrorismo.

Persoa vulnerable severa:

- ▶ aquela persoa consumidora e, no seu caso, a unidade familiar á que pertenza, que teña unha renda anual inferior ou igual ao 50% dos limiares establecidos no apartado a).
- ▶ aquela persoa consumidora e, no seu caso, a unidade familiar á que pertenza, que teña unha renda anual inferior ou igual a unha vez o IPREM para o apartado c)
- ▶ aquela persoa consumidora e, no seu caso, a unidade familiar á que pertenza, que teña unha renda anual inferior ou igual a dúas veces o IPREM para as familias numerosas.

Persoa consumidora en risco de exclusión social: Aquela persoa consumidora que reúna os requisitos para ser vulnerable severa e que sexa atendida polos servizos sociais dunha Administración autonómica ou local que financie ao menos o 50% do importe da súa factura. Para estas persoas consumidoras a subministración de electricidade será considerada esencial (A subministración, nestes casos, non poderá ser suspendida cando a Administración que asuma ao menos o 50% do importe da factura, efectúe o pagamento e o acredite mediante o correspondente certificado ante o comercializador de referencia nun prazo de 5 meses dende a data de emisión da factura).

Características do bono social:

O bono social será un desconto sobre o PVPC, calculado segundo o R.D. 216/2014, do 28 de marzo.

O prezo resultante do dito desconto será a TUR (tarifa do último recurso):

- ▶ a TUR de aplicación á persoa consumidora vulnerable será o prezo resultante de aplicar un desconto do 25% en todos os termos que compoñen o PVPC
- ▶ a TUR de aplicación á persoa consumidora vulnerable severa será o prezo resultante de aplicar un desconto do 40%.

En ambos casos, o desconto será aplicado tendo en conta o límite de enerxía subministrada previsto para a facturación do termo de enerxía do PVPC por período de facturación. A enerxía subministrada por encima do dito límite será facturada ao PVPC.

Categorías	Límites máximos ao consumo (kWh)
Unidade familiar sen menores /demandante individual	1.200
Unidade familiar cunha/un menor	1.680
Unidade familiar con dúas/dous menores	2.040
Unidade familiar familias numerosas	3.600
Unidade familiar /demandante individual - pensionistas (contía mínima)	1.680

O bono social aplicarase durante o prazo de dous anos, agás que con anterioridade se produza a perda dalgunha das condicións que dan dereito á súa percepción. O dito prazo será prorrogable, previa solicitude, cunha antelación mínima de 15 días hábiles da finalización do dito prazo, da persoa consumidora titular do punto de subministración de electricidade.

Quedarán eximidas de solicitar a renovación do bono social as familias numerosas mentres o título de familia numerosa estea en vigor.

Solicitud de bono social

As persoas consumidoras que xa eran beneficiarias do bono social dispoñen de 6 meses para acreditar a condición de consumidor vulnerable.

As comercializadoras de referencia deberán remitir ás persoas clientes acollidas ao PVPC información sobre os novos requisitos e o procedemento para solicitalo.

Cales son as empresas comercializadoras que poden ofertar o PVPC?


Actualmente, as comercializadoras de referencia (que ofertan a nova PVPC) son:

Comercializadora de Referencia	Teléfono de atención bono social	Correo Electrónico bono social
Endesa Energía XXI, S.L.U.	800 760 333	bonosocial@endesa.es
Iberdrola Comercialización de Último Recurso, S.A.U.	900 200 708	bonosocial@iberdrola.es
Gas Natural S.U.R., SDG, S.A.	900 100 283	bonosocial@gasnatural.com
EDP Comercializadora de Último Recurso, S.A.	900 902 947	bonosocial@edpenergia.es
Viesgo Comercializadora de referencia, S.L.	900 10 10 05	bono-social@viesgo.com
CHC Comercializador de Referencia S.L.U.	900 814 023	bonosocial@chcenergia.es

Atención e asesoramento

As empresas comercializadoras.
 Ministerio de Energía, Turismo y Agenda Digital
 Tel.: 913 494 640 | 902 446 006

<http://www.minetur.gob.es/energia/bono-social/Paginas/bono-social.aspx>



5.8 Axudas para a adquisición de vehículos de enerxías alternativas, Plan MOVEA 2017

É un programa cuxa finalidade é a concesión directa de axudas para a adquisición de vehículos eléctricos, de gas licuado do petróleo (GLP/Autogás), de gas natural comprimido (GNC) e licuado (GNL), vehículos que se propulsen con pila de combustible e motocicletas eléctricas, fomentando a sustentabilidade no sector do transporte, a diminución das emisións de CO₂ e outros contaminantes, a mitigación do cambio climático e a mellora da calidade do aire do país.

Condicions dos vehículos

Os vehículos deben ser novos e matriculados por primeira vez en España.

No caso de vehículos eléctricos e de pila de combustible, agás as motocicletas, poderán ter ata 9 meses de antigüidade dende a primeira matriculación ata o rexistro da solicitude de axuda, sempre e cando a titularidade durante eses meses fose do punto de venda ou concesionario.

No caso de vehículos das categorías M1 (vehículos a motor con catro rodas como mínimo, deseñados e fabricados para o transporte de persoas, que teñan, ademais do asento do condutor, oito prazas como máximo) e N1 (furgonetas e camiións lixeiros) non é obrigatorio o achatarramento dun vehículo análogo. No caso de realizarse, pode recibirse unha axuda adicional de 750 €.

Contía

No caso das persoas físicas, as contías serán:

- ▶ para a compra de motocicletas (L3e, L4e, L5e) de 1.500 a 2.000 euros segundo a autonomía, sendo o prezo límite do custo de 8.000 euros.
- ▶ para turismo categoría M1, as que a continuación se relacionan:

Homologación	Autonomía	Límite prezo venda	Axuda estatal		Axuda concesionario
			Contía	Adicional por achatarramento	
GLP o bifuel		11.000	500	750	1.000
		25.000	1.000		
GN o bifuel		25.000	2.500		
Pila de combustible			5.500	750	1.000
PHEV, EREV, EV	entre 15 a 40 km	32.000	1.300		
	entre 40 a 90 km		2.600		
	maior de 90 km		5.500		

Quen se beneficia?


As persoas físicas maiores de idade residentes en España, profesionais autónomos, empresas privadas, as entidades locais e entidades públicas vinculadas ou dependentes delas, as administracións das comunidades autónomas e entidades vinculadas ou dependentes delas e outras entidades públicas vinculadas ou dependentes da AXE, que estean ao día no cumprimento das súas obrigacións tributarias e coa Seguridade Social.

Atención e asesoramento

Ministerio de Economía, Industria e Competitividad

Tel.: 902.446.006

<http://www.minetad.gob.es/industria/es-ES/Servicios/plan-movea/Paginas/ayudas-movea.aspx>



5.9 Axudas no caso de non aboamento de pensións de alimentos en situacións de separación ou divorcio

É un anticipo ou prestación económica que o Fondo de Garantía do Pago de Alimentos recoñece á persoa titular dunha pensión alimenticia que non está a ser aboada pola persoa obrigada ao pagamento, adiantándolla (en todo ou en parte).

Quen se beneficia?

- ▶ As persoas menores de idade (e maiores cun grao de discapacidade igual ou superior ao 65%) españois ou nacionais dun Estado membro da Unión Europea residentes en España, titulares dun dereito de alimentos xudicialmente recoñecido e impagado.
- ▶ As persoas menores de idade estranxeiros non nacionais da Unión Europea que, sendo titulares dun dereito de alimentos xudicialmente recoñecido e impagado, cumplan os seguintes requisitos:
 - Residir legalmente en España durante, polo menos, cinco anos, dos cales dous deberán ser inmediatamente anteriores á data de solicitude do anticipo. Para os menores de cinco anos estes períodos de residencia esixíranse a quen exerza a súa garda e custodia. Con todo, se o titular da garda e custodia fose español bastará con que o menor resida legalmente en España cando se solicite o anticipo, sen necesidade de acreditar ningún período previo de residencia.
 - Ser nacionais doutro Estado que, de acordo co que se dispoña nos tratados, acordos ou convenios internacionais ou en virtude de reciprocidade tácita ou expresa, recoñeza anticipos análogos aos españois no seu territorio.

Requisitos

- ▶ ser titular dun dereito a pensión alimenticia recoñecido mediante resolución xudicial ou convenio regulador xudicialmente aprobado,
- ▶ que a dita pensión non sexa aboada pola persoa obrigada ao seu pagamento,
- ▶ ter pedido a execución da sentenza xudicial que recoñece o dereito á pensión, resultando esta infrutuosa,
- ▶ os recursos e ingresos económicos da unidade familiar, computados anualmente, non poderán superar a cantidade resultante de multiplicar a contía anual do IPREM, vixente no momento da solicitude do anticipo, polo coeficiente que corresponda en función do número de fillos e fillas menores que integren a unidade familiar (1,5 se só houbese un fillo ou filla, incrementándose en 0,25 por cada fillo ou filla).

Contía

A contía do anticipo por cada persoa beneficiaria é de 100 euros mensuais, agás que por resolución xudicial teña recoñecido un importe menor que, de ser o caso, se aboará o importe establecido. O anticipo abóase por un período máximo de 18 meses e percíbese a persoa que teña a garda e custodia da persoa beneficiaria.

Este anticipo é incompatible coa percepción doutras prestacións ou axudas que teñan a mesma natureza e finalidade que se recoñezan polas distintas administracións públicas.



Atención e asesoramento



Ministerio de Facenda e Administracións Públicas


Tel.: 900.503.055

<http://www.clasespasivas.sepg.pap.minhap.gob.es/sitios/clasespasivas/es-ES/PensionesPres-taciones/anticipospensionesalimenticias/Paginas/Anticipopensionesalimenticias.aspx>



de recursos para as familias 2017

6 Servicios de apoio



6.1 Portal web das familias galegas

Este portal web concibiuse para crear unha canal de comunicación e información coas familias en xeral e como espazo de traballo para a rede de profesionais da educación familiar.

O portal estrutúrase nun menú principal e 7 seccións (trámites, guía de comunicación, preguntas frecuentes, axudas/subvencións, documentación, novas/avisos, ligazóns).

No menú principal, as familias galegas poden atopar información sobre os seguintes recursos, dependentes da Consellería de Política Social, destinados ás familias:

Recursos do menú principal

- ▶ Guía de recursos para as familias
- ▶ Mediación familiar (inclúe o Rexistro de Persoas Mediadoras de Galicia)
- ▶ Mediación intraxudicial
- ▶ Puntos de encontro familiar
- ▶ Gabinetes de orientación familiar (inclúe o servizo de información en liña)
- ▶ Axudas ás familias numerosas (inclúe o carné familiar)
- ▶ Prestación económica por filla ou fillo menor de 3 anos
- ▶ Residencias de tempo libre

As sete seccións están destinadas a diferentes contidos dinámicos e a trámites como a renovación Carné familiar galego e a solicitude da mediación familiar.

Entre os contidos dinámicos pódese destacar as seccións de axudas e subvencións e novas/avisos que son actualizadas, practicamente, a diario e no que as familias galegas poden atopar información sobre calquera axuda, subvención, recurso ou beneficio que poida ser de interese para as mesmas ou para calquera dos seus membros.



Atención e asesoramento



<http://www.familiasgalegas.org>

Dirección Xeral de Familia, Infancia e Dinamización Demográfica



6.2 Rede galega de escolas infantís

Que son as escolas infantís?

As escolas infantís son equipamentos diúrnos de carácter socioeducativo que ofrecen o primeiro ciclo de educación infantil de acordo cos principios e contidos educativos recollidos no currículo do primeiro ciclo de educación infantil de Galicia.

Cales son os seus obxectivos?

- ▶ Fomentar o pleno desenvolvemento da personalidade e das capacidades das nenas e nenos presentando contornos educativos de calidade en colaboración coas familias.
- ▶ Compensar as desigualdades persoais, culturais, económicas e sociais atendendo a diversidade de aptitudes, intereses, expectativas e necesidades das nenas e nenos e das súas familias.
- ▶ Responder as necesidades das familias na educación e crianza das súas fillas e fillos, adaptando de maneira flexible a organización e os servizos que prestan os centros como instrumento para favorecer a conciliación entre a vida familiar, laboral e persoal.
- ▶ Procurar a corresponsabilidade entre a escola e as familias na educación e atención das nenas e dos nenos, establecendo lugares de encontro entre os dous ámbitos responsables da súa educación.
- ▶ Construír un modelo educativo democrático e plural abrindo os centros á participación de toda a comunidade educativa.
- ▶ Desenvolver procesos educativos de calidade fomentando a colaboración entre familias, profesionais, centros, diferentes administracións e o conxunto da sociedade.
- ▶ Fomentar a igualdade efectiva entre as nenas e os nenos promovendo actividades e comportamentos que favorezan o exercicio da igualdade de dereitos e oportunidades.

Que prestacións ofertan?

As persoas usuarias poden optar por unha das seguintes modalidades de servizo:

- ▶ Atención educativa con comedor.
- ▶ Atención educativa sen comedor. O horario para o alumnado que opte por esta modalidade de servizo será o establecido polo centro con base nos seus criterios organizativos de funcionamento.

Que tipo de escolas infantís, públicas ou financiadas con fondos públicos,

segundo a súa titularidade, hai en Galicia?

En Galicia, a rede de escolas infantís, de titularidade pública, está integrada polas escolas infantís que a continuación se relacionan:

- ▶ escolas infantís dependentes da Axencia Galega de Servizos Sociais e
- ▶ escolas infantís dependentes do Consorcio Galego de Servizos de Igualdade e Benestar.

Ademais dos centros pertencentes á dita rede de escolas infantís, existen outras escolas infantís 0-3 públicas ou financiadas total ou parcialmente con fondos públicos, que son as seguintes:

- ▶ escolas infantís de titularidade municipal e
- ▶ escolas infantís dependentes de entidades de iniciativa social sen ánimo de lucro.

Como se accede ás escolas infantís da Axencia Galega de Servizos Sociais?

As familias interesadas deberán presentar a súa solicitude, tanto de renovación de praza como de novo ingreso, dentro do prazo establecido na orde anual de adxudicación de prazas para as escolas infantís da Axencia Galega de Servizos Sociais que se publica no Diario Oficial de Galicia (DOG).

Os impresos estarán dispoñibles na guía de procedementos e servizos que se atopa no enderezo:

<https://sede.xunta.es/localizacion-de-procedementos>

Facilitaranse tamén nos propios centros nos que se solicite praza, nas xefaturas territoriais da Consellería de Política Social así como no enderezo electrónico:

<http://www.xunta.gal/politica-social>.

A información relativa ao procedemento poderase consultar na dita sede electrónica, como nas páxinas web:

<http://www.xunta.gal/politica-social>,

<http://www.escolasinfantisdegalicia.es/>

Así como nos teléfonos:

012, 981185755 , 982294354, 988386595, 986817704, 981545666.

As solicitudes de renovación de praza deberán presentarse en soporte papel na propia escola infantil, ou en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

As solicitudes de novo ingreso coa documentación requirida presentaranse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.es>, de acordo co establecido nos artigos 27 da Lei 11/2007, do 22 de xuño, de acceso electrónico dos cidadáns aos servizos públicos, e 24 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes. Para a presentación das solicitudes será necesario o documento nacional de identidade electrónico ou calquera dos certificados electrónicos recoñecidos pola sede da Xunta de Galicia.

Opcionalmente, tamén se poderán presentar as solicitudes en soporte papel en calquera dos lugares e rexistros establecidos no artigo 38.4 da Lei 30/1992, do 26 de novembro, utilizando o formulario normalizado dispoñible na sede electrónica da Xunta de Galicia.

Como se accede ás escolas infantís do Consorcio Galego de Servizos de Igualdade e Benestar?

As familias interesadas deberán presentar a súa solicitude dentro do prazo establecido na resolución anual da Xerencia do Consorcio, publicada no DOG, pola que se convoca o procedemento de adxudicación de prazas nas escolas infantís 0-3 dependentes desta entidade.

O procedemento de solicitude de praza será como segue:

► Renovación automática de praza.

Para a renovación automática da praza do alumnado escolarizado durante o curso 2015/16, presentárase o modelo oficial, debidamente formalizado e asinado, que estará dispoñible na guía de procedementos e servizos que se atopa nos enderezos electrónicos:

<http://www.xunta.es/resultados-da-guia-de-procedementos>

<http://www.igualdadebenestar.org>

Así como nas propias escolas infantís 0-3.

► Novo ingreso.

Para as solicitudes de novo ingreso presentárase o modelo oficial. Neste impreso poderá solicitarse praza para máis dunha escola, indicando a orde de preferencia. Presentárase unha única solicitude na escola que se indique como primeira opción. Os impresos están dispoñibles na guía de procedementos e servizos que se atopa nos enderezos electrónicos:

<http://www.xunta.es/resultados-da-guia-de-procedementos>

<http://www.igualdadebenestar.org>

Tamén, facilitaranse nos propios centros en que se solicite praza.

As solicitudes de renovación de praza e de novo ingreso deberán presentarse en soporte papel na propia escola infantil, ou por calquera dos medios establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común (BOE nº. 236, de 2 de outubro de 2015).

Como se accede ás escolas infantís municipais?

Para acceder ás escolas infantís municipais deberán dirixirse á escola infantil para a que se desexa solicitar praza ou ao concello do que dependa.

Como se accede ás escolas infantís de iniciativa social?

Para solicitar praza nas escolas infantís de iniciativa social, as persoas solicitantes deberán dirixirse á escola infantil para a que se desexa solicitar a praza.



Atención e asesoramento



Nas propias escolas infantís e, segundo a súa titularidade, no organismo titular.

Xefaturas territoriais da Consellería de Política Social:

A Coruña: 981.185.755

Lugo: 982.294.354

Ourense: 988.386.595

Pontevedra: 986.817.704

Dirección Xeral de Familia, Infancia e Dinamización Demográfica

Subdirección Xeral de Demografía e Conciliación


Servizo de Conciliación Familiar: 981.545.666

<http://www.xunta.gal/politica-social>

<http://www.escolasinfantisdegalicia.es/>

Consortio Galego de Servizos de Igualdade e de Benestar: 981.568.705

<http://www.igualdadebenestar.org>



6.3 Programa do Bono Concilia

O Bono Concilia é un programa de axudas económicas directas ás familias para contribuír no pagamento dunha praza de escola infantil 0 – 3 non sostida con fondos públicos, naqueles casos de persoas solicitantes que non consigan praza nunha escola pública ou financiada con fondos públicos, ou residan nunha localidade na que non existen prazas públicas.

A axuda consiste nunha cantidade para contribuír ao pagamento da praza nunha escola infantil 0-3 non sostida con fondos públicos, por un período máximo de 11 meses.

Enténdense por escolas infantís 0-3 sostidas con fondos públicos as escolas infantís 0-3 dependentes da Axencia Galega de Servizos Sociais, as escolas infantís 0-3 dependentes do Consorcio Galego de Servizos de Igualdade e Benestar, as escolas infantís 0-3 e puntos de atención á infancia (PAI) dependentes das corporacións locais e as escolas infantís 0-3 dependentes das entidades privadas de iniciativa social que reciban axudas da Xunta de Galicia para mantemento do centro.

Quen pode beneficiarse?

Poderán beneficiarse todas aquelas persoas con responsabilidade sobre nenas e/ou nenos de 0-3 anos que cumpran os seguintes requisitos:

- ▶ Estar en calquera das circunstancias seguintes:
 - Ter solicitado praza en escolas infantís 0-3 sostidas con fondos públicos para o curso 2017/18 e non obtela, sempre que se exercese a opción do programa Bono Concilia.
 - Ter solicitado praza en escolas infantís 0-3 sostidas con fondos públicos para o curso 2017/18 exercendo a opción do programa Bono Concilia e cando, tendo dereito por puntuación a unha praza, o horario demandado non coincida co de apertura da escola infantil, porque ambos/as os/as proxenitores/as traballan en quenda de tarde ou en quendas rotativas, circunstancia que se acreditará documentalmente.
 - Obter praza en escolas infantís 0-3 sostidas con fondos públicos para o curso 2017/18 e que se modifiquen considerablemente as condicións en que esta foi concedida.
 - Ter obtido axuda deste programa no curso 2016/17 e solicitala para a mesma nena ou neno.
 - Ter unha filla ou fillo que renove a axuda deste programa para o curso 2017/18 e obter praza nunha escola pública para un irmán ou irmá tendo marcada a opción de Bono Concilia na solicitude.
 - Residir en concellos onde non existan escolas infantís 0-3 sostidas con fondos públicos.

- ▶ Non dispoñer doutras axudas para igual ou análoga finalidade outorgadas por outros organismos ou institucións públicas ou entes privados que, en concorrencia coa regulada nesta orde, supere o custo da praza.
- ▶ Escolarizar o neno ou a nena nunha escola infantil 0-3 non sostida con fondos públicos que conte coa autorización pertinente segundo o establecido no Decreto 254/2011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia (DOG do 20 de xaneiro de 2012).

Como se solicita?

Aquelas persoas solicitantes de praza nunha escola infantil pública ou financiada con fondos públicos que desexen ser candidatas ao Bono Concilia deberán cubrir o apartado correspondente na solicitude de praza pública e asinar as declaracións responsables recollidas nos anexos específicos para as persoas candidatas ao cheque.

Aquelas outras persoas que residan nunha localidade na que non existen prazas públicas e queiran ser candidatas ao Bono Concilia deberán presentar a súa solicitude nos prazos de convocatoria sinalados na orde anual de convocatoria, que se publica no Diario Oficial de Galicia.

Cal é a súa contía?

A contía da axuda económica estará en función da renda per cápita da unidade familiar, non podendo superar en ningún caso o custo da praza.

Tramo de renda per cápita		Xornada completa		Media xornada	
		Atención educativa	Atención educativa con comedor	Atención educativa	Atención educativa con comedor
Inferior ao 30% do IPREM	De 0 a 159,74 €	180,00 €	250,00 €	90,00 €	125,00 €
Entre o 30 % e inferior ao 50% do IPREM	De 159,75 a 266,25 €	180,00 €	233,00 €	90,00 €	116,50 €
Entre o 50% e inferior ao 75% do IPREM	De 266,26 a 399,37 €	147,00 €	200,00 €	73,50 €	100,00 €
Entre o 75% e inferior ao 100% do IPREM	De 399,38 a 532,50 €	115,00 €	159,00 €	57,50 €	79,50 €
Entre o 100% e inferior ao 125% do IPREM	De 532,51 a 665,63 €	75,00 €	109,00 €	37,50 €	54,50 €
Entre o 125% e inferior ao 150% do IPREM	De 665,64 a 798,76 €	55,00 €	74,00 €	27,50 €	37,00 €
Entre o 150% do IPREM e 1.000 €	De 798,77 a 1.000 €	45,00 €	51,00 €	22,50 €	25,50 €
Superior a 1.000 €		45,00 €	45,00 €	22,50 €	22,50 €

Enténdese por servizo de comedor o definido no artigo 26 do Decreto 329/2005, do 28 de xullo, polo que se regulan os centros de menores e os centros de atención á infancia. Este servizo comprenderá o xantar, que será prestado por persoal do propio centro ou contratado con tal fin (servizo de cátering), e incluírá en todo caso os alimentos.

Atención e asesoramento

Xefaturas territoriais da Consellería de Política Social:

A Coruña: 981.185.700

Lugo: 982.294.202

Ourense: 988.386.149

Pontevedra: 986.817.089


Dirección Xeral de Familia, Infancia e Dinamización Demográfica

Subdirección Xeral de Demografía e Conciliación

Servizo de Conciliación Familiar: 981.545.666

<http://escolasinfantis.net>

<http://www.xunta.gal/politica-social>



6.4 Prazas concertadas nas escolas infantís 0-3 anos de titularidade privada

É un programa de concerto de prazas do primeiro ciclo de educación infantil en escolas infantís de titularidade privada, co fin de dar unha solución eficaz e concreta ao volume das listas de espera que se concentran na rede pública de escolas infantís das sete grandes cidades e, por extensión, ás dos concellos das súas respectivas áreas de influencia.

Estas prazas, dirixidas ás persoas solicitantes que non obtivesen praza en ningunha das escolas da rede pública autonómica, terán as mesmas condicións que as públicas, tanto no que atinxe aos servizos que inclúen como aos prezos que aboarán as familias.

Quen pode beneficiarse?

Poderán ser adxudicatarios/as de praza nas escolas infantís de titularidade privada con prazas concertadas para o primeiro ciclo de educación infantil os nenos e as nenas que estean nos seguintes supostos:

- ▶ Renovación de praza.
 - Os nenos e as nenas con praza concertada durante o anterior curso lectivo en calquera das escolas infantís con concerto de prazas do primeiro ciclo de educación infantil terán dereito á renovación da praza na escola infantil en que están escolarizados, co mesmo horario e cos mesmos servizos con que lle foi adxudicada, sempre que non teñan feitos os tres anos de idade dentro do ano natural no que se solicita.

- ▶ Novo ingreso.
 - Nenas e nenos cun irmán/á que renove praza concertada durante o curso 2017/2018.
 - Nenas e nenos solicitantes de praza para o curso 2017/2018 nas escolas infantís dependentes da Axencia Galega de Servizos Sociais e do Consorcio Galego de Servizos de Igualdade e Benestar que queden en lista de espera por falta de prazas dispoñibles e que nas respectivas solicitudes marcaran a opción de candidato/a a praza concertada.

Como se solicita?

- ▶ Renovación de praza.

As persoas interesadas en renovar a praza deberán presentar unha solicitude normalizada, debidamente formalizada e asinada, que estará dispoñible na guía de procedementos e servizos que se atopa no enderezo: <http://www.xunta.es/resultados-da-guia-de-procedementos>, así como nas propias escolas infantís 0-3, segundo a orde anual pola que se convoca e se establece o procedemento de adxudicación de prazas nas escolas infantís 0-3 de titularidade privada con prazas concertadas.

As solicitudes de renovación de praza deberán presentarse en soporte papel na propia escola infantil, ou en calquera dos lugares e rexistros establecidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

- ▶ Novo ingreso.

As persoas interesadas en optar a unha praza nalgunha das escolas infantís de titularidade privada adscritas ao programa de concerto da Consellería de Política Social que non obteñan praza en ningunha das dúas escolas públicas solicitadas deberán cubrir a epígrafe correspondente na solicitude de novo ingreso en escolas infantís 0-3 e, ademais, presentar o anexo específico para optar a unha praza concertada debidamente cuberto, no cal se seleccionarán un máximo de tres escolas infantís privadas con prazas concertadas.

Os impresos estarán dispoñibles na guía de procedementos e servizos que se atopa no enderezo <http://www.xunta.es/resultados-da-guia-de-procedementos>, e facilitaranse tamén nos propios centros nos que se solicite praza, nas xefaturas territoriais da Consellería de Política Social así como no enderezo electrónico <http://benestar.xunta.es>, presentaranse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.es>, de acordo co establecido nos artigos 27 da Lei 11/2007, do 22 de xuño, de acceso electrónico dos cidadáns aos servizos públicos, e 24 do Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

Opcionalmente, tamén se poderán presentar as solicitudes en soporte papel en calquera dos lugares e rexistros establecidos no artigo 38.4 da Lei 30/1992, do 26 de novembro, utilizando o formulario normalizado dispoñible na sede electrónica da Xunta de Galicia.

Cal é a súa contía?

As familias con nenos e nenas aos/ás cales se conceda unha praza concertada nunha das escolas infantís obxecto desta orde aboarán á escola infantil os prezos públicos establecidos polo Decreto 49/2012, do 19 de xaneiro, polo que se aproba o réxime de prezos das escolas infantís 0-3 dependentes da Consellería de Política Social, modificado polo Decreto 91/2014, do 19 de xaneiro, con base na aplicación dos prezos públicos mensuais segundo os tramos de renda per cápita da unidade familiar e dos descontos aplicables en cada caso.

A diferenza entre o prezo de licitación da praza e a contía que corresponda aboar ás familias, en aplicación dos prezos públicos vixentes, será aboada mensualmente á escola infantil pola Consellería de Política Social.



Atención e asesoramento



Xefaturas territoriais da Consellería de Política Social:

A Coruña: 981.185.700

Lugo: 982.294.202

Ourense: 988.386.149

Pontevedra: 986.817.089

Dirección Xeral de Familia, Infancia e Dinamización Demográfica

Subdirección Xeral de Demografía e Conciliación

Servizo de Conciliación Familiar: 981.545.666

<http://escolasinfantis.net>

<http://www.xunta.gal/politica-social>



6.5 Casas niño

As casas niño constitúen un servizo que proporciona atención a nenas e nenos en pequenos grupos, de xeito flexible e con garantías de seguridade e calidade, nos núcleos rurais de Galicia que, por mor da súa escaseza de poboación, carecen de recursos de atención continuada á infancia de ata 3 anos de idade. Deste xeito, aténdense as necesidades de conciliación das familias e favorécese a equidade no acceso aos servizos con independencia do lugar de residencia.

A que niveis actúan?

As casas niño ofrecerán unha atención integral e personalizada a nenos e nenas en idades comprendidas entre os 3 meses e os 3 anos, que comprenderá:

- ▶ a atención específica das súas necesidades básicas de alimentación (quentar alimentos), hixiene e descanso de acordo coa súa idade e
- ▶ a contribución ao seu desenvolvemento físico, motor, afectivo, intelectual e social.

En todo caso serán achegados polas familias tanto o leite e alimentos xa cociñados como o material de hixiene (cueiros, toallíñas, cremas, etc).

Nas casas niño deseñárase e organizarase un ambiente que faga posible a construción das primeiras aprendizaxes de identidade e autonomía persoal, de relación co contorno e de comunicación social, sempre en estreita colaboración coas familias.

Como actúan?

As casas niño actúan na modalidade de atención diurna e de luns a venres durante todo o ano, agás os festivos, e un mes cada doce, no cal a casa niño permanecerá pechada por vacacións.

As familias poderán levar as nenas e os nenos un máximo de 8 horas diarias nun horario flexible que se pactará coa persoa responsable da casa niño.

Cada casa niño terá un máximo de cinco prazas. As nenas e nenos con necesidades específicas de apoio educativo suporán dúas prazas, sen que poida haber, en ningún caso, máis dun neno/a con estas necesidades por casa.

Os nenos e nenas que acudan á casa niño deberán estar en todo caso empadroados/as no concello en que esta se sitúe ou nun limítrofe onde non existan recursos de atención á infancia de ata tres anos de idade.


No suposto de que haxa unha demanda de prazas superior ás que se ofertan, a admisión efectuarase en primeiro lugar en función do empadroamento no concello e, de ser aínda necesario, segundo criterios de renda.

Quen pode beneficiarse?

Poderán beneficiarse todas aquelas persoas con responsabilidade sobre nenas e nenos de ata tres anos de idade, que cumpran os seguintes requisitos:

- ▶ estean empadroadas ou empadroados en núcleos rurais do territorio da Comunidade autónoma de Galicia. É dicir, en concellos de menos de cinco mil habitantes.
- ▶ que no concello non exista ningún outro recurso de atención continuada á infancia de ata tres anos de idade, como:
 - as escolas infantís 0-3 dependentes da Axencia Galega de Servizos Sociais,
 - as escolas infantís 0-3 dependentes do Consorcio Galego de Servizos de Igualdade e Benestar,
 - as escolas infantís 0-3 e puntos de atención á infancia (PAI) dependentes das corporacións locais e
 - as escolas infantís 0-3 dependentes das entidades privadas de iniciativa social que reciban axudas da Xunta de Galicia para mantemento do centro.


Atención e asesoramento:

 Dirección Xeral de Familia, Infancia e Dinamización Demográfica

Subdirección Xeral de Demografía e Conciliación

Servizo de Conciliación Familiar: 981.957.029 / 981.545.666

<https://www.xunta.gal/politica-social>



6.6 Gabinetes de orientación familiar

Os gabinetes de orientación familiar (GOF) constitúen un recurso especializado no apoio e na promoción da calidade de vida das persoas e das familias, e na atención e prevención das diferentes situacións problemáticas que se poidan dar no ámbito da convivencia cotiá.

A que niveis actúan?

- ▶ Informativo: facilitándolles ás familias a información necesaria para favorecer unha mellor comprensión do medio e dos recursos dispoñibles.

- ▶ Educativo e formativo: proporcionándolles ás familias os medios necesarios para o desenvolvemento integral das súas funcións e das súas habilidades, fortalecendo os vínculos do sistema familiar e facilitando que a dinámica individual e familiar sexa creativa, eficaz e enriquecedora.
- ▶ Preventivo: de preparación perante as distintas etapas ou situacións polas que pasan as familias no seu ciclo vital.
- ▶ De axuda persoal e emocional: ofrecendo atención e acompañamento en calquera momento da vida e, en especial, nos momentos de crises provocadas por desgrazas inesperadas. Esta axuda pode ser: formal, a través da terapia familiar; ou informal, a través das redes de axuda mutua ou grupos de apoio familiar.
- ▶ Orientativo: acompañando as familias, ofrecendo asesoramento para a toma de decisións, a resolución de conflitos e a mobilización dos recursos propios e do contorno, así como no proceso de planificación de apoios.
- ▶ De terapia e tratamento: co fin de superar os dinamismos disfuncionais das familias, facendo posible o seu progreso e a súa adaptación.

Quen pode beneficiarse?

Todas aquelas persoas con residencia en Galicia que consideren que na súa familia existe algún conflito: de parella, entre nais e pais e fillas e fillos ou coa familia extensa.

Como actúan?

Os GOF só poderán actuar por petición directa e voluntaria das persoas que así o requiran.

Os gabinetes respectarán e terán en conta as opinións de todos os membros da familia garantindo a confidencialidade e o segredo profesional.

Onde se atopan e cal é a súa composición?

Os gabinetes de orientación familiar están adscritos aos servizos de Familia, Menores e Dinamización Demográfica das xefaturas territoriais da Consellería de Política Social e están formados por un equipo multidisciplinar, integrado por profesionais das áreas de Traballo Social, Psicoloxía e Dereito, todos especializados na atención dos conflitos familiares e de parella.

A Coruña	Rúa Salvador de Madariaga, 9, 1ª planta 15071 A Coruña	981.185.757
Lugo	Rolda da Muralla, 70 27071 Lugo	982.294.371
Ourense	R/ Sáenz Díez, 39, baixo 32071 Ourense	988.386.128
Pontevedra	Concepción Arenal, 8, 1ª planta 36201 Vigo	986.817.085



Atención e asesoramento




Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia

Servizo de Apoio á Familia, á Infancia e á Adolescencia

<http://www.familiasgalegas.org>


<http://www.xunta.gal/politica-social>



6.7 GOF virtual

Este servizo en liña procurará proporcionar ás familias ou calquera persoa interesada, de maneira gratuíta, información e asesoramento sobre diversas cuestións, como: servizos, recursos sociais, programas, disposicións legais, etc., por parte de persoas profesionais especializadas no ámbito da familia e da infancia; pero nunca dará directrices técnicas sobre pautas de comportamento, habilidades, etc.

Este servizo está aloxado na portal web das familias: <http://www.familiasgalegas.org/> no apartado “**GABINETES DE ORIENTACIÓN FAMILIAR**”, dentro do menú principal.



6.8 Puntos de encontro familiar

Son un servizo que facilita, preserva a relación entre as e os menores e as persoas das súas familias en situación de crise, procura a seguridade e o benestar das e dos menores, favorece a relación coas súas familias e facilita o cumprimento do réxime de visitas.

Os puntos de encontro familiar constitúen un equipamento social, de carácter neutral, especializado para o cumprimento do réxime de visitas establecido pola autoridade competente, que ten por obxecto favorecer a relación entre as e os menores e as súas familias cando nunha situación de separación, divorcio, nulidade, tutela ou en calquera outro suposto de interrupción da convivencia familiar, o exercicio do dereito de visitas se vexa interrompido ou o seu cumprimento resulte difícil ou conflitivo.

A intervención dos puntos de encontro familiar terá carácter temporal, desenvolverana profesionais nun lugar neutral e terá como obxectivo principal a normalización da situación conflitiva.

Cal é a súa finalidade?

- ▶ Favorecer o cumprimento do réxime de visitas como dereito fundamental das fillas e dos fillos a manter a relación con ambas as dúas persoas proxenitoras despois da separación, establecendo os vínculos necesarios para o seu bo desenvolvemento psíquico, afectivo e emocional.
- ▶ Facilitar o encontro das fillas e fillos coa persoa proxenitora non custodia e, de ser o caso, coa súa familia extensa.
- ▶ Acadar a normalización das relacións familiares de xeito que o recurso chegue a resultar innecesario para a familia.
- ▶ Procurar a seguridade das e dos menores durante o cumprimento do réxime de visitas e previr situacións de violencia.
- ▶ Favorecer e potenciar nas fillas e fillos unha boa relación coas súas persoas proxenitoras, co contorno da persoa proxenitora non custodia e coa súa familia extensa.
- ▶ Potenciar que as fillas e fillos expresen con liberdade e sen medo os seus sentimentos e necesidades fronte a ambas as dúas persoas proxenitoras.
- ▶ Facilitar orientación profesional para mellorar as relacións materno/paterno-filiais e as habilidades parentais de crianza.
- ▶ Informar e derivar as persoas interesadas aos servizos especializados encargados da protección e da asistencia integral ás mulleres que sofren violencia de xénero nos termos establecidos na Lei 11/2007, do 27 de xullo, galega para a prevención e o tratamento integral da violencia de xénero.
- ▶ Dispoñer de información fidedigna sobre as actitudes e aptitudes parentais que axuden a defender, se fose necesario, os dereitos das e dos menores noutras instancias administrativas ou xudiciais.

Que intervencións se levan a cabo?

Con respecto á execución do réxime de visitas:

- ▶ Entregas e recollidas das e dos menores: consisten na intervención das e dos profesionais nos momentos en que os familiares acoden ao servizo para entregar ou recoller a persoa menor no desenvolvemento do réxime de visitas. Nestes casos, o punto de encontro familiar actúa como intermediario e supervisor desas entregas e recollidas.
- ▶ Visitas tuteladas: son aquelas que se desenvolven de forma controlada baixo a supervisión e presenza continuada dunha ou dun profesional do equipo técnico do servizo por un tempo máximo de dúas horas.
- ▶ Visitas supervisadas: son aquelas que se desenvolven no punto de encontro familiar, por un tempo máximo de dúas horas, sen a presenza continuada do equipo técnico, especialmente en casos nos que a persoa proxenitora que ten o dereito de visita careza de vivenda na localidade.

Outras intervencións complementarias ao réxime de visitas:

- ▶ Deseño e desenvolvemento dun programa psicosocioeducativo individualizado de intervención coas familias e as e os menores, que teña como obxecto final acadar a normalización das relacións familiares.

- ▶ Orientación e apoio familiar proporcionando información, ás persoas proxenitoras e aos menores, propiciando o desenvolvemento de relacións materno/paterno-filiais axeitadas e a creación de relacións familiares óptimas e de actitudes positivas.
- ▶ Intervención en negociación e aplicación de técnicas mediadoras. O equipo técnico poderá, se o considera axeitado e conta coa vontade das partes, intervir aplicando técnicas mediadoras para conseguir acordos que permitan adecuar o réxime de visitas establecido pola autoridade á realidade familiar, así como para favorecer o exercicio da coparentalidade.
- ▶ Intervencións encamiñadas a reducir o impacto da nova situación familiar e preparar as persoas proxenitoras e as súas fillas e fillos para que as relacións entre eles se cheguen a realizar de forma normalizada e coas maiores garantías posibles.
- ▶ Rexistro e documentación das actividades realizadas.

A Coruña	Fundación Meniños	981.297.534
Ferrol	Asociación Camiña Social	981.369.217
Santiago	Asociación Encontro	981.577.595
Lugo	Asociación Dignidade Lugo	982.828.159
Ourense	UTE Meniños – Grupo 5	698.150.298
Pontevedra	Eulen – Servizos sociosanitarios	986.861.999
Vigo	Asociación Camiña Social	986.376.181



Atención e asesoramento




Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia

Servizo de Apoio á Familia, á Infancia e á Adolescencia: 981.957.165

<http://www.familiasgalegas.org>

<http://www.xunta.gal/politica-social>



6.9 Residencias de tempo libre

Son complexos residenciais, dependentes da Consellería de Política Social, destinados ao gozo do ocio e do lecer das familias, que se poñen á disposición da poboación para o goce de estadias no período estival (xullo, agosto e primeira quincena de setembro). Están situados en Panxón-Nigrán (Pontevedra) e O Carballiño (Ourense).

Cal é a forma de acceso?

A adxudicación das estadias na tempada estival regúlase mediante orde de carácter anual, podendo ser solicitada por:

- ▶ As persoas maiores de idade, ou menores acompañadas das persoas proxenitoras ou representantes legais, que teñan a súa residencia en territorio do Estado español.
- ▶ As galegas e galegos residentes no exterior.

A adxudicación das prazas efectúase por sorteo de datas de entrada das solicitudes presentadas para cada residencia.

Cales son os servizos ofertados?

- ▶ Servizo de residencia: aloxamento e manutención en réxime de pensión completa, durante a quenda adxudicada ás persoas beneficiarias.
- ▶ Servizo para non residentes: servizo de comedor para familiares e amigas ou amigos das persoas residentes que veñan visitar a instalación.

Cal é o seu custo?

Custo do servizo de residencia	
Estadía e manutención das persoas residentes na tempada alta	37,26 euros/persoa/día
Aloxamento na véspera da incorporación	21,74 euros/cuarto

Servizo de comedor para visitantes *	
Almorzo	3,11 €
Xantar	11,39 €
Cea	9,32 €

* Estes prezos incrementáanse un 10 % os domingos e festivos.

Que descontos hai?

- ▶ Nenos/as menores de 2 anos que non utilicen os servizos de comedor ou durman nos cuartos dos seus responsables: exentos/as.
- ▶ Nenos/as comprendidos entre 2 e os 12 anos: 50 % sobre o importe da estadia.
- ▶ Familias numerosas: 30 % sobre o prezo final que resulte da súa estadia.
- ▶ Persoas con discapacidade: 10 %.
- ▶ Persoas maiores de 60 anos: 10 %.
- ▶ Grupos integrados por persoas adultas e nenos/as maiores de 12 anos, que excedan 25 prazas, para a mesma residencia e data en tempada baixa e media: 10 %.
- ▶ Mulleres vítimas de violencia de xénero: 50 %, sempre que a acreditación da dita circunstancia ti-vese sido emitida nos doce meses anteriores á data da presentación da solicitude por calquera dos motivos recoñecidos no artigo 5 da Lei 11/2007, galega para a prevención e o tratamento integral da violencia de xénero.

Os descontos anteriores serán incompatibles entre si agás para as familias numerosas residentes na Comunidade Autónoma de Galicia.

Atención e asesoramento



Ourense	Zona del Parque 32500 O Carballiño	988. 788.116	rtlcarballiño@xunta.es
Pontevedra	Calle Cansadoura, 2 36340 Panxón. Nigrán	986.365.221	rtlpanxon@xunta.es

Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia

Servizo de Apoio á Familia, á Infancia e á Adolescencia: 981.957.781 / 780

<http://www.familiasgalegas.org>

<http://www.xunta.gal/politica-social>



de recursos para as familias 2017

7 Plans e programas

A PROGRAMAS E SERVIZOS SOCIAIS COMUNITARIOS BÁSICOS

Que son?

Os servizos sociais comunitarios, que están referenciados a un territorio e a unha poboación determinada, constitúen o acceso normalizado e o primeiro nivel de intervención do sistema galego de servizos sociais.


Configúranse como servizos de carácter integrador, sendo a principal instancia do sistema para o desenvolvemento de intervencións de carácter preventivo, de atención integral a persoas e familias e de incorporación social e laboral.

Os servizos sociais comunitarios básicos teñen un carácter local, aberto e polivalente e constitúen a canle normal de acceso ao sistema galego de servizos sociais, co que se garante a universalidade do sistema e a súa proximidade ás persoas usuarias, ás familias e ao ámbito comunitario.

Que programas e servizos prestan?

Os servizos sociais comunitarios básicos, dende unha perspectiva de anticipación e prevención, tanto individual como familiar ou comunitaria, das situacións causantes da exclusión social, a dependencia e a desprotección, prestan os seguintes programas:

- ▶ Programa de valoración, orientación e información en materia social ás persoas, grupos ou á comunidade en xeral.
- ▶ Servizo de axuda no fogar, que ten por obxecto prestar un conxunto de atencións ás persoas ou familias no seu domicilio, dende unha perspectiva integral e normalizadora, para facilitar o seu desenvolvemento persoal e a permanencia no seu medio habitual, especialmente naquelas situacións en que teñan limitada a súa autonomía ou noutras situacións de risco social.
- ▶ Servizo de educación e apoio familiar, que integra o conxunto de proxectos e servizos de apoio educativo e psicosocial dirixidos ás familias, co obxectivo de detectar, prever e superar as situacións de dificultade, especialmente as eventuais situacións de maltrato infantil ou calquera outra desprotección, así como promover procesos de cambio que favorezan un adecuado exercicio das responsabilidades familiares, a mellora da autonomía, da integración e da participación social das familias e das unidades de convivencia.
- ▶ Programa básico de inserción social, que procure valorar, dar resposta ou derivar ao recurso idóneo as persoas en situacións ou risco de exclusión social, aplicando tanto proxectos de intervención social personalizados ou de grupo como prestacións económicas específicas. Inclúense nesta categoría os proxectos expresamente dirixidos ao desenvolvemento, promoción e integración da comunidade xitana e outras minorías étnicas.
- ▶ Programa de fomento da cooperación e solidariedade social, que facilite a participación comunitaria en tarefas colectivas, impulse o asociacionismo solidario e, en especial, a organización e coordinación do voluntariado social.



7.1 Programa de valoración, orientación e información

O programa de valoración, orientación e información ten o carácter de prestación esencial do sistema galego de servizos sociais e consistirá en:

- a) Proporcionar información, orientación, asesoramento e acompañamento ás persoas, ás familias e aos grupos sociais.
- b) Realizar a valoración e o diagnóstico social das demandas da cidadanía.
- c) A intervención básica de traballo social de caso e grupos, de acordo cos dereitos sociais, necesidades, demandas e recursos dispoñibles.
- d) Derivar cara a intervención social, biopsicosocial ou socioeducativa idónea para cada caso, que favoreza a adquisición ou recuperación de funcións e habilidades persoais e sociais e procure a mellora da autonomía, da convivencia social e familiar e da inclusión social. Esta derivación poderá realizarse cara os distintos programas de servizos sociais comunitarios, tanto básicos como específicos, e, se é o caso, cara os servizos sociais especializados.

Como se traballa?

Ao constituír o primeiro acceso ao sistema, realizarase unha entrevista inicial na que se lle asignará unha ou un profesional de referencia e se efectuará o primeiro rexistro no sistema de información social básico.

No desenvolvemento deste programa, asegurárase unha atención por profesionais coa cualificación adecuada e ofreceráselles ás persoas unha información e asesoramento persoal, puntual e preciso, de maneira que se garanta o respecto á súa intimidade e á súa capacidade de decisión.



Atención e asesoramento




Os departamentos de servizos sociais dos concellos.

Dirección Xeral de Inclusión Social

Subdirección Xeral de Servizos Sociais e Xestión Económica

Servizo de Coordinación de Servizos Sociais Comunitarios: 981.545.642

<http://www.xunta.gal/politica-social>



7.2 Servizo de axuda no fogar

O Servizo de axuda no fogar (SAF) é un servizo público de carácter local consistente en ofrecer un conxunto de atencións a persoas ou unidades de convivencia no propio domicilio para facilitar o seu desenvolvemento e a permanencia no seu medio habitual.

No servizo de axuda no fogar (SAF) poderán prestarse os seguintes tipos de actuacións de carácter básico:

- a) Atencións de carácter persoal na realización das actividades básicas da vida diaria no propio domicilio.
- b) Atención das necesidades de carácter doméstico e da vivenda que incidan e axuden na mellora do contorno das persoas usuarias e da súa familia. Se é o caso, determinadas tarefas domésticas, como lavandaría e alimentación a domicilio, poderán ser facilitadas por servizos específicos.
- c) Acompañamento persoal na realización doutras actividades necesarias da vida diaria, tales como apoio en trámites urxentes de carácter administrativo, xudicial ou similares, así como o seguimento das intervencións realizadas polo sistema sanitario.
- d) Ademais, para as familias en risco de exclusión social, as atencións de carácter psicosocial e educativo enfocadas ao desenvolvemento das capacidades persoais básicas, á mellora da convivencia, integración na comunidade e mellora da estrutura familiar.

O Servizo de axuda no fogar, unha vez garantido o nivel básico de atención, poderá incorporar, ademais, os seguintes tipos de actuacións de carácter complementario:

- ▶ Actividades de acompañamento, socialización e desenvolvemento de hábitos saudables.
- ▶ Servizo de empréstito de axudas técnicas para persoas en situación de dependencia ou dependencia temporal.
- ▶ Adaptacións funcionais do fogar.
- ▶ Servizo de podoloxía a domicilio.
- ▶ Servizo de fisioterapia a domicilio.

Quen pode beneficiarse?

O servizo de axuda no fogar (SAF) poderá prestarse a calquera persoa ou unidade de convivencia para as cales, de acordo coa valoración técnica correspondente, supoña un recurso idóneo de atención. De xeito particular, o servizo atenderá persoas maiores con déficits de autonomía e persoas con discapacidade, especialmente cando carezan de apoio persoal no seu medio inmediato.

Tamén, con carácter subsidiario do Programa de educación e apoio familiar, poderá dar unha resposta preventiva, educativa e socializadora fronte a diversas situacións de familias en risco de exclusión social.

Atención e asesoramento


Os departamentos de servizos sociais dos concellos.

Dirección Xeral de Inclusión Social

Subdirección Xeral de Servizos Sociais e Xestión Económica

Servizo de Coordinación de Servizos Sociais Comunitarios: 981.545.642

<http://www.xunta.gal/politica-social>



7.3 Servizo de educación e apoio familiar

Son o conxunto de proxectos e servizos de apoio educativo e psicosocial dirixidos ás familias co obxectivo de detectar, previr e superar as situacións de dificultade, promovendo os procesos de cambio que favorezan un axeitado exercicio das funcións familiares, así como a autonomía, a responsabilidade e a participación social das persoas, dos grupos e das comunidades.

Que obxectivo ten?

- ▶ Promover a adquisición, por parte das familias, das competencias e habilidades para o correcto desenvolvemento das súas funcións parentais e educativas, fomentando a educación en igualdade e a corresponsabilidade.
- ▶ Poñer á disposición das familias participantes a atención psicolóxica, así como, as alternativas, os recursos e os itinerarios socioeducativos en relación coas posibilidades do contorno.
- ▶ Favorecer a integración, a promoción e a participación das familias ou unidades de convivencia en todos os ámbitos da vida comunitaria.
- ▶ Previr e atender as situacións que provoquen vulnerabilidade ou risco social ás familias ou unidades de convivencia, ou a algún dos seus membros, con especial atención ás persoas menores de idade.
- ▶ Realizar o seguimento e a intervención nas familias en que se realizase unha derivación aos servizos sociais especializados de menores, de cara á súa reintegración social e familiar.

- ▶ Promover os espazos de encontro de nais e pais enfocados á formación compartida e á mellora da educación familiar.

Quen pode beneficiarse?

O programa diríxese, con carácter xeral, ás familias da comunidade de referencia dos servizos sociais comunitarios, con atención prioritaria a aquelas unidades de convivencia que se encontren en situación de maior vulnerabilidade, nas cales exista presenza de menores en risco de desatención ou nas cales se identifiquen outros factores que revelen unha situación de risco de exclusión social ou de pobreza infantil.

Tamén se dará apoio a aquelas unidades de convivencia voluntaria con funcións análogas á familiar, sempre que favorezan a autonomía e a integración social das persoas que as constitúen.

A determinación das unidades familiares destinatarias virá precedida, en todo caso, pola valoración e a prescrición de alta no programa por parte do persoal técnico dos servizos sociais comunitarios municipais. A valoración e a prescrición de alta figurarán no correspondente expediente social.

Co fin de promover a integración social e a calidade da acción educativa das familias, o programa poderá incluír, ademais, actividades de carácter aberto enfocadas en xeral a toda a comunidade ou a sectores profesionais ou corporativos vinculados directa ou indirectamente coa mellora da calidade da actuación parental e a vida familiar.

Como se articulan?

A intervención profesional nas familias só poderá ser realizada por persoal técnico ao servizo da Administración pública local titular do servizo, de maneira que forme parte do equipo interdisciplinar dos servizos sociais comunitarios.



Atención e asesoramento




Os departamentos de servizos sociais dos concellos.

Dirección Xeral de Inclusión Social

Subdirección Xeral de Servizos Sociais e Xestión Económica

Servizo de Coordinación de Servizos Sociais Comunitarios: 981.545.642

<http://www.xunta.gal/politica-social>



7.4 Programa básico de inserción social

No desenvolvemento deste programa os servizos sociais comunitarios básicos:

- ▶ Detectarán e valorarán as situacións das persoas, dos grupos ou das áreas territoriais en situación e risco de exclusión.
- ▶ Participarán no procedemento de asignación das prestacións económicas de inclusión social, orientadas a satisfacer as necesidades pecuniarias básicas e a estimular a incorporación social e laboral. De maneira particular analizarán o perfil sociolaboral de cada caso e expedirán os informes e as postostas de derivación e idoneidade do recurso que se estableza no procedemento.
- ▶ Favorecerán o desenvolvemento dos itinerarios personalizados de inclusión, coordinando a súa actuación profesional tanto co servizo público de emprego como cos servizos sociais comunitarios específicos para a inclusión social.
- ▶ Desenvolverán as actuacións en relación co seguimento e coa revisión das prestacións económicas establecidas.



Atención e asesoramento




Os departamentos de servizos sociais dos concellos.

Dirección Xeral de Inclusión Social

Subdirección Xeral de Servizos Sociais e Xestión Económica

Servizo de Coordinación de Servizos Sociais Comunitarios: 981.545.642

<http://www.xunta.gal/politica-social>



7.5 Programa de fomento da cooperación e da solidariedade social

Mediante este programa os servizos sociais comunitarios fomentarán a solidariedade entre os membros da comunidade local e a acción voluntaria na área social.

Os servizos sociais comunitarios establecerán espazos de complementariedade na execución dos seus programas para a acción de persoas voluntarias sen detrimento da calidade e da profesionalidade dos servizos no seu conxunto.

Fomentarase a creación de organizacións de autoaxuda, axuda mutua e de acción solidaria, mediante o correspondente asesoramento, formación e acompañamento do dito proceso. Estas organizacións complementarían a actuación dos servizos sociais públicos de acordo coa planificación local de servizos sociais.

No desenvolvemento deste programa priorizarase o intercambio xeracional, a interculturalidade e as medidas de acción positiva para a consecución da igualdade, e prestarase especial atención á prevención da violencia de xénero.



Atención e asesoramento



Os departamentos de servizos sociais dos concellos.


Dirección Xeral de Inclusión Social

Subdirección Xeral de Servizos Sociais e Xestión Económica

Servizo de Coordinación de Servizos Sociais Comunitarios: 981.545.642

<http://www.xunta.gal/politica-social>

B OUTROS PROGRAMAS SOCIAIS



7.6 Programa Reconduce

O programa Reconduce constitúe o marco integrado de coordinación dos servizos que van poñerse á disposición para dar apoio ás persoas e familias en risco ou situación de desafuzamento da vivenda habitual; ben para previlo, ou ben para paliar os efectos deste. Nace ante a consecuencia da crise económica, xa que miles de familias viron como algún ou todos os seus membros perderon o seu posto de traballo, véndose abocadas a non pagar a hipoteca da súa vivenda habitual pola falta de ingresos.

Que servizos se prestan?

- ▶ Asesoramento xurídico e económico-financeiro dirixido a evitar a apertura dun proceso de execución hipotecaria da vivenda habitual, que inclúe a realización de actuacións de mediación tendentes a acadar acordos de reestruturación da débeda coas entidades financeiras.
- ▶ Atención social.
- ▶ Apoio psicolóxico.
- ▶ Orientación laboral.
- ▶ Acceso aos servizos de xustiza gratuítos.
- ▶ Busca de vivenda alternativa.

Quen pode beneficiarse?

- ▶ Persoas e familias en risco de desafuzamento, sen proceso xudicial aberto. Este grupo é o principal destinatario dos recursos específicos que crea o programa, os cales prevén intervencións de carácter preventivo para evitar o desafuzamento por execución hipotecaria da súa vivenda en propiedade.

En este caso, teranse en conta os seguintes requisitos:

- Que a vivenda en propiedade hipotecada é a única que posúen.
- Que a vivenda se atope en Galicia.
- Que a persoa titular está empadroada nalgún municipio de Galicia (en caso de existir varias persoas titulares, polo menos unha delas).

- ▶ Persoas e familias cuxo proceso xudicial está xa en curso. Como neste caso as posibilidades de chegar a un acordo extra procesual ou de mediación esgotáronse, as accións de intervención teñen un carácter máis paliativo (atención psico-social, orientación laboral e busca de vivenda alternativa).


Atención e asesoramento

Servizos sociais dos concellos.

Xunta de Galicia: Oficina de asesoramento - Programa Reconduce

Tel.: 881.996.116 / 881.996.117 / 881.996.118 / 881.996.119 / 881.996.120

Email: oficinacentral.programareconduce@xunta.es



7.7 Programa de acollemento familiar

É un recurso mediante o cal unha familia, unha persoa ou unha parella atende no seu fogar unha nena, neno ou adolescente que temporalmente non pode residir coa súa proxenitora, co seu proxenitor ou con ambos.

O acollemento familiar produce a plena participación da ou do menor na vida da familia e impón a quen a ou o recibe as obrigas de velar por ela ou el, tela ou telo na súa compañía, procurarlle alimento, educación e unha formación integral nun entorno afectivo.

O acollemento non é unha forma de adopción, xa que sempre é transitorio e non rompe os vínculos da nena ou neno coa súa familia de orixe; ao contrario, a familia acolledora debe colaborar para que se manteñan e se fortalezan as relacións da nena ou neno co seu núcleo familiar, favorecendo así o regreso ao seu fogar.

Quen pode beneficiarse?

Poden formar parte do programa as nenas, nenos ou adolescentes que estean baixo a tutela ou a garda administrativa da Xunta de Galicia porque non poden seguir residindo no seu fogar.

En canto ás persoas acolledoras, pode ser calquera persoa, matrimonio ou parella de feito, con ou sen fillas e/ou fillos, de calquera condición social, ideoloxía ou crenzas. Só se require que exista vontade de acoller aceptada por todo o núcleo familiar, capacidade para cubrir as necesidades básicas da nena ou neno, estabilidade emocional e capacidade para aceptar as características da nena ou do neno así como as da súa familia de orixe.

Que modalidades de acollemento familiar hai?

O acollemento pode adoptar diferentes modalidades en función de varios criterios:

- ▶ Acollemento en familia extensa/en familia allea: se a familia acolledora ten ou non parentesco coa persoa acollida;
- ▶ Acollemento de urxencia, temporal / permanente: se a súa finalidade é transitoria, cunha duración non superior a 6 meses, en especial para menores de 6 anos, ou máxima de 2 anos, agás que o interese superior do menor aconselle a prórroga da medida, en tanto non se adopta outra medida de protección, ou se considera que vai ser permanente;
- ▶ Acollemento administrativo / xudicial: se a decisión é adoptada pola Administración, con consentimento da proxenitora, do proxenitor ou ambos, ou por un xuíz ou xuíza, por faltar estes consentimentos;
- ▶ Acollemento con convivencia plena / de fin de semana ou vacacións: Implícase a convivencia permanente da persoa acollida coa persoa ou familia acolledora, ou ben realízase unicamente en períodos como fins de semana ou vacacións.

Como se articulan?

As familias, persoas e/ou parellas que estean interesadas en acoller a unha persoa menor deberán presentar unha solicitude nas xefaturas territoriais da Consellería de Política Social. Unha vez presentada a solicitude realízase unha valoración social e psicolóxica da persoa ou persoas solicitantes, para comprobar a súa idoneidade e adecuación.

No caso de acollemento en familias alleas, as familias valoradas idóneas pasan a formar parte dun banco á espera de atopar unha persoa menor susceptible de ser acollida.

O acollemento familiar formalízase a través dun contrato coa Consellería de Política Social no que se reflicten as obrigas e dereitos que teñen como persoas acolledoras.

Hai axudas económicas para o acollemento familiar?

No caso dos acollementos remunerados, nos que a Administración asigna unha retribución mensual.

Son acollementos remunerados todos os acollementos en familia allea e aqueles en familia extensa nos que se valore como necesario pola situación socioeconómica da familia.



Información e asesoramento

ACOLLEMENTO FAMILIAR EN FAMILIA EXTENSA E ALLEA

Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia

Servizo de Protección de Menores: 981.544.630

<http://politicassocial.xunta.gal/web/portal/portada-de-infancia>

Xefaturas territoriais:

A Coruña: 981.185.704

Lugo: 982.294.442

Ourense: 988.386.121

Pontevedra: 986.817.044

ACOLLEMENTO FAMILIAR EN FAMILIA ALLEA

Cruz Vermella: 900.812.880

Sedes provinciais:

A Coruña: 981.221.000

Santiago de Compostela: 981.586.969

Lugo: 982.231.613

Ourense: 988.222.484

Pontevedra: 986.852.115

<http://www.cruzvermella.org/area/familias-acolledoras>



7.8 Programa de adopcións

A adopción é un recurso legal dirixido a proporcionarlle un fogar permanente á nena ou ao neno que se atopa en situación de abandono ou desamparo. Mediante a adopción rómpense os vínculos xurídicos da nena ou neno coas persoas proxenitoras biolóxicas e créanse uns novos vínculos de filiación coa persoa ou persoas que se ofrecen para a adopción.

A Lei 26/2015, de 28 de xullo, de modificación do sistema de protección á infancia e á adolescencia, inclúe a chamada adopción aberta, que consiste na posibilidade de que a nena ou neno poida manter algunha relación ou contacto a través de visitas ou comunicacións con algunha persoa da familia biolóxica.

Segundo se sinala na Convención sobre os Dereitos do Neno, adoptada pola Asemblea Xeral das Nacións Unidas e ratificada por España, todos as nenas e os nenos teñen dereito a crecer nunha familia. Ás veces, non é posible que esta familia sexa a de orixe da nena ou neno e é necesario buscarlle unha familia alternativa a través da adopción. Partindo do principio de interese superior da persoa menor, a nena ou o neno é o punto de partida do proceso que culmina coa súa adopción.

Como é o proceso?

En liñas xerais, o proceso de adopción comporta as seguintes fases para a familia que se ofrece para a adopción:

- ▶ Sesión informativa. As persoas interesadas en ofrecerse para a adopción deben asistir a unha reunión informativa na xefatura territorial que corresponda o seu domicilio. Ofrécese información acerca do procedemento, trámites necesarios, requisitos, tempos de espera, información por países, organismos acreditados para a adopción internacional, e resólvense as dúbidas que poidan formularse.
- ▶ Curso de formación, no que as e os profesionais (psicólogas e psicólogos e traballadoras e traballadores sociais) abordan cuestións relacionadas coa adopción como poden ser: as características das e dos menores que poden ser adoptados, as motivacións para a adopción, o momento da chegada do neno ou da nena á familia, o período de adaptación, a revelación da condición de persoa adoptada, a identidade étnica e cultural, etc.
- ▶ Presentación da solicitude e documentación complementaria.
- ▶ Valoración da idoneidade. Trátase dunha valoración psicosocial sobre a situación persoal, familiar, relacional e social das persoas que se ofrecen para a adopción, así como a súa capacidade para establecer vínculos estables e seguros, as súas habilidades educativas e a súa aptitude para atender a unha ou un menor en función das súas singulares características.
- ▶ Remisión do expediente ao país elixido, en caso de adopción internacional.
- ▶ Selección da familia máis axeitada para a nena ou o neno que vaia ser adoptada ou adoptado.
- ▶ Formalización da adopción mediante resolución xudicial.

- ▶ No caso de adopción internacional, a formalización vén precedida pola viaxe ao país para a recollida da nena ou do neno.
- ▶ No caso de adopción nacional, pode darse antes un período de delegación de garda para a convivencia preadoptiva durante o que se traballa o acoplamento da nena ou do neno na súa nova familia.
- ▶ Seguimento post adoptivo.

Información e asesoramento

Consellería de Política Social

Dirección Xeral de Familia, Infancia e Dinamización Demográfica

Subdirección Xeral de Política Familiar, Infancia e Adolescencia: 981.544.630

<http://www.xunta.es/politica-social>

<http://adopcions.xunta.es>


Xefaturas territoriais:

A Coruña: 981.185.704

Lugo: 982.294.442

Ourense: 988.386.121

Pontevedra: 986.817.049



7.9 Programa de mediación familiar

Enténdese por mediación familiar o procedemento de carácter voluntario dirixido a facilitar a comunicación entre os membros da familia, co fin de que xestionen por si mesmas unha solución aos conflitos que lles afecten coa intervención dunha persoa mediadora, quen actuará de forma neutral, imparcial e confidencial.

Cales son os seus obxectivos?

- ▶ Procurar, de xeito común, solucións satisfactorias e duradeiras no tempo.
- ▶ Minimizar o custo emocional que todo conflito produce en todos os membros da familia.
- ▶ Restablecer e/ou mellorar as relacións, presentes e futuras, entre as partes en conflito.
- ▶ Evitar a instrumentalización dos demais membros da familia, e, en especial, das persoas menores.

- ▶ Asegurar a protección do interese superior da persoa menor e do seu benestar.
- ▶ Favorecer a responsabilidade parenteral compartida.

Como se accede?

As persoas interesadas deben presentar unha solicitude de designación da mediación familiar (Anexo II do Decreto 159/2003, do 31 de xaneiro) e a documentación requirida para os efectos. Poderán presentala de xeito conxunto ou unha das partes, proporcionando os datos da outra parte para solicitar o seu consentimento.

Poderán elixir a persoa mediadora entre o conxunto de profesionais inscritos no Rexistro de Mediadoras e Mediadores Familiares de Galicia. Se non hai acordo, será designada de oficio pola Dirección Xeral de Familia, Infancia e Dinamización Demográfica.



Atención e asesoramento



Dirección Xeral de Familia, Infancia e Dinamización Demográfica.

Subdirección Xeral de Política de Política Familia, Infancia e Adolescencia

Servizo de Apoio á Familia, á Infancia e Adolescencia: 981.957.165

<http://www.familiasgalegas.org>

<http://www.xunta.gal/politica-social>



7.10 Programas de recursos integrais de atención especializada dirixidos a mulleres en situación de especial vulnerabilidade

Son programas destinados específica e exclusivamente ás mulleres en situación de vulnerabilidade, coa finalidade de fomentar a igualdade de oportunidades para contribuír á redución da dobre discriminación na que se atopan estas mulleres en situación de especial vulnerabilidade, para dotalas dunha maior autonomía e independencia de cara a mellorar a súa situación persoal, social e laboral.

Estes programas poden ser de dous tipos:

- A Programa de recursos integrais específicos para mulleres xestantes ou lactantes con fillas ou fillos menores de tres anos, en situación de especial vulnerabilidade.**
- B Programas de recursos integrais de atención personalizada e especializada para mulleres en situación de especial vulnerabilidade.**

A Programa de recursos integrais específicos para mulleres xestantes ou lactantes con fillas ou fillos menores de tres anos, en situación de especial vulnerabilidade.

Este programa debe contemplar unha atención integral e especializada a mulleres xestantes e lactantes en situación de especial vulnerabilidade a través de accións dirixidas a promover o seu desenvolvemento persoal, familiar e laboral e a súa autonomía económica e afectiva, co fin de evitar que unha situación desexable poida converterse nun factor de exclusión.

Estes programas deben conter actuacións como:

- ▶ de información sobre os recursos integrais específicos para elas e as súas fillas e fillos,
- ▶ de acompañamento social e de apoio psicolóxico para a superación de cargas emocionais provocadas pola dita situación,
- ▶ de adquisición de competencias e habilidades persoais e sociais, e para a mellora da empregabilidade,
- ▶ servizos ou medidas de apoio na busca ou para o mantemento de emprego.

B Programa de recursos integrais de atención personalizada e especializada a mulleres en situación de especial vulnerabilidade.

Este programa debe contemplar actuacións que teñan en conta o diferencial feminino e o fomento da igualdade de oportunidades como elemento básico da atención especializada que deben recibir as mulleres en situación de vulnerabilidade pertencentes ao colectivo ou colectivos aos que se dirixe, co obxecto de mellorar as súas expectativas persoais, sociais e laborais de cara a súa integración en termos de igualdade.

Estes programas deben contemplar unha atención personalizada recollida en proxectos de integración individuais, que respondan no seu contido e metodoloxía a un enfoque de atención integral e de xénero, de forma que dea resposta ás singularidades e dificultades que atopan as mulleres pertencentes ao colectivo que atende.

As actuacións desenvolvidas no correspondente programa deberán encadrarse nalgún dos seguintes tipos:

- ▶ Servizos de orientación e información sobre recursos singularizados, de atención, orientación e asesoramento persoal e social, así como de apoio directo nas relacións con outras entidades, organismos e servizos que faciliten ás persoas usuarias o seu proceso de integración social.
- ▶ Servizo de atención psicolóxica.
- ▶ Servizo de asesoramento xurídico.
- ▶ Servizo de mediación intercultural e/ou familiar.
- ▶ Actividades para a adquisición de habilidades persoais e sociais básicas ou de competencias para a mellora da empregabilidade.
- ▶ Servizos ou medidas de apoio e orientación laboral para a mellora da empregabilidade e de acompañamento na busca de emprego, incluído o emprego por conta propia e o emprendemento, así como a prospección do mercado de traballo, a intermediación e a titorización laboral e profesional.

As mulleres en situación de especial vulnerabilidade serán aquelas nas que conorra algunha das seguintes circunstancias:

- Vítimas de violencia de xénero ou de violencia doméstica.
- Vítimas de violencia de xénero ou de violencia doméstica.
- Vítimas de explotación sexual-laboral en redes de prostitución ou de trata de persoas.
- Inmigrantes, emigrantes retornadas ou refuxiadas.
- Pertencentes a unha minoría étnica.
- Dependentes do consumo de substancias tóxicas ou en procesos de rehabilitación.
- Perceptoras de rendas de integración, subsidios ou prestacións similares.
- Reclusas ou ex-reclusas.

- Procedentes de institucións de protección ou reeducación de menores.
- Transexuais ou con conflitos de identidade de sexo.
- Persoas con diversidade funcional ou enfermidade mental.
- Con responsabilidades familiares non compartidas.
- Procedentes de núcleos familiares con ingresos inferiores a 2,5 veces o IPREM.
- Embarazadas ou lactantes sen apoio familiar ou sen recursos.
- Sen fogar ou que habitan nunha infravivenda, ou afectadas por un proceso de desafiuzamento.
- Maiores ou viúvas.
- Sen titulación ou con baixa cualificación.
- Desempregadas menores de 30 anos ou maiores de 45 anos.
- Inactivas ou desempregadas de longa duración.
- Con residencia en concellos rurais de zonas pouco poboadas de baixa densidade.
- Calquera outra situación non prevista expresamente que implique factores de risco ou vulnerabilidade no ámbito familiar, social ou laboral, sempre que sexa ponderada e aceptada polos servizos sociais do concello no que se desenvolva o programa.

Como se articulan?

A través dunha orde de convocatoria de subvencións para as entidades de iniciativa social sen ánimo de lucro, inscritas no Rexistro Único de Entidades Prestadoras de Servizos Sociais, que desenvolvan calquera dos dous programas.



Atención e asesoramento:


Secretaría Xeral da Igualdade: 981. 547.397

<http://mulleresengalicia.es>



de recursos para as familias 2017

8 Programa de atención a mulleres víctimas da violencia de xénero



8 Programa de atención a mulleres vítimas da violencia de xénero

A Lei galega 11/2007, do 27 de xullo, para a prevención e o tratamento integral da violencia de xénero, ten por obxecto a adopción de medidas integrais para a sensibilización, a prevención e o tratamento da violencia de xénero, así como a protección e o apoio ás mulleres que a sofren. Entendendo por **violencia de xénero** *“calquera acto violento ou agresión, baseados nunha situación de desigualdade no marco dun sistema de relacións de dominación dos homes sobre as mulleres que teña ou poida ter como consecuencia un dano físico, sexual ou psicolóxico, incluídas as ameazas de tales actos e a coacción ou privación arbitraria da liberdade, tanto se ocorren no ámbito público coma na vida familiar ou privada”*.

Que dereitos teñen as mulleres que sofren violencia de xénero?

Dereito á información

- ▶ Información e asesoramento individualizado que inclúa información sobre medidas de protección e seguridade.

Dereito á asistencia social

- ▶ Información.
- ▶ Atención psicolóxica.
- ▶ Apoio social.
- ▶ Apoio educativo á unidade familiar.
- ▶ Formación preventiva en igualdade.
- ▶ Apoio á formación e inserción laboral.
- ▶ Apoio económico.
- ▶ Apoio á adquisición ou aluguer de vivenda.

Dereitos laborais e de seguridade social

- ▶ Redución da xornada laboral.
- ▶ Reordenamento do tempo de traballo.
- ▶ Mobilidade xeográfica.
- ▶ Cambio de centro de traballo.
- ▶ Suspensión da relación laboral con reserva de posto.
- ▶ Extinción definitiva da relación laboral coa consideración de situación de desemprego involuntario.

Dereito á asistencia xurídica gratuíta

- ▶ Sempre que non teña ingresos superiores ao dobre do indicador público de renda para efectos múltiples (IPREM).

Dereitos económicos

- ▶ Axudas sociais:
 - Axudas periódicas.
 - Axudas económicas e/ou indemnizacións de pagamento único.
 - Renda de integración social de Galicia (RISGA).
 - Renda activa de inserción (RAI).

Cales son os recursos dispoñibles para as mulleres que sofren violencia de xénero?

Programas e medidas específicas

- ▶ Rede de centros de información ás mulleres.
- ▶ Rede Transfronteiriza de Centros para Mulleres
- ▶ Teléfono da muller.
- ▶ Asesoramento xurídico en liña.
- ▶ Aplicación EscApp
- ▶ Punto de coordinación de ordes de protección.
- ▶ Traslados de casos de violencia de xénero aos centros de acollida
- ▶ Programa de atención psicolóxica.
- ▶ Programa “Abramos o círculo”.
- ▶ Programas de inserción laboral

Recursos residenciais

- ▶ Rede de casas de acollida para mulleres maltratadas.
- ▶ Centro de emerxencia.
- ▶ Centro de recuperación Integral.
- ▶ Vivendas de seguridade para vítimas de explotación sexual e trata.

Prestacións económicas

- ▶ Axudas periódicas de apoio a mulleres que sofren violencia de xénero.
- ▶ Axudas económicas de pagamento único para mulleres vítimas de violencia de xénero.
- ▶ Indemnizacións, de pagamento único, a favor das mulleres que sofren violencia de xénero e das persoas dependentes económica ou asistencialmente dunha muller que sufra violencia de xénero.
- ▶ Renda de integración social de Galicia (RISGA).
- ▶ Renda activa de inserción (RAI).

Rede de centros de información ás mulleres

Os centros de información ás mulleres (CIM) son o primeiro elemento de detección e atención ás mulleres e, en especial, as vítimas da violencia de xénero.

No territorio galego, a rede está constituída por 81 centros, que están destinados a proporcionar asesoramento xurídico, atención psicolóxica, orientación profesional, información en materia de recursos e calquera outra información encamiñada á consecución da igualdade das mulleres.

<http://igualdade.xunta.gal/gl>

<http://igualdade.xunta.es/gl/recursos/centros-de-informacion-mulleres>

Rede transfronteriza de centros para mulleres

A Rede Transfronteriza de Centros para Mulleres, ou CEDIM, é un proxecto europeo que pretende promover redes de cooperación transfronteriza de ámbito municipal entre Galicia e o norte de Portugal, mediante a creación de centros de información ás mulleres que presten servizos de información, formación e orientación.

O acceso da poboación feminina aos servizos e equipamentos de CEDIM artéllase arredor dos catro centros de información á muller que, no marco deste proxecto, se poñen en marcha nos municipios galegos de Tui, A Cañiza e Monterrei (Galicia) e no portugués de Vila Verde. A constitución desta rede, así como a creación da figura da 'dinamizadora de centros compartidos' ou o desenvolvemento dunha plataforma web de promoción da incorporación das mulleres ao mercado laboral, son algúns dos mecanismos que se habilitan para promover a utilización conxunta dos equipamentos e servizos existentes na raia galaico-portuguesa e potenciar así a participación das mulleres de ambos lados da fronteira.

<http://igualdade.xunta.gal/gl/recursos/rede-transfronteiriza-de-centros-para-mulleres>

Teléfono da muller

O Teléfono da muller é un servizo gratuíto de atención continuada, as 24 horas do día, todos os días do ano. Prestan atención en 51 idiomas e con acceso a persoas xordas. Responde nel un equipo multidisciplinar coordinado cos diferentes profesionais de toda Galicia.

Tel.: 900.400.273

Tel.: 900.152.152 (para mulleres xordas)

<http://igualdade.xunta.gal/gl>

Asesoramento xurídico en liña

Servizo en liña para proporcionar, de maneira gratuíta, información e asesoramento xurídico sobre diversas cuestións, entre elas, a violencia de xénero, as agresións e abusos sexuais, o acoso sexual, a conciliación familiar, as discriminacións por razón de sexo, a prostitución e trata, etc.

<http://igualdade.xunta.gal/gl>

<http://igualdade.xunta.es/gl/content/asesoramento-xuridico-line>

Aplicación EscApp

EscApp é unha aplicación da Secretaria Xeral de Igualdade da Xunta de Galicia en colaboración co CPEIG que ten por obxectivo achegar información de utilidade ás mulleres que se atopan nunha situación de violencia de xénero e a todas as persoas que poidan axudar a rematar con este tipo de situacións.

A App discorre a través de 6 ítems moi sinxelos e prácticos:

- ▶ Primeiros sinais do maltrato: Pautas para identificar si estás vivindo potenciais situacións de maltrato.
- ▶ Que facer: consellos e indicacións de como proceder tanto se a muller é vítima de violencia directamente ou pautas de como actuar para calquera persoa que teña coñecemento dunha situación deste tipo.
- ▶ Tips para a túa seguridade: ofrece pautas de actuación a quen viva situacións de violencia, tanto se aínda non abandonou a dita situación (ofrece consellos claros e directos de como proceder para rachar con ela), como si xa se denunciou a situación (ofrece consellos para a seguridade física da vítima).
- ▶ Preguntas frecuentes: contén a resposta ás preguntas que as mulleres que padecen violencia de xénero realizan de xeito recorrente, sobre todo en relación coa denuncia e a súa interposición, sobre a orde de protección e o que implica e sobre os recursos dos que pode dispoñer.
- ▶ Preto de min: activa a través do xeoposicionamento da vítima ou persoa que use a APP todo o directorio de recursos existente en Galicia: CIMs, comisarías, hospitais, xulgados específicos etc.
- ▶ Directorio: figuran os datos completos da totalidade dos recursos existentes en Galicia (enderezos e teléfonos).
- ▶ Chama e infórmate: Só con pulsar esta opción establécese a chamada directa co 016 ou co teléfono 900400273 de información ás mulleres.
- ▶ Galería audiovisual: enlaza coa canle que a Secretaría Xeral da Igualdade ten activo en youtube e no que se soben os diferentes produtos audiovisuais que se elaboran en diferentes proxectos. Actualízase automaticamente, de xeito que actualizada a canle actualizada a App.

Secretaría Xeral da Igualdade

<http://igualdade.xunta.gal/gl>

Punto de coordinación das ordes de protección

Este servizo leva a cabo o seguimento das ordes de protección das mulleres vítimas de violencia e realiza as xestións oportunas ante as diferentes administracións para facilitarlles o acceso aos recursos existentes e ofrecerlles un marco integral de protección.

Por tanto, unha vez recibida a orde de protección, a orde de afastamento ou outra medida, iníciase o contacto coa vítima para que, unha vez coñecida a súa situación persoal e as súas propias necesidades, se lle informe dos recursos asistenciais e de protección social existentes que pode solicitar.

Secretaría Xeral da Igualdade: 881.999.164

<http://igualdade.xunta.gal/gl>

Traslados de casos de violencia de xénero aos centros de acollida

A través da colaboración establecida coa Vicepresidencia e Consellería de Presidencia, Administracións públicas e Xustiza (Secretaría Xeral da Igualdade) e a Federación de Autónomos do Taxi de Galicia (FEGATAXI), a Secretaría Xeral da Igualdade apoia o traslado das mulleres vítimas da violencia de xénero e dos seus fillos e fillas a calquera dos centros que conforman a Rede galega de acollemento, cando as especiais circunstancias da vítima, valoradas convenientemente polos servizos sociais (municipais ou autonómicos), imposibiliten o seu traslado por outros medios.

<http://igualdade.xunta.gal/gl/recursos/traslados-de-casos-de-violencia-de-xenero-aos-centros-de-acollida>

Programa de atención psicolóxica

Programa que ten por obxecto a atención psicolóxica especializada en situacións de violencia de xénero. Cuxos obxectivos son:

- ▶ Ofertar recursos terapéuticos que abran vías de recuperación ás mulleres vítimas de violencia de xénero, menores e outras persoas dependentes delas.
- ▶ Facilitar o acceso rápido e gratuíto a unha atención psicolóxica especializada e coordinada co resto de dispositivos e axentes sociais que están a intervir.
- ▶ Facilitar o proceso de recuperación da persoa así como a integración da experiencia vivida e desde ese lugar poder tomar decisións de xeito máis libre.

O acceso é gratuíto e anónimo as 24 horas.

Colexio Oficial de Psicología de Galicia

Teléfono de contacto: 629.777.595

Enderezo electrónico: papmvx@cop.es

<http://www.copgalicia.es>

Secretaría Xeral da Igualdade: 981.957.699

<http://igualdade.xunta.gal/gl>

Programa “Abramos o círculo”

Programa de atención psicolóxica especializada e de apoio, financiado pola Vicepresidencia e Consellería de Presidencia, Administracións Públicas e Xustiza da Xunta de Galicia, dirixido a homes que adoptan actitudes inadecuadas e violentas nas relacións coa súa parella, coa súa familia ou co seu círculo social e desexan adquirir novos modos de comportamentos exentos de agresividade.

O seu obxectivo é ofrecer atención e terapia psicolóxica a homes que queiran aprender a resolver conflitos sen violencia e a comunicarse mellor coa súa familia e coa súa parella.

Colexio Oficial de Psicoloxía de Galicia.

Teléfono de contacto: 630.170.140 de 10-13 horas e de 16-19 horas

<http://www.copgalicia.es>

Secretaría Xeral da Igualdade: 981.545.351

<http://igualdade.xunta.gal/gl>

Programas de inserción laboral

Os programas de inserción laboral, serán desenvolvidos por entidades sen ánimo de lucro, están dirixidos a mulleres en situación de violencia de xénero da Comunidade Autónoma de Galicia, coa finalidade de apoialas na súa integración ou reintegración no mercado laboral, como elemento clave para unha recuperación integral, tendo en conta que a falta de recursos propios, fundamentalmente dun posto de traballo, dificulta, en moitas ocasións, a ruptura da situación de violencia.

Secretaría Xeral da Igualdade: 981.957.699

<http://igualdade.xunta.gal/gl>

Rede de acollida para vítimas da violencia de xénero

Ante a situación de indefensión en que se atopan moitas mulleres en situación de violencia de xénero, nalgúns casos con grave perigo para elas e os seus fillos e as súas fillas, a Xunta de Galicia ten articulada unha rede de acollida, en colaboración cos concellos e con outras institucións.

A rede de acollida para vítimas da violencia de xénero da nosa comunidade, está formada por:

- ▶ Casas de acollida: para que, aquelas mulleres galegas que o precisen, teñan un lugar de referencia onde acudir e dispoñan dun tempo e un espazo no que poidan reorientar a súa situación persoal, onde se lles facilite as ferramentas elementais, tanto económicas como psicosociais.
- ▶ Pisos tutelados: para aquelas mulleres que, despois de residir temporalmente nunha casa de acollida, necesiten, aínda sen correr riscos graves, un tempo máis prolongado para a súa inserción laboral e a súa independencia económica. Permíttelles contar con aloxamento compartido con outras mulleres en situacións similares durante o tempo necesario para recuperar a súa vivenda e/ou canalizar o seu proxecto de vida evitando precipitacións que impiden tomar as decisións máis axeitadas en cada caso.
- ▶ Centro de emerxencia: proporciona aloxamento inmediato e de curta estancia ás mulleres e ás persoas delas dependentes, que se atopen inmersas nunha situación de malos tratos e garántelles

un acollemento de emerxencia mentres se valora a súa situación e/ou se efectúa unha derivación a outro dispositivo máis axeitado. A estancia máxima de permanencia do centro será de tres meses, e cumprido este prazo só se admitirá prórroga en casos excepcionais.

- ▶ Centro de recuperación integral: centro que desenvolve un modelo de atención integral baseado nun sistema coordinado de servizos, recursos e medidas de carácter social, laboral e económico, e que actúa como centro coordinador da rede galega de acollida.
- ▶ Vivendas de seguridade para vítimas de explotación sexual e trata: aqueles dispositivos onde se lles presta atención integral (acollida, axuda e asistencia directa) ás mulleres vítimas de explotación sexual e trata. Están destinadas a facilitar ás mulleres que deciden abandonar a situación de explotación un espazo de reflexión previo á denuncia que resulte suficiente para que a vítima poida restablecerse e escapar da influencia dos traficantes e/ou poida decidir, con coñecemento de causa, a súa cooperación coas autoridades competentes.

Secretaría Xeral da Igualdade

<http://igualdade.xunta.gal/gl>

Protocolo de derivación entre comunidades autónomas para a coordinación das súas redes de centros de acollida para as mulleres vítimas da violencia de xénero e os seus fillos e fillas

As necesidades de protección e seguranza da muller comportan en ocasións a conveniencia de afastarse do seu agresor e comezar un proceso de recuperación e empoderamento de tipo multidisciplinar fóra do ámbito da comunidade autónoma de residencia, ante esta situación a Conferencia Sectorial de Igualdade, por acordo do 21 de xullo de 2014, aprobou o Protocolo de derivación entre comunidades autónomas para a coordinación das súas redes de centros de acollida para as mulleres vítimas da violencia de xénero e os seus fillos e fillas.

No protocolo, considéranse motivos que xustifican o traslado:

- ▶ A seguridade da muller e/ou dos e das menores ao seu cargo.
- ▶ A recuperación social a medio e longo prazo, cando conorra algunha das seguintes circunstancias que a condicionen gravemente: reagrupación familiar debidamente xustificada, necesidade derivada da súa formación ou educación ou da dos seus fillos e fillas que non se poida realizar na súa comunidade autónoma ou atender unha oferta de traballo debidamente acreditada.

Axudas periódicas de apoio ás mulleres que sofren violencia de xénero

A finalidade destas axudas é proporcionar apoio económico ás mulleres empadroadas e residentes na Comunidade Autónoma de Galicia (no caso das mulleres estranxeiras, que teñan permiso de residencia), vítimas de violencia de xénero nunha relación de convivencia e de dependencia económica, que houberen cesado a convivencia co agresor no intervalo temporal que comprende os doce meses inmediatamente anteriores á solicitude, e carezan de dispoñibilidade de recursos económicos ou ser

de contía insuficiente para afrontar unha independencia inmediata do seu agresor e/ou dispoñan dunhas rendas ou ingresos brutos mensuais iguais ou inferiores a 1,5 veces o IPREM vixente, excluída a parte proporcional das pagas extraordinarias, para tentar garantirles unhas condicións suficientes de independencia económica respecto do agresor, condicións que lles possibiliten dar o primeiro paso ou consolidar a ruptura dunha situación na que corren perigo.

Tel.: 900.400.273

<http://igualdade.xunta.gal/gl>

Axudas económicas de pagamento único

Axuda económica de pagamento único para mulleres vítimas de violencia de xénero que estean empadroadas e residindo na Comunidade Autónoma de Galicia, que acrediten insuficiencia de recursos (carencia de rendas que, en cómputo mensual, superen o 75 % do salario mínimo interprofesional vixente, excluída a parte proporcional de dúas pagas extraordinarias) e especiais dificultades para obter un emprego e, ademais, non convivan co agresor.

Esta axuda esta regulada no artigo 27 da Lei orgánica 1/2004, do 28 de decembro, de medidas de protección integral contra a violencia de xénero.

Tel.: 981.957.699

<http://igualdade.xunta.gal/gl>

Indemnizacións de pagamento único ou Fondo galego de garantía de indemnizacións

Indemnizacións dirixidas ás mulleres, maiores de idade ou emancipadas, vítimas de violencia de xénero e todas as persoas que dependan económica e/ou asistencialmente dunha muller que sofra violencia de xénero, empadroadas e residentes na Comunidade Autónoma de Galicia, que teñan dereito á percepción dunha indemnización polos danos e perdas ocasionados como consecuencia da situación de violencia, fixadas mediante resolución xudicial firme ditada por un xulgado ou tribunal con sede en Galicia, exista constatación xudicial do incumprimento do deber de satisfacer a indemnización por insolvencia do obrigado ao pagamento e se atopen nunha situación de precariedade económica como consecuencia da falta de pagamento da indemnización xudicialmente recoñecida.

Esta indemnización está regulada no artigo 43 da Lei 11/2007, do 27 de xullo, galega para a prevención e o tratamento integral da violencia de xénero.

Tel.: 981.957.699

<http://igualdade.xunta.gal/gl>

Renda de integración social de Galicia (RISGA)

É unha prestación pública destinada a garantir os recursos económicos de subsistencia a quen careza deles, así como a acadar progresivamente a súa autonomía e integración social e laboral, mediante o dereito e o deber a participar en procesos personalizados de inserción con apoio técnico e financeiro do Sistema galego de servizos sociais e do Sistema público de emprego de Galicia.

Está destinada ás persoas que se encontren nunha situación tecnicamente valorada de exclusión social ou de risco de exclusión social; entre outros colectivos, ás mulleres que sexan vítimas dunha situación de violencia de xénero. Neste último caso hai establecidos uns requisitos específicos de acceso e unha tramitación abreviada.

<http://politicassocial.xunta.gal/web/portal/renda-de-integracion-social-de-galicia-risga>

Renda activa de inserción (RAI)

É un programa de apoio á inserción laboral de colectivos con especiais dificultades para incorporarse ao mercado de traballo e en situación de necesidade económica. Leva o pagamento dunha renda mensual e axudas suplementarias en determinados supostos.

Está destinada, entre outros colectivos, ás mulleres vítimas de violencia de xénero, menores de 65 anos, inscritas como demandantes de emprego e que carezan de rendas, de calquera natureza, superiores a 483,98 € mensuais.

Acceso a través dos servizos públicos de emprego.


Tel.: 901.119.999

<http://www.sepe.es>



de recursos para as familias 2017

9 Recursos para familias con persoas en situación de dependencia



9 Recursos para familias con persoas en situación de dependencia

Que é a dependencia?

É o estado de carácter permanente no que se encontran as persoas que, por razóns derivadas da idade, da enfermidade ou da discapacidade e ligadas á falta ou á perda de autonomía física, mental, intelectual ou sensorial, precisan a atención doutra ou doutras persoas ou axudas importantes para realizar as actividades básicas da vida diaria ou, no caso das persoas con discapacidade intelectual ou enfermidade mental, doutros apoios para a súa autonomía persoal.

Deben darse tres circunstancias para que unha persoa se encontre en situación de dependencia:

- ▶ A existencia dunha limitación (física, intelectual ou sensorial) que mingua determinadas capacidades da persoa.
- ▶ A incapacidade da persoa para realizar por si mesma as actividades da vida diaria.
- ▶ A necesidade de asistencia por parte dunha terceira persoa.

Cales son os graos de dependencia?

Na valoración das persoas, establécense graos de dependencia en función da autonomía das persoas e a intensidade e tipo de axuda que necesita doutra persoa:

- ▶ **Grao I. Dependencia moderada:** cando a persoa necesita axuda para realizar varias actividades básicas da vida diaria, polo menos unha vez ao día, ou ten necesidades de apoio intermitente ou limitado para a súa autonomía funcional.
- ▶ **Grao II. Dependencia severa:** cando a persoa necesita axuda para realizar varias actividades básicas da vida diaria, dúas ou tres veces ao día, pero non require a presenza constante dunha persoa cuidadora ou ten necesidades de apoio extenso para a autonomía funcional.
- ▶ **Grao III. Gran dependencia:** cando a persoa necesita axuda para realizar varias actividades básicas da vida diaria varias veces ao día e, pola súa perda total de autonomía mental, intelectual, sensorial ou física, necesita a presenza indispensable e continua doutra persoa ou ten necesidades de apoio xeneralizado para a súa autonomía funcional.

Cales son os servizos do Sistema para a autonomía e atención á dependencia (SAAD)?

A Carteira de servizos comúns

Forman parte desta carteira os servizos de promoción da autonomía persoal e atención á dependencia, dirixidos a persoas cuxo diagnóstico non requira a asignación de servizos que, sendo da mesma natureza, estean incluídos en calquera das carteiras específicas.

Servizos integrantes da carteira de servizos comúns	Idades das persoas beneficiarias
De prevención das situación de dependencia e promoción da autonomía persoal.	Sen límites de idade
De axuda no fogar, para atención a persoas dependentes, que inclúe unha especialidade no servizo dirixida a persoas con discapacidade auditiva.	Sen límites de idade
De teleasistencia e xeolocalización.	Igual ou maior a 16 anos
De atención diúrna, con modalidade básica e terapéutica.	Igual ou maior a 16 anos
De atención residencial, con modalidade básica e terapéutica.	Igual ou maior a 16 anos
De atención nocturna	Igual ou maior a 16 anos
De atención temperá	Entre 0 e 6 anos

B Carteira de servizos específicos

Forman parte desta carteira todos aqueles servizos dirixidos a persoas dependentes que, tendo idade igual ou superior a 16 anos, teñan diagnosticada algunha das seguintes limitacións: alzhéimer, discapacidade física, parálise cerebral, dano cerebral, discapacidade intelectual, trastorno de espectro autista ou enfermidade mental.

Persoas dependentes con limitacións	Servizos específicos
Con alzhéimer	<ul style="list-style-type: none">De prevención das situación de dependencia e promoción da autonomía persoal.De axuda no fogar.De atención diúrna, coas modalidades: básica e terapéutica.De atención nocturna.De atención residencial, coas modalidades: básica e terapéutica.

<p>Con discapacidade física</p>	<ul style="list-style-type: none"> ▶ De atención diúrna, coas modalidades: básica, terapéutica, ocupacional e terapéutico-ocupacional. ▶ De atención nocturna. ▶ De atención residencial, coas modalidades: básica, terapéutica e terapéutico-ocupacional.
<p>Con parálise cerebral</p>	<ul style="list-style-type: none"> ▶ De atención diúrna, coas modalidades: básica, terapéutica, ocupacional e terapéutico-ocupacional. ▶ De atención nocturna. ▶ De atención residencial, coas modalidades: básica, terapéutica e terapéutico-ocupacional.
<p>Con dano cerebral</p>	<ul style="list-style-type: none"> ▶ De atención diúrna, coas modalidades: básica, terapéutica, ocupacional e terapéutico-ocupacional. ▶ De atención nocturna. ▶ De atención residencial, coas modalidades: básica, terapéutica e terapéutico-ocupacional.
<p>Con discapacidade intelectual</p>	<ul style="list-style-type: none"> ▶ De atención diúrna, coas modalidades: terapéutica, ocupacional e terapéutico-ocupacional. ▶ De atención nocturna. ▶ De atención residencial, coas modalidades: terapéutica e terapéutico-ocupacional.
<p>Con trastorno de espectro autista</p>	<ul style="list-style-type: none"> ▶ De atención diúrna, coas modalidades: terapéutica, ocupacional e terapéutico-ocupacional. ▶ De atención nocturna. ▶ De atención residencial, coas modalidades: terapéutica e terapéutico-ocupacional.
<p>Con enfermidade mental</p>	<ul style="list-style-type: none"> ▶ De axuda no fogar. ▶ De atención diúrna, coas modalidades: psicosocial, psicosocial-ocupacional e ocupacional. ▶ De atención nocturna. ▶ De atención residencial, coas modalidades: psicosocial e psicosocial-ocupacional.

C Carteira de servizos de asistente persoal

Forman parte desta carteira os servizos dirixidos a facilitar o apoio persoal, a inclusión social e/ou educativa, así como a promoción e participación das persoas que, sendo de idade igual ou superior a 16 anos, se atopan en situación de gran dependencia ou dependencia severa, co obxecto de permitir o seu desenvolvemento nas actividades da vida diaria, laborais e/ou educativas e propiciar a participación da persoa usuaria na vida social e económica.

Cales son as prestacións do Sistema para a Autonomía e atención á dependencia (SAAD)?

- ▶ Libranza para cuidados no ámbito familiar
- ▶ Prestación económica de carácter excepcional destinada ás persoas en situación de dependencia que son atendidas no seu domicilio por unha persoa cuidadora non profesional do seu contorno.
- ▶ Libranza de asistente persoal
- ▶ Prestación económica destinada a facilitar a contratación, pola persoa en situación de dependencia, dun o dunha asistente persoal profesional que lle preste apoio para o acceso á educación, ao traballo e a unha vida máis autónoma.
- ▶ Libranza para a adquisición dun servizo
- ▶ Prestación económica destinada a facilitar o pagamento dun servizo dos anteriormente mencionados, cando non sexa posible prestalo mediante a rede pública da Comunidade Autónoma de Galicia.

Hai outros servizos e recursos para a atención da dependencia?

En Galicia contémpanse ademais:

- ▶ Servizo Galego de Apoio á Mobilidade Persoal (SGAMP 065): servizo de transporte adaptado programado e non urgente para a prestación de servizos puntuais.

A súa finalidade:

- Poñer á disposición das persoas con discapacidade e/ou persoas en situación de dependencia, que teñan recoñecida a imposibilidade de utilizar o transporte público colectivo, un transporte axeitado para facilitarlles a súa mobilidade.
- Favorecer o acceso, en condicións de igualdade efectiva, ás persoas con discapacidade e/ou ás persoas en situación de dependencia aos servizos e recursos que faciliten a promoción da súa autonomía persoal así como a súa participación no contorno habitual.
- ▶ Apoio á persoa cuidadora: a través da posta en marcha do programa “Xuntos nos cuidados”, programa de formación non formal e apoio aos cuidadores e cuidadoras non profesionais de persoas en situación de dependencia con dereito recoñecido.

Así mesmo, en colaboración coa Consellería de Sanidade, a través da posta en marcha dun apoio continuo de atención telefónica aos cuidadores e cuidadoras non profesionais de persoas en situación de dependencia a través do teléfono 902 400 116 que ten como obxectivo prestar:

- Información e solucións ás situacións sanitarias non urxentes.
- Información sobre cuidados asistenciais.
- Información sobre as características das probas médicas.
- Información sobre prevención e hábitos saudables.
- Información sobre centros e servizos sanitarios.
- Apoio psicolóxico.

Ademais, existen axudas económicas, convocadas anualmente, ás que teñen acceso aquelas persoas recoñecidas en situación de dependencia, para:

- Adquisición e reparación das axudas técnicas para a autonomía persoal e dos produtos de apoio.
- Eliminación das barreiras arquitectónicas e adaptación funcional.

Como solicitar o recoñecemento da situación de dependencia?

O procedemento iníciase por instancia da persoa que poida estar afectada por algún grao de dependencia ou quen desempeñe a súa representación.

O procedemento consta de dúas fases:

1ª fase: valoración integral da persoa solicitante e resolución que determinará o grao de dependencia, así como o seu carácter permanente ou revisable e os servizos e/ou prestacións económicas que lle poidan corresponder.

2ª fase: elaboración e resolución dun Programa individual de atención (PIA) no que se expresará, de entre os servizos e prestacións económicas previstas para o seu grao, aqueles máis adecuados ás necesidades da persoa en situación de dependencia e incorporará, se é o caso, os servizos que xa estea a gozar.



Atención e asesoramento



Xefaturas territoriais da Consellería de Política Social

A Coruña: 881.881.513

Lugo: 982.889.157

Ourense: 988.386.785

Pontevedra: 986.817.805


Dirección Xeral de Maiores e Persoas con Discapacidade: 900.333.666

<http://benestar.xunta.es>



de recursos para as familias 2017

10 Outros recursos de interese para as familias



10 Outros recursos de interese para as familias

Contía do salario mínimo interprofesional para o ano 2017


Mensual	Anual
707,70 euros	9.172,80 euros

Contía do indicador público de renda de efectos múltiples (IPREM) para o ano 2017

Mensual	Anual
537,84 euros	6.454,08 euros

Contía das pensións de xubilación e invalidez da Seguridade Social na modalidade non contributiva para o ano 2017

	Mensual	Anual
Íntegra	368,90 euros	5.164,60 euros
Mínima	92,23 euros	1.291,15 euros
Con complemento 3ª persoa	553,35 euros	7.746,90 euros
Complemento para aluguer residencia habitual		525 euros



10.1 Consellería de Política Social

<http://www.xunta.gal/politica-social>

Teléfono social

É unha liña gratuíta que funciona como punto de axuda, información e orientación para as persoas con dependencia, maiores e/ou con discapacidade que nalgún momento se sintan maltratadas por outra persoa, sexa descoñecida, veciña, familiar ou amiga.

Tel.: 900.333.666

Teléfono do menor ou liña de axuda á Infancia

É unha liña gratuíta que funciona durante todo o ano, as 24 horas do día. Constitúe un servizo para todas as nenas e nenos que nalgún momento se sintan maltratados por outra persoa, necesiten axuda ou queiran falar sobre os problemas que lles afectan. Tamén poden chamar todas aquelas persoas que saiban ou sospeiten que algunha nena ou neno pode estar a ser maltratada/o ou que non está a ser correctamente atendido.

Tel.: 116.111

Teléfono solidario

É un servizo gratuíta e anónimo que dá orientación e información, sobre todo, referente ao voluntariado.

Tel.: 900.400.800

Portal galego de adopcións

Este portal ten como finalidade facilitar e axudar a aquelas persoas que desexen ofrecerse para adoptar a un/unha menor nacional ou estranxeiro/a.

Pretende proporcionar elementos de reflexión sobre o alcance da súa decisión, confrontando as súas expectativas coa realidade, informar sobre o proceso legal e dar resposta ás preguntas mais habituais das persoas que se ofrecen para a adopción.

<http://adopcions.xunta.es/>

Renda de integración social de Galicia (RISGA)

É unha prestación pública destinada a garantir os recursos económicos de subsistencia a quen careza deles, así como a acadar progresivamente a súa autonomía e integración social e laboral, mediante o dereito e o deber de participar en procesos personalizados de inserción con apoio técnico e financeiro do Sistema galego de servizos sociais e do Sistema público de emprego de Galicia.

Axudas de inclusión social (AIS)

Son prestacións económicas non periódicas que teñen como finalidade posibilitar ou reforzar os procesos de inclusión social das persoas ou familias en situación de exclusión social ou de risco de exclusión social, así como atender as situacións de grave emerxencia de persoas ou familias vulnerables que poidan desencadear un proceso de exclusión social. Están destinadas a sufragar gastos extraordinarios e urxentes e, se é o caso, a financiar actuacións de acompañamento ou reforzo de carácter excepcional vinculadas ás medidas de apoio da renda de inclusión social de Galicia.

Pensións non contributivas (PNC)

As pensións non contributivas aseguran a todos os cidadáns unha prestación económica, a asistencia médico farmacéutica gratuíta e os servizos sociais complementarios, aínda que non teñan cotizado ou o teñan feito de xeito insuficiente para ter dereito a unha pensión contributiva.

As PNC poden ser por invalidez ou xubilación e poden gozar de complementos pola necesidade doutra persoa para as actividades da vida diaria e/ou para o aluguer da vivenda habitual.

Recoñecemento do grao de discapacidade

Trátase do documento que acredita a discapacidade das persoas. Está dirixido a persoas de calquera idade, con deficiencias permanentes non recuperables. As pautas de valoración fundaméntanse, sobre todo, nos efectos para a capacidade de realizar as actividades básicas da vida diaria.

Se alcanza unha porcentaxe igual ou superior ao 33 % dan lugar a unha serie de beneficios fiscais, laborais, económicos, educativos e sociais, entre outros.

O recoñecemento realízase nos órganos de valoración e asesoramento da discapacidade, dependentes das xefaturas territoriais da Consellería de Política Social.

A Coruña:	981.182.501	Ourense:	988.386.157
Santiago:	881.999.236	Pontevedra:	986.844.740
Ferrol:	981.337.232	Vigo:	886.120.715
Lugo:	982.889.145		

Fundación Pública Galega para a Tutela de Persoas Adultas (FUNGA)

É unha entidade pública constituída pola Xunta de Galicia, sen ánimo de lucro, con personalidade xurídica propia, cuxo ámbito territorial principal de actuación é o da Comunidade Autónoma de Galicia.

A súa finalidade é a defensa e protección das persoas en situación de dependencia. Correspóndelle a protección xurídica e social das persoas maiores de idade en situación de desamparo que teñan a súa capacidade de obrar modificada ou que se atopen incursas nun proceso xudicial de modificación da súa capacidade de obrar, a través do exercicio da tutela, curadoría, defensa xudicial ou administración de bens.

Tel.: 981.957.112

<http://www.funga.org>

Respiro familiar

É un programa que pretende contribuír a manter ás persoas en situación de dependencia ou discapacidade no seu domicilio e ofertarlle ao seu cuidador ou cuidadora habitual a posibilidade de dispoñer duns días para o seu descanso, manter a súa vida social, familiar e de ocio, ou para solucionar situacións de emerxencia que se lle presenten, mentres que a persoa á que cuida é atendida adecuadamente nun centro residencial.

Programa de localización e control voluntario de persoas en situación de especial vulnerabilidade

Servizo que pretende facilitar a saída do domicilio de persoas que vivan no seu domicilio e presenten deterioración cognitiva como consecuencia da enfermidade de alzhéimer ou doutro tipo de demencias e que sexan susceptibles de sufrir perda de memoria, episodios de desorientación espacial temporal, caídas etc.

Trátase dun pequeno equipo que integra un terminal e un módulo de localización xeográfica vía satélite, conectado cun centro de control durante as 24 horas e dende o que é posible recuperar a posición exacta dunha persoa en calquera momento.

O seu obxectivo principal é contribuír ao mantemento da autonomía e á integración social das persoas usuarias, permitindo que poidan seguir vivindo no seu domicilio e saír soas polo seu contorno, así como, facilitarlle a atención ás persoas que se ocupan do seu cuidado dándolles seguridade.

Programa de teleasistencia domiciliaria

A teleasistencia domiciliaria promove a autonomía persoal, evita o illamento e proporciona seguridade e tranquilidade ás persoas usuarias e ás súas familias, garantindo a seguridade da persoa usuaria no seu fogar e a tranquilidade da familia sabendo que o seu familiar terá unha atención inmediata no caso dunha situación que requira unha intervención urxente.

As persoas usuarias son maiores ou con discapacidade que viven soas ou pasan soas a maior parte do día, que aínda que teñan certo grao de dependencia poidan manexar o pulsador no caso dunha emerxencia.

Portal de produtos de apoio

O portal de produtos de apoio é un sitio web enfocado a favorecer e facilitar e promover redes de cooperación entre as persoas con discapacidade e/ou en situación de dependencia e as persoas que os ceden, as empresas, as entidades e os servizos sociais comunitarios.

Os servizos que oferta son os que a continuación se relacionan:

- ▶ Proceso de consulta, prestación e demanda de produtos de apoio para as persoas usuarias.
- ▶ Disponibilidade de información de interese xeral: normativa, documentación e guías de boas prácticas.
- ▶ Servizo de asesoramento en materia de accesibilidade: preguntas frecuentes (CTA e plataforma) e asesoramento privado e personalizado.

<http://produtosapoio.xunta.es/gl/accesibilidade>

Actividades xuvenís “Acción de verán”

“Acción de verán” é un programa de actividades que ten lugar durante os meses de xullo e agosto, tanto en Galicia como noutras comunidades. Está composto por tres áreas diferentes: campamentos para nenas e nenos de 9 a 18 anos, campos de traballo e actividades de lecer e tempo libre para mozos e mozas de 18 a 30 anos, que comprenden actividades de ocio para toda a xuventude e actividades de voluntariado en campos de traballo nacionais e estranxeiros.

As actividades da campaña teñen como finalidade que a xuventude empregue o seu tempo libre de verán participando en actividades de carácter lúdico, cultural, deportivo e formativo, que sirvan non só para divertirse senón tamén para o enriquecemento persoal e vital, ademais de ofrecer a posibilidade de coñecer outros territorios da xeografía nacional a través das actividades que se realizan noutras comunidades autónomas.

Tel.: 981.544.838 / 981.544.851

<http://xuventude.xunta.es/>

Oferta de prazas nas residencias xuvenís dependentes da Consellería de Política Social para estudantes e mocidade traballadora de 16 a 30 anos, en Lugo, Ourense e Vigo

Requisitos xerais:

- ▶ Posuír nacionalidade española ou ser nacional dun país membro da Unión Europea, ou ser estranxeiro ou estranxeira residente en España no momento da solicitude de praza.
- ▶ Non ter perdido a condición de residente por causa imputable á persoa solicitante.
- ▶ Ter os 16 anos cumpridos e non superar os 30, na data do 31 de decembro do ano en curso.

Requisitos específicos para a mocidade estudante:

- ▶ Cursar estudos de ciclos formativos de grao medio, de bacharelato, de ciclos formativos de grao superior, estudos universitarios tendentes á obtención de título de grao ou equivalente ou ben, mentres non se xeneralice a implantación dos novos títulos universitarios, estudos universitarios de 1º, 2º ou 3º ciclo nunha facultade ou escola universitaria, ou estudos superiores en ensinanzas artísticas.
- ▶ Que no concello onde radique a súa residencia familiar non exista oferta de centros públicos para realizar o curso, nivel ou grao correspondente aos estudos que vaia cursar. Exceptúase do anterior a realización de estudos universitarios, nos que a persoa solicitante non acade a nota de corte ou puntuación académica mínima esixida para o ingreso nas facultades ou escolas universitarias da localidade de residencia familiar.

Requisitos específicos para a mocidade traballadora:

- ▶ Que o lugar de traballo teña o enderezo nun concello distinto ao lugar de residencia familiar da persoa solicitante.
- ▶ No caso de que a relación de traballo non sexa fixa ou indefinida terá que ter unha duración mínima de 3 meses a contar dende a data en que finalice o prazo de presentación das solicitudes.
- ▶ No caso de ser unha persoa traballadora autónoma por conta propia, será necesario que estea dada de alta no Réxime de traballadores e traballadoras autónomos da Seguridade Social, con anterioridade á publicación da convocatoria.

<http://xuventude.xunta.es/>

Prazas para persoas colaboradoras-bolseiras nas residencias xuvenís dependentes da Consellería de Política Social.

Prazas:

- ▶ Lugo - Centro Residencial Xuvenil: 4 prazas.
- ▶ Ourense - Florentino L. Cuevillas: 5 prazas.
- ▶ Vigo - Altamar: 6 prazas.

Requisitos:

- ▶ Posuír nacionalidade española ou ser nacional dun país membro da Unión Europea, ou ser estranxeiro ou estranxeira residente en España no momento da solicitude de praza.
- ▶ Ter unha idade mínima de 18 anos e menos de 30 na data do 31 de decembro do ano en curso.
- ▶ Estar cursando estudos universitarios nunha facultade ou escola universitaria, estudos superiores en ensinanzas artísticas ou ciclo formativo de grao superior, que admitan, polo seu contido e saídas profesionais, a formación e a práctica a través de calquera das tarefas que se poden desenvolver nunha residencia xuvenil.

- ▶ Non ter perdido con anterioridade a condición de colaborador ou colaboradora por causa imputable á persoa solicitante.
- ▶ Non padecer defecto físico ou psíquico que impida o desenvolvemento normal da actividade no centro.
- ▶ Ter unha renda media familiar que non supere o 150 % do IPREM do ano en curso.

<http://xuventude.xunta.es/>

Centros Quérote+

Os centros Quérote+ teñen como obxectivo prestar un servizo de información e asesoramento á xuventude galega naquelas áreas nas que se poida achegar un maior entendemento social e que se facilite o crecemento persoal.

As temáticas coas que traballa son:


- Imaxe persoal e autoestima
- Drogas
- Seguridade viaria
- Sexualidade e afectividade
- Convivencia na rede
- Convivencia

<http://xuventude.xunta.es/querote-mais.html>

Programas de voluntariado no ámbito familiar

Subvencións a proxectos de acción voluntaria en diferentes áreas de actuación, entre as que se atopa o voluntariado no ámbito familiar, presentados por entidades de acción voluntaria e entidades locais sempre que a dita acción voluntaria a desenvolvan mozos/as de idades comprendidas entre os 16 e os 30 anos, que se realicen no ámbito territorial da Comunidade autónoma de Galicia.

<http://www.voluntariadogalego.org/web/>



10.2 A Presidencia

Secretaría Xeral de Emigración

<http://emigracion.xunta.gal/>

Subvencións para promover o autoemprego e a actividade emprendedora das persoas emigrantes retornadas e dos seus familiares

Subvencións destinadas a promover o autoemprego e a actividade emprendedora na Comunidade Autónoma galega das persoas galegas retornadas, subvencionando os gastos que leva consigo o seu establecemento como persoas traballadoras autónomas ou por conta propia, ou como socias traballadoras de sociedades laborais ou cooperativas de traballo asociado.

Axudas extraordinarias a persoas emigrantes retornadas

Axudas extraordinarias a persoas emigrantes galegas retornadas e aos seus familiares, para atender situacións de necesidade ou precariedade económica derivadas do seu retorno á Comunidade Autónoma de Galicia.

Axudas de emerxencia social e para a realización de viaxes por razóns de interese social, asistencial ou humanitario

Subvencións a persoas galegas emigrantes e aos seus descendentes, que residan no exterior e se atopen en grave risco de exclusión ou necesidade, para atender situacións sobrevidas de carácter extraordinario de emerxencia social, sanitaria ou asistencial que precisen dunha actuación urxente ou para as que teñan por finalidade sufragar os custos de viaxes que teñan que realizar, por razóns destas características.

Axudas económicas individuais a persoas galegas residentes no exterior

Programa de axudas económicas individuais e de carácter extraordinario, non periódico e social, dirixido ás persoas emigrantes de nacionalidade española e de orixe galega, e a determinados familiares, residentes nos países do estranxeiro, que se encontren en situación de precariedade económica. Están destinadas a cubrir as necesidades básicas de subsistencia e atención sociosanitaria.

Programa “Aventúrate con Galicia”

Programa dirixido a mozos e mozas, con idades comprendidas entre os 14 e os 17 anos, de orixe galega ou descendentes de persoas emigrantes galegas e que residan no exterior co fin de facilitarlles o contacto coa realidade galega e o encontro cos seus familiares.

O programa Aventúrate con Galicia desenvolverase en colaboración coa Dirección Xeral de Xuventude, Participación e Voluntariado nas seguintes modalidades de campamento:

- ▶ **Actividades no mar-Gandarío:** convócanse 20 prazas, que se realizarán no Albergue Xuvenil de Gandarío (Bergondo), dependente da Dirección Xeral de Xuventude, Participación e Voluntariado da Consellería de Política Social.
- ▶ **Actividades de natureza: ambiente e mar:** convócanse 20 prazas que se realizarán no Albergue Xuvenil de Area (Viveiro), dependente da Dirección Xeral de Xuventude, Participación e Voluntariado da Consellería de Política Social.
- ▶ **Actividades de aventura T:** convócanse 10 prazas que se realizarán no Campamento Xuvenil dos Chacotes (Palas de Rei) dependente da Dirección Xeral de Xuventude, Participación e Voluntariado da Consellería de Política Social.

Programa “Conecta con Galicia”

O programa “Conecta con Galicia” ten dúas modalidades de actividades dirixidas a mozos e mozas de orixe galega ou descendentes de galegos e que residan no exterior.

1. **Actividades de aire libre:** convócanse 174 prazas, para mozos e mozas residentes fóra de Galicia, con idades comprendidas entre os 14 e os 20 anos, en dúas quendas de doce días de duración cada unha, durante o mes de xullo, en residencias e albergues xuvenís situados en Galicia dependentes da Dirección Xeral de Xuventude e Voluntariado da Consellería de Política Social, xunto con mozos e mozas residentes en Galicia, para a realización das seguintes actividades:
 - a. **Cultura e camiño.** As persoas participantes aloxaranse seis días, preferentemente, nas residencias xuvenís LUG II en Lugo e Florentino López Cuevillas en Ourense, participando en actividades para coñecer o patrimonio histórico cultural das respectivas zonas e percorrendo o Camiño de Santiago en diferentes etapas ata chegar a Compostela.
 - b. **O mar de Galicia.** Os seis días restantes aloxaranse en zona de costa, preferentemente, no albergue xuvenil Gandarío en Bergondo (A Coruña), onde realizarán actividades de náutica, de recreo e de coñecemento do medio mariño.
2. **Campos de traballo:** convócanse 22 prazas para mozos e mozas con idades comprendidas entre os 20 e os 30 anos. As instalacións e datas concretas adaptaranse ao disposto na convocatoria do Programa de campos de traballo da Dirección Xeral de Xuventude e Voluntariado. Trátase de actividades de colaboración desinteresada e voluntaria en traballos diversos na procura dun maior coñecemento da nosa cultura, da mellora ambiental do noso contorno e da recuperación do patrimonio cultural e arquitectónico. Ademais do traballo, ofrécese un programa con actividades de convivencia, de formación, de lecer e tempo libre.


Programa “Reencontros na casa para persoas residentes no exterior”

Programa destinado a promover o contacto das persoas galegas residentes no exterior coas súas familias, que deben comprometerse a acollelos, podendo permanecer en Galicia ata completar un período máximo de 3 meses. A axuda é o aboamento dunha parte do custo do desprazamento, correndo pola súa conta todos os gastos de aloxamento, manutención e calquera outro derivado da súa estadía en Galicia.

Programa “Reencontros na terra para persoas residentes no exterior”

Programa destinado a promover o contacto das persoas galegas residentes no exterior coa súa terra, mediante un período de estadía nunha residencia e posteriormente coas súas familias, fortalecendo así os vínculos de unión con Galicia.

As axudas consistirán no financiamento do custo da viaxe, de ida e volta desde os seus países de residencia ata Galicia e da estadía en residencia, das persoas emigrantes galegas que carezan de recursos.



10.3 Vicepresidencia e Consellería de Presidencia, Administracións Públicas e Xustiza

<http://www.xunta.gal/vicepresidencia-cpapx>

Asistencia xurídica gratuíta

A asistencia xurídica gratuíta é un dereito fundamental recoñecido pola Constitución española de 1978, no seu artigo 24, que consagra o dereito de toda persoa a obter a tutela xudicial efectiva dos/as xuíces e tribunais no exercicio dos seus dereitos lexítimos, sen que, en ningún caso, poida producirse indefensión. Así mesmo, o artigo 119 establece que a xustiza será gratuíta para os que acrediten insuficiencia de recursos para litigar.

Todo cidadán que cumpra os requisitos poderá solicitar, nos termos establecidos pola normativa vixente, asistencia xurídica gratuíta nos procedementos xudiciais nos que estea interesado.

[PR204A - Recoñecemento á asistencia xurídica gratuíta \(impreso de solicitude\)](#)

<http://www.xustiza.gal/asistencia-xuridica-gratuíta/introducion>

Rexistro de parellas de feito

A disposición adicional terceira da Lei 2/2006, de dereito civil de Galicia, sinala que terán a condición de parellas de feito as unións de dúas persoas maiores de idade, capaces, que convivan coa intención ou vocación de permanencia nunha relación de afectividade análoga á conxugal e que a inscriban no Rexistro de Parellas de Feito de Galicia, expresando a súa vontade de equiparar os seus efectos aos do matrimonio. Este rexistro xestiónase a través das xefaturas territoriais, baixo a dependencia directa da Dirección Xeral de Xustiza.

PR212A - Inscripción no Rexistro de Parellas de Feito de Galicia (impreso de solicitude)

- A Coruña: 981.185.974
- Lugo: 982.294.303
- Ourense: 988.386.931
- Pontevedra: 986.805.312

Servizos de atención á cidadanía e asistencia ás vítimas

Este servizo supón unha atención personalizada á cidadanía (persoal e telefónica), adaptada ás súas propias características, mediante a orientación e a axuda que precisen, tanto se o fan por instancia do órgano xudicial como se é por iniciativa propia.

Comprende non só a información xeral (localización e competencia dos órganos xudiciais, procedementos, trámites, requisitos ...), senón tamén un asesoramento especializado respecto dos trámites e dos documentos precisos para reclamar as indemnizacións que lles correspondan, tanto nos casos de intervención no proceso sen ser parte nestes (testemuñas, peritos), como nos casos das vítimas de delitos e faltas, para obter, a través do proceso penal, a restitución, reparación ou indemnización dos prexuízos producidos polo feito delituoso.

<http://cpapx.xunta.gal/servizos-de-atencion-a-vitima-e-a-cidadania>

Secretaría Xeral da Igualdade

<http://igualdade.xunta.gal/>

Teléfono da muller

É un servizo gratuíto e anónimo que funciona as 24 horas do día con cobertura para toda a comunidade autónoma que informa e orienta sobre temas da muller, igualdade, corresponsabilidade, etc.

Tel.: 900.400.273

Tel.: 900.152.152 (para mulleres xordas)

Asesoramento xurídico en liña

Servizo en liña para proporcionar, de maneira gratuíta, información e asesoramento xurídico sobre diversas cuestións, entre elas a violencia de xénero, agresións e abusos sexuais, o acoso sexual, a conciliación familiar, discriminacións por razón de sexo, prostitución e trata, etc.

<http://igualdade.xunta.gal/>

<http://igualdade.xunta.gal/gl/content/asesoramento-xuridico-line>

Programa Emega para o fomento do emprendemento feminino en Galicia

O programa Emega comprende un conxunto de axudas dirixidas a apoiar a posta en marcha, a mellora e a reactivación de iniciativas empresariais constituídas por mulleres, xunto con medidas complementarias para favorecer a conciliación da vida persoal, familiar e laboral, así como para ter acceso a servizos específicos de acompañamento, asesoramento e titorización co obxecto de facilitar a implantación e a consolidación dos proxectos empresariais promovidos por mulleres.

<http://igualdade.xunta.gal/>


Axudas ás ANPA dos centros educativos sostidos con fondos públicos para o desenvolvemento de actividades que faciliten a conciliación da vida familiar e laboral.

Axudas destinadas ás ANPA legalmente constituídas, dos centros educativos sostidos con fondos públicos da Comunidade Autónoma de Galicia, para a realización de programas de actividades extraescolares e complementarias dirixidas ao alumnado de educación infantil, primaria e de centros de educación

especial, que teñan como fin contribuír á conciliación da vida familiar e laboral, durante o curso escolar, quedando expresamente excluída a prestación do servizo de comedor, así como calquera outro gasto en concepto de alimentos.

Axudas e subvencións a entidades locais para a promoción da igualdade.

Subvencións destinadas ás entidades locais de Galicia, de forma individual ou mediante o sistema de xestión compartida para facer efectivo o principio de igualdade entre mulleres e homes, mediante a realización de actuacións dirixidas a favorecer a igualdade de oportunidades e de trato, a conciliación da vida persoal, familiar e laboral, a participación das mulleres na vida política, económica, social e cultural, e a erradicación da violencia de xénero.



10.4 Consellería de Medio Ambiente e Ordenación do territorio

<http://www.xunta.gal/medio-ambiente-e-ordenacion-do-territorio>

Augas de Galicia

<http://augas.cmati.xunta.es/>

Exención no canon da auga e no coeficiente de vertedura por estar en situación de exclusión social

As unidades de convivencia independentes que acrediten estar en situación de exclusión social poderán solicitar a exención no canon da auga e no coeficiente de vertedura.

Para estes efectos, por unidade de convivencia independente enténdense a formada por aquelas persoas que convivan nun mesmo domicilio e manteñan entre eles un vínculo por matrimonio ou análoga relación estable, por adopción ou acollemento, ou por parentesco de consanguinidade ou afinidade ata o cuarto e segundo grao respectivamente.

Os requisitos que deben cumprir as unidades de convivencia para ter a condición de estar en risco de exclusión social serán as seguintes:

- ▶ O enderezo para o cal se solicita a bonificación debe coincidir co enderezo en que está empadroada a unidade de convivencia.


- ▶ No caso de abastecerse a partir de entidade subministradora, o titular do contrato de subministración de auga deberá coincidir con algún dos membros da unidade familiar. Noutro caso, o solicitante deberá acreditar que é o pagador da factura-recibo de auga.
- ▶ Os ingresos totais da unidade de convivencia non deben superar o importe do indicador público de rendas de efectos múltiples (IPREM).
- ▶ Polo menos unha das persoas da unidade de convivencia deberá estar en situación de exclusión social por estar nalgunha das situacións que se enumeran a continuación:
 - Persoas perceptoras da renda de integración social de Galicia.
 - Persoas perceptoras de pensións non contributivas nas modalidades de invalidez ou xubilación.
 - Persoas que non estando en ningún dos dous supostos anteriores teñan unha ausencia ou déficit grave de recursos económicos unido a unha situación de desemprego ou imposibilidade de desempeñar un traballo remunerado e que conten con outros factores, evidenciados a través da súa traxectoria persoal, que agraven a situación de exclusión social ou o risco de padecela recoñecidos na lexislación vixente na Comunidade Autónoma de Galicia.

Dedución no canon da auga e coeficiente de vertedura para familias numerosas

As persoas consumidoras domésticas que reúnan a condición de familia numerosa poden beneficiarse dunha bonificación do 50% na cota do canon e, no seu caso, no coeficiente de vertedura.

Para solicitar a dedución a persoa que figure como titular no título de familia numerosa deberá presentar o modelo de solicitude e cumprir os seguintes requisitos:

- ▶ O enderezo para o que se solicita a dedución debe coincidir co enderezo en que se atopa empadroada a unidade familiar.
- ▶ No caso de abastecerse a partir de entidade subministradora, o titular do contrato de subministro de auga deberá coincidir con algún dos membros da unidade familiar. Noutro caso, o solicitante deberá acreditar que ten domiciliado o pagamento da factura-recibo de auga en algunha conta bancaria da que sexa titular.
- ▶ A dedución na cota por familia numerosa só poderá obterse na vivenda principal, sen que poida ser concedida nas restantes vivendas que poida ter calquera dos membros que constitúan a familia numerosa.



10.5 Consellería de Infraestruturas e vivenda

<http://www.xunta.gal/infraestruturas-e-vivenda>

Sistema de transporte público de Galicia

O cambio producido nas últimas décadas nos modelos de asentamentos da poboación en Galicia, caracterizado por un reforzamento dos asentamentos urbanos nas zonas próximas ás principais cidades do “eixe atlántico”, incluso con manifestacións de urbanización dispersa, e unha perda relativa de poboación nos territorios interiores, nos que tamén se avanzou a un maior avellentamento da poboación, necesita dun novo mapa de servizos de transporte público que responda tanto á demanda de mobilidade recorrente ou diaria nos contornos urbanos e metropolitanos, como á necesidade de manter un sistema de transporte público sustentable nos contornos rurais, garantindo á poboación rural o seu dereito á mobilidade persoal e o acceso aos servizos esenciais.

O novo mapa de servizos de transporte debe plasmarse nun Plan de transporte público de Galicia que facilite a mobilidade das persoas en termos de igualdade, seguridade, calidade, eficiencia social e sustentabilidade económico-financeira e medioambiental, fomentando e potenciando o uso prioritario do transporte público en calquera dos seus modos, facilitando a intermodalidade do servizo e a súa accesibilidade ás persoas, de xeito que se potencie a súa concepción como unha alternativa sustentable fronte ao transporte particular e contribúa á vertebración territorial da Comunidade Autónoma.

Este plan debe avanzar na integración de servizos de transporte público regular de uso xeral e de uso específico, coa concorrencia nun mesmo vehículo e servizo das persoas usuarias do transporte regular de uso xeral e das usuarias de servizos de transporte regular de uso específico, cara á progresiva integración dos diferentes servizos nun sistema único de transporte público.

Para tal fin, promoverase a utilización da rede de transporte público regular de uso xeral por parte dos colectivos de persoas usuarias aos que a Xunta de Galicia ofrezca a prestación do servizo de transporte público, tales como estudantes ou persoas usuarias do Servizo Galego de Apoio á Mobilidade Persoal. En todo caso, manterase a prestación diferenciada dos servizos para o conxunto de persoas usuarias que, polas súas condicións específicas, non poidan facer uso dos servizos de transporte público regular de uso xeral.

Como consecuencia deste novo mapa de servizos de transporte público e cara a garantir a máxima cobertura territorial, a Xunta de Galicia puxo en marcha as seguintes actuacións ou proxectos:

1 Transporte e tarxeta metropolitana

O Plan de transporte metropolitano naceu co obxectivo de mellorar a mobilidade e a accesibilidade no contorno de todas as áreas metropolitanas; para que os cidadáns dispoñan dun mellor servizo de transporte público colectivo e unha alternativa competitiva e eficiente ao transporte privado.

Dentro das súas vantaxes está a integración tarifaria, a bonificación no transbordo, a tarxeta de transporte metropolitana (tarxeta-moedeiro que permite, ás persoas que a empreguen, obter os descontos no prezo dos billetes que se abonan nos servizos de transporte público integrados no transporte metropolitano de Galicia) e a bonificación por recorrencia, que se aplicará cando se realicen 41 ou máis viaxes metropolitanas no mes natural. A finais do mes seguinte, porase á disposición da persoa beneficiaria a devolución do 15 % do importe consumido no mes no que se xere o dereito. A persoa beneficiaria debe inserir a tarxeta nos caixeiros da entidade bancaria colaboradora (ABANCA) e aceptar a recarga. O prazo de caducidade para a aceptación da recarga é de 2 meses.

O Plan do transporte metropolitano de Galicia permite que distintas entidades promotoras interesadas poidan aplicar bonificacións especiais aos colectivos que determinen, como son:

- ▶ A Tarxeta metropolitana de Galicia Xente Nova (TMG Xente Nova): aplicación dunha tarifa específica, tarifa de cero euros nas viaxes en metropolitanas interurbanas realizadas dentro do ámbito do Plan de transporte metropolitano de Galicia, cun número máximo de sesenta viaxes mensuais por persoa usuaria, ao colectivo de persoas usuarias con idades comprendidas entre os 4 e os 18 anos de idade, incluídos, sempre que sexan titulares dunha TMG Xente Nova.

<http://tmg.xunta.gal/xente-nova-que-e>

- ▶ Descontos ás persoas membros de familias numerosas, que sexan titulares de tarxetas de transporte metropolitano e soliciten entrar na aplicación social da TMG, a través dun acordo de colaboración asinado o día 7/11/2014, entre a Consellería de Infraestruturas e Vivenda e a Consellería de Política Social.
- ▶ Na área de transporte metropolitano de Ferrol, o Concello de Mugar dos aplica descontos adicionais aos seguintes colectivos:
 - Persoas en situación de risco social ou dificultade socioeconómica.
 - Estudantes de calquera centro público de estudos de Formación Profesional e ciclos formativos, Universidade, ensinanzas superiores de música e artes escénicas e artes plásticas e deseño, Educación de Adultos, alumnado con necesidades educativas especiais escolarizados en centros de educación especial e talleres ocupacionais de fóra de Mugar dos, con rendas familiares inferiores ao 80% do IPREM de renda per cápita mensual.
- ▶ Na área de transporte metropolitano de Santiago de Compostela hai unha serie de concellos (Ames, Boqueixón, Brión, Negreira, O Pino, Oroso, Teo, Touro, Val do Dubra e Vedra) que teñen activadas unhas bonificacións, para certos colectivos empadroados neles.
 - Persoas maiores de 65 anos, sen actividade laboral.
 - Persoas en situación de desemprego.
 - Persoas que acrediten unha discapacidade en grao igual ou superior ao 65 %.
 - Aquelas persoas residentes no concello no que se subscriba a política social, que a criterio dos Servizos Sociais do concello e atendendo razóns de emerxencia social ou de precariedade persoal, puidesen precisar destas axudas.
- ▶ Descontos ao estudiantado da Universidade da Coruña.

Os descontos aplicaranse ao alumnado da UDC que teña a súa residencia en calquera dos conce-

llos da Área de Transporte Metropolitano da Coruña ou de Ferrol.

Os desprazamentos bonificados pola UDC en virtude deste acordo son:

- Na ATM da Coruña: desprazamentos dende calquera dos concellos integrantes da ATM ás dependencias universitarias da UDC na Coruña e viceversa.
- Na ATM de Ferrol: desprazamentos dende calquera dos concellos integrantes da ATM ás dependencias universitarias da UDC en Ferrol e viceversa.

<http://tmg.xunta.gal/>

2 TES+BUS

Trátase dun proxecto conxunto desta consellería e a Consellería de Cultura, Educación e Ordenación Universitaria, co obxectivo da promoción do transporte público colectivo nas zonas de carácter rural. A actuación TES+BUS consiste na utilización mixta dos servizos de transporte escolar e público, de tal xeito que calquera persoa das zonas onde se implanta poderá utilizar para os seus desprazamentos as rutas destes servizos. O funcionamento coincidirá cos días e horarios nos que se realice o transporte escolar en cada un dos cursos escolares.

A cidadanía que utilice os servizos do TES+BUS aboará 1 € por cada viaxe que realice.

http://civ.xunta.gal/seccion-tema/c/CIV_Transporte_de_viaxeiros?content=Direccion_Xeral_Mobilidade/Tes_mais_bus/seccion.html&std=descripcion.html

3 Bus compartido

Actuación destinada a dar resposta á necesidade de manter un sistema de transporte público sustentable nos contornos rurais e garantir un dereito esencial como é o dereito á mobilidade persoal ou a servizos esenciais.

Este ano puxéronse en marcha 513 liñas de transporte escolar compartido con persoas viaxeiras do rural non relacionados co ámbito educativo, sempre que haxa prazas valeiras.

Estes servizos integrados garantirán a atención prioritaria dos colectivos de persoas menores usuarias das redes de transporte público regular de uso especial e deben cumprir integramente a normativa sobre condicións de seguridade no transporte de escolares e menores vixente.

Información sobre as liñas de transporte compartido:

http://civ.xunta.gal/seccion-tema/c/CIV_Transporte_de_viaxeiros?content=Direccion_Xeral_Mobilidade/Transporte_publico_Galicia/seccion.html&std=consultaslicitacion

4 Servizos baixo demanda das persoas usuarias

Mediante a implantación desta forma de xestión promoverase a máxima expansión da oferta de servizos de transporte público nos ámbitos rurais, nos que se produce unha maior dispersión da poboación, contribuíndo ao mantemento da poboación e ás necesidades de acceso ás oportunidades de emprego, formación e relación dunha poboación máis diversa e máis exixente.

Información sobre as zonas previstas, empresas concesionarias e teléfonos de reserva de servizo por transporte a demanda:

http://civ.xunta.gal/seccion-tema/c/CIV_Transporte_de_viaxeiros?content=Direccion_Xeral_Mobilidade/Transporte_publico_Galicia/seccion.html&std=consultaslicitacion

Vivenda

<http://www.igvs.es>

O Plan galego de rehabilitación, aluguer e mellora de acceso á vivenda 2015-2020 (rehavita) establece 4 eixos de actuación, que son:

- ▶ **Acceso á vivenda**
- ▶ **Rehabilitación de vivendas e renovación urbana**
- ▶ **Prevención da exclusión residencial**
- ▶ **Outras medidas**

Eixo 1: Acceso á vivenda

O acceso á vivenda constitúe un dereito básico de toda a cidadanía, polo que as administracións deben potenciar a existencia de vivendas axeitadas ás necesidades das familias, con prezos limitados e axudas específicas para colectivos máis desfavorecidos. O IGVS para facilitar o acceso á vivenda desenvolverá diversos programas de axudas e investimentos directos, como son os que a continuación se relacionan:

- ▶ **Promoción pública de vivenda:** O IGVS actúa como promotor, construíndo vivendas novas ou rehabilitando vivendas existentes. Estas vivendas serán adjudicadas en réxime de venda ou de alugamento con o uso de opción de compra, en función das capacidades económicas das persoas solicitantes.

As accións a realizar dentro deste programa serán:

- Construción de vivenda de promoción pública
- Facilitar o acceso ao financiamento das persoas adquirentes
- Disponibilidade de solo para a construción de vivenda pública
- Xestión das vivendas en alugamento, destinadas ao arrendamento a unidades familiares ou de convivencia con ingresos familiares ou de convivencia con ingresos familiares que non superen 1,5 veces o IPREM.

- ▶ **Apoio á promoción de vivendas protexidas de protección autonómica:** O IGVS establece unha porcentaxe de reserva de solo para vivenda protexida, co fin de dar solución a moitas familias con dificultades de acceso á vivenda.

A porcentaxe debe adaptarse á demanda potencial, tomando como base o número de persoas inscritas como solicitantes de vivendas protexidas no Rexistro Único de Persoas Demandantes de Vivenda de comunidade autónoma.

As acción que se realizan son:

- Promoción de solo residencial para vivenda de protección autonómica (VPA)
- Flexibilizar o funcionamento do Rexistro Único de Persoas Demandantes de Vivenda Protexida

- ▶ **Apoio ás persoas adquirentes e cooperativas de vivendas de protección autonómica:** co fin de facilitar o acceso á vivenda aos colectivos con maiores dificultades, permitindo poñer en valor os solos do propio IGVS e outorgar unha garantía engadida para a obtención do financiamento.

As acción que se realizarán son:

- Facilitar o acceso ao financiamento, a través de convenios con entidades financeiras para facilitar o acceso a préstamos hipotecarios, financiar obras de rehabilitación.
- Medidas específicas destinadas ás cooperativas de vivenda, como a mellora do financiamento das cooperativas a través de convenios de colaboración coas entidades financeiras, así como facilitar a incorporación de persoas socias ata acadar o número de persoas cooperativistas necesarias para desenvolver a promoción.

- ▶ **Alugueiro de vivenda:** co fin de garantir o acceso á vivenda ás unidades de convivencia con rendas mais baixas, así como a persoas que necesitan ter mobilidade xeográfica ou que se decantan por esta forma de acceso como alternativa á propiedade.

As acción que se desenvolverán son:

- Programa Aluga, programa residual, pero que mantén as axudas a aquelas persoas inquilinas con contrato en vigor e para aquelas persoas realoxadas debido a execucións hipotecarias-
- Xestión do programa estatal de axudas ao alugamento de vivenda: axudas destinadas ás unidades familiares con ingresos ata un máximo de 3 veces o IPREM. A contía da axuda será dun 40% da renda anual, ata un máximo de 2.400€ anuais e un máximo mensual de 600€.

- Asinar acordos coa SAREB, para dispoñer de vivendas cedidas durante un período de 4 anos, destinadas a arrendamentos para unidades familiares con ingresos entre 1 e 3 veces o IPREM.
- Programa de vivendas baleiras: programa que se desenvolve en colaboración cos concellos, para destinalas ao arrendamento de prezo limitado de colectivos con necesidades de vivenda. Os concellos estarán encargados de mobilizar a vivenda de persoas físicas ou xurídicas que se atopa desocupada, así como de xestionar as vivendas de acordo coas normas básicas de adxudicación. O IGVS oferta un seguro multirisco, seguro de falta de pagamento e asistencia xurídica para as vivendas adheridas ao programa.

Eixo 2: Rehabilitación de vivendas e renovación urbana

A rehabilitación das vivendas e edificios constitúe unha solución eficiente, sustentable e de futuro á hora de dar resposta ás necesidades de vivenda da poboación e de minorar os impactos no medio, así como un menor consumo de recursos económicos e naturais.

Os programas que se desenvolven neste eixo son:

- ▶ **A rehabilitación illada:** apoio a rehabilitación e revitalización dos edificios e vivendas illadas, impulsando a mellora da habitabilidade das vivendas unifamiliares, con actuacións exteriores e interiores, adecuación ao contorno, seguridade estrutural, mellora da eficiencia enerxética e eliminación de barreiras para garantir a accesibilidade.

As acción que realiza o IGVS dentro deste programa serán:

- Axudas para rehabilitación en conxuntos históricos, núcleos rurais, remate de fachadas e Camiño de Santiago.
 - Xestión das axudas dos programas de fomento de rehabilitación edificatoria e de apoio á implantación do informe da avaliación dos edificios do plan estatal.
- ▶ **Rehabilitación directa polo IGVS:** tanto de edificios que adquire en núcleos históricos ou en núcleos rurais, na procura de recuperar zonas especialmente degradadas, como na recuperación do seu parque público de vivendas para conseguir un óptimo estado de mantemento e conservación que permita as edificacións dispoñer das adecuadas condicións de habitabilidade.
 - ▶ **Áreas de rehabilitación integral:** financiando actuacións de mellora de tecidos residenciais no medio urbano e rural, recuperando funcionalmente conxuntos históricos, centros urbanos, barrios degradados e municipios rurais que precisen a rehabilitación dos seus edificios e vivendas, a supe- ración de situación de infravivenda e de intervencións de urbanización ou reurbanización dos seus espazos públicos.
 - ▶ **Outras actuacións de rehabilitación:** son actuacións puntuais que contribúen ao fomento de recuperación e revitalización dos edificios existentes. Entre outras, destaca o Programa de instalación de ascensores e outros dispositivos de accesibilidade en edificios de tipoloxía residencial colectiva, nas súas vivendas dúplex e en vivendas unifamiliares.

Eixo 3: Prevención da exclusión residencial

Este eixo recolle os programas que pretenden dar cobertura ás situacións de especial risco de exclusión residencial que deberán combinarse con actuacións de apoio social ou de integración laboral.

Este eixo inclúe os seguintes programas:

- ▶ **Vivendas de inserción:** son vivendas de promoción pública, xestionadas polas administracións públicas ou entidades sen ánimo de lucro, para atender a persoas que requiran un especial apoio polas súas circunstancias persoais, económicas ou sociais, e en especial cando teñan fillas ou fillos menores ou persoas con dependencia ao seu cargo.

Este programa debe coordinarse coas medidas incluídas na “Estratexía de inclusión social de Galicia 2014-2020”.


- ▶ **Realoxamento de persoas afectadas por execucións hipotecarias:** programa destinado a proporcionar aloxamento ás persoas que perderan a súa única vivenda motivada por un procedemento de execución hipotecaria e os seus ingresos non superen 2,5 veces o IPREM.
- ▶ **Programa de apoio a situación de emerxencia residencial:** o seu fin é dar solución a situación de imposibilidade absoluta de acceder a unha vivenda que ademáis trae consigo situación de desprotección social ou exclusión.

As accións que se levarán a cabo serán:

- Bono alugueiro: acción que ten por obxecto atender con carácter urxente as unidades de convivencia que o precisen, por estar inmersas en situación de especial dificultade. Consiste nunha axuda para asumir o custo do arrendamento da vivenda, paliando, deste xeito, os efectos derivados dunha resolución xudicial ditada nun procedemento xudicial de desafiuzamento por non pagamento das rendas da súa vivenda habitual ou, se é o caso, evitando o alzamento efectivo desta.
- Recuperación de infravivendas rurais en concellos de menos 5.000 habitantes.

Eixo 4: Outras medidas en materia de vivenda

Este eixo vai encamiñado ao desenvolvemento normativo, como o rexistro de informes de avaliación dos edificios, rexistro de promotores, etc.



10.6 Consellería de Economía, Emprego e Industria

<http://www.xunta.gal/ceei>

Tícket eléctrico social

A axuda consiste nunha cantidade fixa semestral que ten por obxecto contribuír ao pagamento da factura eléctrica daquelas familias con fillas/os menores a cargo, cuxos ingresos totais non superen o 1,5 veces o IPREM.

A contía da axuda será de 180 euros anuais para as familias con dúas/dous ou menos fillas/os ao seu cargo; e de 300 euros no caso das familias numerosas.

Ademais, esta axuda será compatible coa percepción da RISGA.

Axudas urxentes de tipo social (Auxs) para evitar os cortes de subministración eléctrica ás persoas economicamente máis vulnerables.

As axudas urxentes de tipo social (Auxs) teñen como finalidade evitar os cortes de subministración eléctrica ás persoas economicamente máis vulnerables, na Comunidade Autónoma de Galicia.

Os gastos subvencionables serán o 100 % do importe das facturas de electricidade (IVE incluído) emitidas, con posterioridade ao 1 de xaneiro de 2016, por unha comercializadora de electricidade correspondentes á vivenda habitual, con un límite máximo de 2 facturas/ano no caso de facturación mensual e de 1 factura/ano no caso de facturación bimensual, cun importe máximo de 200 /ano por solicitante en ambos casos.

Poderán solicitar estas axudas as persoas residentes na Comunidade Autónoma de Galicia cuxos ingresos totais da unidade de convivencia non superen o IPREM (6.390,13/ano), que sexan titulares do contrato de subministración eléctrica e que teñan aviso de interrupcións de subministración eléctrica por non pagamento.

Subvencións para a renovación de fiestras, renovación de fachadas e cubertas de lousa, rehabilitación con granito de fachadas, renovación de cubertas con tella cerámica, renovación de instalacións eléctricas comúns en edificios de vivendas, proxectos de instalacións fotovoltaicas e de renovación total ou parcial de ascensores existentes.

Subvencións destinadas ás persoas particulares ou ás comunidades de propietarios, co fin de obter melloras significativas na demanda enerxética dos edificios cos conseguintes aforros en termos económicos.

Subvencións para a creación, mellora e ampliación de pequenas infraestruturas para proxectos de equipamentos térmicos de biomasa destinadas a particulares.

Subvencións destinadas a apoiar proxectos con fins de aforro enerxético e fomento do uso das enerxías renovables. Os proxectos limitaranse a instalacións para o quentamento dun fluído mediante equipamentos térmicos que utilicen biomasa como combustible.

Poderán ser beneficiarias/os das subvencións as persoas físicas de dereito privado, propietarios ou titulares de calquera dereito sobre inmobles de dereito residencial, comunidades ou mancomunidades de veciños, sempre que as actuacións subvencionables se realice en vivendas ou edificios do sector residencial sitas na Comunidade Autónoma de Galicia. Así mesmo, as agrupación de persoas físicas, privadas sen personalidade.

<http://www.inega.es/>

Proxectos dinamizadores das áreas rurais de Galicia para proxectos de enerxías renovables.

Subvencións destinadas a apoiar proxectos con fins de aforro enerxético e fomento do uso das enerxías renovables.

Os proxectos limitaranse a instalacións para o queceamento dun fluído mediante equipamentos que utilicen como fonte enerxética a xeotérmica, aerotérmica ou a solar térmica.

Serán subvencionables:

- ▶ Equipamento principal de xeración enerxética (bomba de calor ou paneis solares).
- ▶ O custo de montaxe e conexiónado.
- ▶ Accesorios para o correcto funcionamento do sistema salvo os equipos emisores que non formen parte do equipo xerador e os elementos de distribución da calor fóra da sala de caldeiras.
- ▶ No caso da enerxía xeotérmica, o sistema de captación do recurso xeotérmico: sondaxes, intercambiadores, acumuladores, tuberías, etc..

<http://www.inega.es/>

Teléfono de información á persoa consumidora: 900231123

Servizo gratuíto de información e orientación ás persoas consumidoras.

Educación no consumo responsable

A través da Escola Galega de Consumo realízase unha actividade de fomento, apoio e asesoramento no eido de consumo.

Esta escola está encargada da realización de cursos, obradoiros, conferencias, publicacións e estudos, coa finalidade de impulsar e desenvolver a educación e formación das persoas consumidoras galegas.

Incentivos para a implantación da responsabilidade social empresarial

Subvencións a empresas, no ámbito da Comunidade Autónoma de Galicia, para implantar a responsabilidade social empresarial (RSE) e o desenvolvemento sostible:

- ▶ Axudas a pemes galegas para a elaboración de memorias de sustentabilidade.
- ▶ Axudas a empresas que realizen investimentos en prevención e redución da contaminación a través de melloras tecnolóxicas en procesos, cambios nas materias primas e produtos e reutilización ou valorización non enerxética.
- ▶ Axudas a proxectos de aforro e eficiencia enerxética e proxectos de enerxías renovables.
- ▶ Axudas a empresas e organizacións para a súa adhesión a un sistema comunitario de xestión e auditoría ambiental (EMAS).
- ▶ Axudas para a sensibilización e formación en materia de RSE.
- ▶ Axudas para proxectos de protección e mellora ambiental para a creación de novos centros empresariais ou a ampliación de centros xa existentes en Galicia.

Incentivos para o fomento da igualdade laboral

Subvencións a pequenas e medianas empresas (PEME), no ámbito da Comunidade Autónoma de Galicia, para implantar a igualdade laboral a través de:

- ▶ elaboración e implantación de plans de igualdade,
- ▶ axudas para investimentos tendentes a garantir e mellorar o dereito á conciliación da vida familiar e laboral,
- ▶ axudas para investimentos tendentes á eliminación da infrarrepresentación feminina nos eidos laborais ocupados predominantemente por homes.

Medidas municipais de conciliación de promoción autonómica

Programa destinado a apoiar nas entidades locais galegas a posta en marcha e desenvolvemento de plans locais de conciliación (conxunto de medidas adoptadas por un concello para facilitar a conciliación da vida persoal, familiar e laboral das persoas traballadoras, que deben incluír a constitución dun Banco Municipal de Tempo (sistemas de intercambio permanentes de servizos e/ou coñecementos entre as persoas empadroadas nun concello para facilitar a conciliación da súa vida persoal, familiar ou

laboral) e un Plan de Programación do Tempo da Cidade (medidas elaboradas nun concello ou entidade local para coordinar os horarios da cidade coas esixencias persoais, familiares e laborais da cidadanía), sexa municipal ou supramunicipal así como, outras medidas municipais de conciliación (outras propostas elaboradas polos concellos co obxectivo de fomentar a corresponsabilidade entre mulleres e homes facilitándolles a conciliación dos seus tempos persoais, familiares e laborais).

Tel.: 881.997.387

unidade.igualdade.traballo@xunta.es

Programa do bono das persoas autónomas

Programa destinado a dedicar unha achega económica, mediante pagamento anticipado, de ata 3.000 euros, para a mellora da competitividade da actividade empresarial ou profesional das persoas traballadoras autónomas que residan e teñan domicilio fiscal en Galicia, que teñan unha antigüidade na realización efectiva dunha actividade empresarial ou profesional de maneira ininterrompida na data da solicitude da axuda por un prazo superior a 42 meses e que teñan un rendemento neto reducido dos rendementos de actividades económicas declarados na declaración do IRPF, anual inferior a 30.000 euros e unha facturación mínima anual de 12.000 euros, IVE incluído.

Axudas para ampliar a redución das cotas da Seguridade Social para a consolidación do traballo autónomo

Estas axudas están destinadas a persoas traballadoras por conta propia ou autónomas que estean ou estivesen acollidas aos incentivos e medidas de fomento e promoción do traballo autónomo do parágrafo primeiro do artigo 31.1 da Lei 20/2007, do 11 de xullo, do Estatuto do traballo autónomo, que establece que a cota por contingencias comúns, incluída a incapacidade temporal, das persoas traballadoras por conta propia ou autónomas que causen alta inicial ou que non estivesen en situación de alta nos cinco anos inmediatamente anteriores, contados desde a data de efectos da alta, no réxime especial da Seguridade Social de traballadores por conta propia ou autónomos, se reducirá á contía de 50 euros mensuais durante os 6 meses inmediatamente seguintes á data de efectos da alta, no caso de que opten por cotizar pola base mínima que lles corresponda.

Esta axuda permitirá que a persoa traballadora por conta propia goce das reducións durante un máximo de 6 meses adicionais aos primeiros seis meses, completando así un máximo de 12 meses de redución, tomando como referencia a cotización pola base mínima establecida con carácter xeral e o tipo mínimo de cotización, vixentes no mes en que se producise a alta da persoa traballadora autónoma.

Programa de medidas de activación do emprego para persoas paradas de longa duración

Trátase dun programa específico e extraordinario de carácter temporal, dirixido a persoas desempregadas de longa duración con cargas familiares.


Programa de Garantía xuvenil

É un programa dirixido a todas as persoas entre 16 e 24 anos (ampliado hasta 29 años en caso de discapacidade igual ou superior ao 33%), a través do cal se pretende garantir a igualdade de oportunidades no mercado laboral. Tamén se busca ofrecer experiencia laboral, formación ou cursos de idiomas e TIC.

Axudas e subvencións destinadas á formación e o aprendizaxe, fomento do emprego e mellora da empregabilidade, programas integrados para o emprego, obradoiros de emprego, contratación temporal de persoas en situación ou risco de exclusión social perceptoras da Renda de integración social de Galicia (Risga), co obxecto de proporcionarlles a experiencia e práctica profesional necesarias para facilitar a súa inserción laboral.

Axudas da Axencia Galega de Innovación

A cargo deste organismo concédense diferentes axudas e bolsas para a formación, contratación e/ou promoción de investigadores, unidades mixtas de investigación, proxectos de investigación e desenvolvemento, accións de divulgación científica, etc.



10.7 Consellería de Cultura, Educación e Ordenación Universitaria

<http://www.xunta.es/cceou>

Fondo solidario de libros de texto e axudas para a adquisición de libros de texto e adquisición de material escolar

Todos os centros docentes sostidos con fondos públicos deberán dispoñer dun fondo solidario de libros de texto, que estará integrado por:

- Todos os libros de texto e/ou material reutilizable adquirido coas axudas do curso anterior, que o alumnado beneficiario está obrigado a devolver de acordo coa orde pola que se convocaron as axudas para a adquisición de libros.
- Os libros de texto e o material didáctico vixente e útil voluntariamente cedido ao fondo.

O funcionamento destes fondos permitirá reutilizar os libros, fomentando aptitudes de respecto, bo uso e conservación dos bens comúns e favorecendo a adquisición de hábitos cívicos e de convivencia, valores que contribúen dunha forma positiva ao proceso educativo do alumnado.

Para os cursos que non poden acollerse aos fondos solidarios, convócanse unhas axudas para a adquisición de libros de texto, que deberán conservar en bo estado, para incorporalos, ao rematar o curso no fondo solidario do centro. Exclúese desta obriga o alumnado beneficiario de 1º e 2º de primaria, así como o de educación especial e aquel cunha discapacidade igual ou superior ao 65 %, sempre que o material adquirido con cargo á axuda non poida ser reutilizado.

Así mesmo, convócanse unhas axudas para a adquisición de material escolar destinadas ao alumnado matriculado en educación primaria, educación secundaria obrigatoria ou educación especial en centros docentes sostidos con fondos públicos da Comunidade Autónoma de Galicia.

Comedores escolares nos centros públicos que imparten os niveis de ensinanza básica obrigatoria, primaria e secundaria obrigatoria, e/ou segundo ciclo de educación infantil

Os servizos de comedor comprenden aqueles servizos de xantar e de atención ás persoas usuarias nos períodos de tempo libre anterior e posterior da comida do mediodía, nos cales se fomentarán programas de promoción da saúde, hábitos alimentarios e habilidades persoais.

Establece que o uso do servizo dará lugar ao aboamento dos seguintes prezos públicos e das tarifas por parte dos suxeitos obrigados:

1 Serán persoas usuarias gratuítas dos comedores escolares:

- O alumnado que curse a ensinanza básica e o segundo ciclo de educación infantil pertencente a unidades familiares que se atopen en situación socioeconómica de exclusión social certificada polos servizos sociais autonómicos ou municipais correspondentes.
- O alumnado que curse a ensinanza básica e o segundo ciclo de educación infantil que se atope en situación de acollemento residencial ou familiar.
- O alumnado que curse a ensinanza básica e o segundo ciclo de educación infantil cun grao de discapacidade declarado igual ou superior ao 33 %.
- O alumnado que curse a ensinanza básica e o segundo ciclo de educación infantil pertencente a unidades familiares vítimas de terrorismo ou de violencia de xénero acreditada documentalmente.
- O alumnado que curse a ensinanza básica e o segundo ciclo de educación infantil pertencente a unidades familiares cunha renda familiar anual neta per cápita inferior a 7.000 €.

2 Serán persoas beneficiarias dunha bonificación para comedor, agás na contía de 1 € que se aboará por día de servizo, o alumnado cuxa renda familiar neta anual per cápita se atope nas seguintes condicións:

Unidades familiares cun único menor de idade que curse: ensinanza básica obrigatoria e/ou segundo ciclo de educación infantil	Renda anual neta per cápita de 7.000,01 a 8.000,00 €
Unidades familiares con dous menores de idade que cursen: ensinanza básica obrigatoria e/ou segundo ciclo de educación infantil	Renda anual neta per cápita de 7.000,01 a 8.000,00 €
Unidades familiares con tres ou máis menores de idade que cursen: ensinanza básica obrigatoria e/ou segundo ciclo de educación infantil	Renda anual neta per cápita igual ou superior a 7.000,01 €

3 Serán persoas beneficiarias da bonificación para comedor, agás na contía de 2,50 € que se aboarán por día de servizo, o alumnado cuxa renda familiar neta anual per cápita se atope nas seguintes condicións:

Unidades familiares cun único menor de idade que curse: ensinanza básica obrigatoria e/ou segundo ciclo de educación infantil	Renda anual neta per cápita de 8.000,01 a 9.000,00 €
Unidades familiares con dous menores de idade que cursen: ensinanza básica obrigatoria e/ou segundo ciclo de educación infantil	Renda anual neta per cápita de 8.000,01 a 9.000,00 €

4 Deberán aboar 4,50 € por día de servizo de comedor aquel alumnado cuxa renda familiar anual neta per cápita se atope nos seguintes parámetros:

Unidades familiares cun único menor de idade que curse: ensinanza básica obrigatoria e/ou segundo ciclo de educación infantil	Renda anual neta per cápita igual ou superior a 9.000,01 €
Unidades familiares con dous menores de idade que cursen: ensinanza básica obrigatoria e/ou segundo ciclo de educación infantil	Renda anual neta per cápita igual ou superior a 9.000,01 €

- 5 Deberán aboar 4,50 € por día de utilización do servizo de comedor, o persoal docente ou non docente destinado no centro escolar, persoal auxiliar de conversa e alumnado en prácticas de ensinanzas de maxisterio ou grao equivalente que, sen ter responsabilidades na organización dos comedores escolares nin no coidado do alumnado comensal, faga uso do comedor escolar.

Axudas para o alumnado de centros sostidos con fondos públicos para realizar actividades de formación en linguas estranxeiras

Axudas destinadas ás familias galegas co fin de facilitar ás súas fillas e fillos realizar actividades de formación, dirixidas á mellora das competencias en lingua inglesa, sempre que cursen estudos de 1º, 2º, 3º ou 4º de educación secundaria obrigatoria ou de 1º ou 2º de bacharelato, en centros sostidos con fondos públicos que impartan ensinanzas de réxime xeral, durante o curso 2016/17, na Comunidade Autónoma de Galicia.

Axudas económicas para o alumnado que realiza formación práctica en centros de traballo

Axudas económicas para a realización da formación práctica en centros de traballo (FCT), tanto ao alumnado matriculado no derradeiro curso dos ciclos formativos de grao medio e superior de formación profesional, dos módulos profesionais experimentais, das artes plásticas e deseño, das ensinanzas deportivas e dos programas de cualificación profesional inicial e que realice a FCT dentro do territorio español, como ao alumnado matriculado nos ciclos formativos de grao medio ou superior da formación profesional inicial ou nun ciclo formativo das artes plásticas e deseño e que realice a FCT en países da Unión Europea.

Prazas de residencia nos centros residenciais docentes da Coruña, Ourense e Vigo para realizar estudos postobrigatorios non universitarios durante o curso académico.

Para poder optar á praza de residencia, as persoas aspirantes deberán acreditar as circunstancias que impidan a súa escolarización nun centro sostido con fondos públicos. Con carácter xeral, esta circunstancia será a de non poder cursar os estudos solicitados por non haber un centro sostido con fondos públicos que imparta os devanditos estudos, ben na localidade de residencia, ben nunha localidade

próxima que permita, polos medios de comunicación da zona, un acceso diario con facilidade. Con carácter particular e documentalmente acreditado, poderanse ter en conta outras circunstancias, como condicións de orfandade, descendencia de emigrantes ou situacións familiares moi graves.

Prazas de colaboradores/as bolseiros nos centros residenciais docentes

- ▶ Centro Residencial Docente da Coruña: 18 prazas.
- ▶ Centro Residencial Docente de Ourense: 6 prazas.
- ▶ Centro Residencial Docente de Vigo: 6 prazas.

Requisitos:

- Ser de nacionalidade española, nacional dun país membro da Unión Europea, ou doutros países con residencia en España no momento de asinar a súa solicitude.
- Non estar en posesión dun título académico igual ou superior ao dos estudos que se pretenden realizar.
- Ter dezaoito anos feitos, ou facer esta idade dentro do ano natural da convocatoria.
- A distancia entre o centro universitario onde curse os estudos e o centro residencial docente, así como os medios de comunicación existentes, deberán garantir a dispoñibilidade no horario en que teñan que realizar o devandito labor de apoio.
- A persoa solicitante deberá estar inscrita ou matriculada en ensinanza universitaria de grao; máster oficial; primeiro, segundo ou terceiro ciclo nunha facultade, escola superior, escola universitaria ou colexio universitario.

Aloxamento para estudantes universitarios en residencias das universidades

- ▶ Prazas e bolsas de aloxamento para estudantes da Universidade de Vigo.

<https://www.uvigo.es/>

- Complexo residencial universitario “O Castro” (Vigo)
- Residencia concertada “A Peregrina” (Pontevedra)
- Complexo residencial concertado “ALCAI” (Allariz)

- ▶ Prazas de aloxamento para estudantes da Universidade de Santiago de Compostela.

<http://www.usc.es/gl/servizos/sur>

Campus de Santiago de Compostela:

- Colexio Maior Fonseca.
- Colexio Maior Rodríguez Cadarso.

- Colexio Maior San Clemente.
- Residencia Universitaria Burgo das Nacións.
- Residencia Universitaria Monte da Condesa.

Campus de Lugo:

- Residencia Universitaria Jesús Bal y Gay.

- ▶ Prazas de aloxamento para estudantes da Universidade da Coruña.

<https://www.udc.gal/sape/aloxamento/>

- Residencia Universitaria Pública de Ferrol

Residencias concertadas:

- Residencia Universitaria Siglo XXI (A Coruña)
- Residencia Rialta (A Coruña).

Actividades de dinamización da lectura

- ▶ Venres nas librarías: Programa destinado a promover o encontro dos lectores e lectoras cos novos títulos do mercado editorial galego e os seus autores e autoras no espazo das librarías, posto en marcha pola Consellería de Cultura, Educación e Ordenación Universitaria e a Consellería de Economía e Industria, xunto coa Federación de Librarías de Galicia e a Asociación Galega de Editores.
- ▶ Ler conta moito: conxunto de actividades nas bibliotecas públicas galegas para achegar a cidadanía á lectura e á información dunha maneira lúdica e atraente. O desenvolvemento destas actividades de dinamización no ámbito da biblioteca reforzan o seu carácter de espazo aberto, ao tempo que alentan a aprendizaxe e a descuberta a través dos recursos que as bibliotecas proporcionan.
- ▶ Voluntariado cultural nas bibliotecas: Este programa pretende que as bibliotecas poidan prestar con máis eficacia a súa función de formar, informar e de acceso á cultura e ao lecer dos cidadáns en igualdade de oportunidades por medio de procesos áxiles e innovadores capaces de brindar servizos de calidade que se acomoden ás necesidades dos usuarios e da comunidade á que serven.

Actividades de dinamización cultural

- ▶ Cinemas de Galicia é unha rede de salas públicas para a exhibición cinematográfica impulsada pola Agadic coa finalidade de incrementar tanto o número de pantallas da comunidade, como as opcións de distribución dos filmes galegos máis recentes.

Trátase, en definitiva, de facilitarlle ao público galego a oportunidade de gozar en pantalla grande dunha escolma de filmes que, malia a súa contrastada calidade, non son doados de atopar nos circuitos comerciais.

<http://www.agadic.gal/cinemasdegalicia>

- ▶ A Agadic encárgase directamente da xestión de tres importantes canles de distribución escénica e musical, que desenvolve en colaboración con numerosas entidades públicas e privadas de toda Galicia. A Rede galega de teatros e auditorios, a Rede galega de salas e a Rede galega de música ao vivo garanten a estabilidade na programación de espectáculos e concertos de factura galega, ao tempo que lles achega aos espectadores unha oferta ampla, plural e aberta tanto no que se refire aos seus contidos como á súa descentralización xeográfica.

<http://www.cultura.gal/gl/axenda>

Axudas ao alumnado universitario que teña dificultades económicas, por causa sobrevida ou imprevista, para continuar os seus estudos.


Axudas de mobilidade complementarias no marco do programa comunitario Erasmus+ para estudantes universitarios ou o alumnado que cursa ensinanzas artísticas superiores.

Axudas a estudantes universitarios, do Sistema Universitario de Galicia ou nos centros asociados da UNED en Galicia, para estadías nalgún Estado membro da Unión Europea co obxecto de coñecer a lingua dese país

Axudas a estudantes universitarios de segundo e posteriores cursos matriculados nas universidades do Sistema universitario de Galicia.

Bolsas destinadas aos estudantes universitarios que participan en programas de mobilidades con países extracomunitarios

Axudas para a matrícula nun máster universitario oficial, destinadas a titulados/as universitarios/as en situación de desemprego



10.8 Consellería de Sanidade

<http://www.xunta.gal/sanidade>

Teléfono único do Sergas: 902.077.333

O servizo telefónico está operativo de continuo, as 24 horas do día, os 7 días da semana. Dá cobertura a toda a poboación galega, para calquera centro sanitario.

Este servizo de atención á cidadanía dá acceso a múltiples servizos e trámites do sistema sanitario galego, como:

- Pedir cita para ser atendido no seu centro de saúde.
- Solicitar a anulación ou retraso das citas hospitalarias.
- Solicitar atención telefónica por parte de profesionais sanitarios.

Fundación Pública Urgencias Sanitarias de Galicia-061

Esta fundación pon á disposición da cidadanía diversos recursos cos que poder realizar consultas médicas e resolver as súas dúbidas de información sanitaria, como son o teléfono 902.400.116 ou o espazo en liña.

Nestes recursos atopará información e consellos relacionados coa saúde e coidados asistenciais. Concretamente:

- Dúbidas sobre a evolución dunha enfermidade.
- Opinión sobre a orientación dun caso.
- Asesoría sobre problemas de saúde non urxentes.
- Información xeral sobre temas sanitarios (tratamentos, resultado de probas, funcionamento xeral do sistema,...).
- Información sobre os servizos e actividades que proporciona a Fundación Pública Urgencias Sanitarias de Galicia-061.

Espazo da cidadanía


<http://www.sergas.es/ESaude>

A consellería habilitou un espazo destinado a proporcionar información a toda a cidadanía sobre os aspectos que a continuación se relacionan:

- ▶ Cidadán e a saúde (dereitos e deberes, tarxeta sanitaria, instrucións previas, protección social, prestacións,...).
- ▶ Coñeza os servizos sanitarios (atención primaria e especializada, saúde mental, saúde pública, rehabilitación psicosocial e laboral, urxencias, doazóns e transplantes,...).
- ▶ Información de saúde (consellos de saúde, saúde laboral e ambiental, indicadores de espera...).
- ▶ Coñeza como funcionan (atención ordinaria, centros de saúde, PAC, pediatría, urxencias hospitalarias,...).
- ▶ E conta cunha oficina virtual, a través da cal se pode: pedir cita de atención primaria, consultar o estado dunha reclamación ou suxestión, solicitar a tarxeta de persoa doadora, tramitar o reintegro de gastos, entre outras cousas.

A partir deste espazo podemos contactar con:

- ▶ A Escola Galega de Saúde para Cidadáns: está orientada á formación de pacientes, familias e cidadáns en materia de saúde, para mellorar a toma de decisións nos seus procesos de saúde-enfermidade. Está destinada a prover de información, coñecementos e habilidades en procesos de saúde e de enfermidade a pacientes, coidadores e coidadoras e cidadáns, co fin de mellorar a súa calidade de vida e potenciar a súa participación segura nas decisións sobre os seus procesos, así como facilitar o coñecemento do funcionamento dos servizos sanitarios para contribuír a un uso eficiente deles, para o que conta cunha rede de profesionais e formadores e formadoras expertos.
- ▶ Doazóns e transplantes: contacta coa Oficina de Coordinación de Transplantes (OCT), que se encarga de promover a doazón de órganos e proporciona información sobre: as doazóns e os transplantes, as actividades, as publicacións, os centros, a lexislación, as asociacións de enfermos e transplantados..., así como sobre a tarxeta de persoa doadora.
- ▶ Doa sangue: contacta co Centro de Transfusións de Galicia e informa sobre: a doazón, as características da persoa doante, lugares para doar, programa de voluntariado,...
- ▶ Vacinas: enlaza coa área de Innovación e Xestión da Saúde Pública e informa sobre: a vacinación infantil, vacinación fronte ao tétano, campañas de vacinación antigripal e antipneumocócica, virus do papiloma humano, vacinas para viaxeiros, etc.
- ▶ Catálogo priorizado de produtos farmacéuticos.
- ▶ Xenéricos.



10.9 Consellería do Medio Rural

<http://www.xunta.gal/medio-rural>

Lácteos na escola

Consiste na compra a prezo reducido de leite e produtos lácteos destinados ao alumnado de 0 a 18 anos de centros escolares públicos e concertados.

A axuda está destinada ás nenas e aos nenos que asistan regularmente aos centros ou establecementos escolares, recoñecidos polas autoridades competentes, dos niveis de ensino de educación infantil, primaria e secundaria.

Froita na escola

Esta axuda ten por obxecto a distribución de froitas frescas ao alumnado de centros escolares.

A axuda está destinada ás nenas e aos nenos que asistan regularmente aos centros escolares administrados ou recoñecidos polas autoridades competentes, que pertencen aos seguintes niveis de ensino:

- ▶ Segundo ciclo de educación infantil.
- ▶ Educación primaria.
- ▶ Educación secundaria obrigatoria.

Axudas para a incorporación de persoas mozas á actividade agraria

Estas axudas tentan favorecer o relevo xeracional de titulares de explotacións, favorecendo a incorporación de persoas, entre 18 a 40 anos de idade, á actividade agraria.

Axudas para a mellora da eficacia e sustentabilidade das explotacións agrarias

Estas medidas están destinadas á mellora das condicións de vida e de traballo das persoas titulares e das empregadas nas explotacións; á mellora e á ordenación das producións en función das necesidades do mercado; ao aforro da enerxía e/ou auga, ou á incorporación das novas tecnoloxías; á adecuación á normativa comunitaria en materia de ambiente, hixiene e benestar dos animais; á protección do solo e do ambiente.

Axudas para o fomento das razas autóctonas, para o aproveitamento forestal, para o fomento do emprego de maquinaria en réxime asociativo, para o fomento da transformación e comercialización de produtos, para participar en réximes de calidade, para o fomento da contratación dos seguros agrarios, para o apoio de proxectos piloto para o desenvolvemento de novos produtos, procesos e tecnoloxías no ámbito agroforestal.

Prazas de residencia e de manutención nas residencias do medio rural para a realización de ciclos formativos

Requisitos:

Estar matriculado ou matriculada nos centros de formación dependentes desta consellería e realizar estudos agroforestais: ciclos formativos de grao medio e superior da familia profesional agroforestal.

As prazas poderán adxudicarse nas seguintes modalidades:


- ▶ Residencia en pensión completa.
- ▶ Media pensión.
- ▶ Xantar diario non regular.

Centros de formación:

- ▶ Centro de Formación e Experimentación Agroforestal de Lourizán
- ▶ Centro de Formación e Experimentación Agroforestal de Sergude (A Coruña)
- ▶ Centro de Formación e Experimentación Agroforestal de Becerreá (Lugo)

Convocatoria de bolsas para a formación e de prácticas en temas relativos á agricultura.

Bolsas de formación de persoal tecnólogo e persoal de apoio á investigación, bolsas de prácticas para persoas con titulación recente en especialidades agrarias, forestais, veterinaria, tecnoloxía dos alimentos e bioloxía, e bolsas de prácticas para o alumnado e tituladas ou titulados recentes de formación profesional da familia agraria.



10.10 Consellería do Mar

<http://www.xunta.gal/mar>

Ponlle as pilas ao teu bocata

Campaña informativa para dar a coñecer as múltiples virtudes das conservas dos produtos do mar. Esta iniciativa desenvólvese nos colexios públicos e numerosas competicións deportivas e campamentos da comunidade autónoma.

O sabor da aventura está no mar

Esta campaña ten o dobre obxectivo de facilitar o coñecemento e consumo de produtos do mar de Galicia entre as nenas e nenos da nosa Comunidade, e de incidir e equilibrar as súas dietas alimenticias dándolles a probar nos comedores dos centros educativos diferentes pratos elaborados con peixe e marisco. As persoas destinatarias son escolares de educación primaria e o seu profesorado.

Axudas a proxectos colectivos para contribuír á protección e recuperación da biodiversidade mariña a través dunha mellor xestión e conservación dos recursos mariños e dos seus ecosistemas, así como ao fomento da sensibilización ambiental

Estas axudas están destinadas a proxectos colectivos, financiados polo Fondo Europeo Marítimo e de Pesca (FEMP), que contribúan á protección e recuperación da biodiversidade mariña a través dunha mellor xestión e conservación dos recursos mariños e dos seus ecosistemas, co fin de permitir mellorar as condicións de vida e traballo das persoas que se dedican a esta actividade e contribuír á conservación do medio mariño e das súas especies, así como ao fomento da sensibilización ambiental.

Prazas de residencia e de manutención nas residencias do mar para a realización de ciclos formativos

Requisitos:

Estar matriculado ou matriculada nos centros de formación dependentes desta consellería e realizar os seguintes estudos:

- ▶ Marítimo-pesqueiro: ciclos formativos de grao medio e superior da familia marítimo-pesqueira
- ▶ Náutico-pesqueiros: capitán de pesca, patrón costeiro polivalente, patrón local de pesca e mariñeiro pescador

As prazas poderán adxudicarse nas seguintes modalidades:

- ▶ Residencia en pensión completa.
- ▶ Media pensión.
- ▶ Xantar diario non regular.

Centros de formación:

- ▶ Instituto Politécnico Marítimo-Pesqueiro do Atlántico de Vigo
- ▶ Escola Oficial Náutico-Pesqueira de Ferrol

galicia